

**NATIONAL ASSEMBLY OF
SEYCHELLES**

Wednesday 31st March, 2021

The Assembly met at 9am

National Anthem

Moment of Reflection

Mr Speaker in the Chair

PUBLIC HEALTH AUTHORITY

MR SPEAKER

Bonzour tou Manm e bonzour tou piblik ki pe swiv nou an deor. Nou pou al direktman dan *Committee Stage* pou nou kontinyen avek *Appropriation Bill* e nou ava apel delegasyon *Public Authority* ki pe atann.

Antretan mon a zis note pou bann Manm, zot in not *Second Reading* en *Bill* devan nou ki deza in fer *First Reading* yer. Nou ti'n met sa *Second Reading* lo *Order Paper* pou la bomaten, be nou bezwen prezans *LGB* ek Lakor *Leader* Lopoziyon nou'n plas sa *Bill* e nou a pran li dan lazournen, probableman apre *Public Health Authority*.

Bonzour delegasyon Minister Lasante. Nou *welcome back* Mrs Peggy Vidot Minis

pour Lasante, e osi nou *welcome back* PS Damien Thesee e Ms Noella Vinda sorti kot Minister Finans.

Lo delegasyon *Public Health Authority* nou annan Dr Jude Gedeon *Public Health Commissioner*, Ms Daphne Belle *Director Human Resources*, e Mr Michel Brutus *Financial Controller*.

Alor nou pe pran Bidze *Public Health Authority* ki lo paz 406 ziska 410 pour en total R60milyon 702mil.

E avek sa mon ava envit Minis pou prezant sa Bidze.

MINISTER PEGGY VIDOT

Mersi Mr Chairman. Bonzour Mr Chairman. *Leader* Lopoziyon, *Leader* Zafer Gouvernman, Manm Onorab, Oditer radyo e telespektater.

Lotorite Lasante Piblik or *Public Health Authority* ti ganny etabli anba en Lalwa an 2015, pandan sa lannen ki'n pase manm piblik in vwar pou zot menm en gran morso sa travay enportan ki Lotorite Lasante piblik i fer.

Zot in vwar sa atraver larepons Nasyonal pou *COVID-19* ki Lotorite Lasante Piblik in dirize avek bokou kouraz, travay dir, sakrifis personnel ek profesyonnalizm. Sepandan sa

i zis en morso sa travay total ki Lotorite Lasante Piblik i fer.

An se moman sa *Public Health Authority* i anploy apros dan 148 dimoun, e zot, zot travay dan 5 seksyon;- dan *Public Health Services*, *Public Health Laboratory*, dan *Disease Surveillance and Response*, dan *Disease Control Registration* avek *Regulations*.

Son fonksyon se pou asire ki bann Lalwa relye ek lasante i ganny enplimante dan lentera piblik an zeneral. An se moman apard ki Lalwa Lasante Piblik ki *Public Health Authority* i travay anba, i osi annan plizyer lezot Lezislasyon ki permet travay *Public Health Authority*.

Laplipar sa bann Lalwa i ede pou Lotorite zve son rol regilater, tel ki;- *Pesticide Control Act*, *Food Control Act*, *Tobacco Act* eksetera. Son travay i osi enkli *food safety*, kontrol lenportasyon e lizaz pestisid, asire ki resers medikal i ganny fer etnikman. I osi responsab pou sirveyans maladi e kordonn repons pou bann lepidemi.

Serten servis medikal reste anba *Public Health Authority*. Sa i enkli tretman maladi kontazyez, *travelers health* e *Occupational Health*. Bidze propoze pour sa lannen pou Lasante Piblik i a

R60milyon 702mil. Sa i annan en logmantasyon, i en pe mwens ki Bidze ki i ti gannyen pou 2020 an rezon ki Bidze ti ganny re aziste akoz bann depans *COVID*.

Pandan lannen 2020, *PHA* in *focus* son latansyon prensipalman lo *COVID-19*. Sa i pa'n anpes li desarz lezot travay esansyel tel ki, asire tretman pasyan pou *HIV*, pou Epatit, pou *TB* e lezot ankor.

In fer bokou envestigasyon e reponn lezot alert. Lotorite Lasante Piblik i travay bokou dan prevansyon, pou anpes lepidemi tel ki;- *food poisoning*, dennge e leptospiroz. Bann sanniter i fer bokou lenspeksyon kot lakour, kot lendistri, kot landrwa travay kot labatwar.

E zot in fer plis ki 3000 lenspeksyon lye avek bann letablisman e biznes touristik dan sa nouvo normal, pou permet loperasyon avek plis mezir kontrol e proteksyon kont lenfeksyon *COVID-19*.

I annan osi bokou aktivite lye avek kontrol pest ek vermin ki ankor pe anmenn maladi, tel ki;- lenspeksyon e konsey lo *spraying*, lo pwazon or pou bann *rodent*. I bezwen en mendev konpran e motive.

Lotorite pe met lanfaz lo ogmant konesans son bann

travayer, parey i leka dan Minister Lasante annantye. Se pour sa rezon ki i pe travay pou bann sanniter fer en Degre dan *Environmental Health Sciences*, dan Liniversite *Maurice e Sesel* ki pou komanse sa lannen.

Malerezman serten louvraz pa'n ganny fer parey ton ganny planifye. Akoz resours in bezwen ganny re partaze pou fer fas a lepidemi *COVID*.

Pou 2020 Lasante Piblik in bezwen kontinyelman enplimant plan "*Response to COVID-19*" pandan ki i asire lezot servis i rebran.

Sa plan repons *COVID-19* pou 2021, i annan bi anpese e ralanti propagasyon *COVID-19* pandan ki lezot servis i kapab kontinyen. I kouver bann stratezi pou permet reouvertir nou lafrontyer e otan aktivite ekonomik ki posib, pour ki nou lekonomi i kapab rebran e ki lavi zeneralman i rebran en serten normalite.

Mr Chairman Lotorite Lasante Piblik i ganny manda pou protez lasante pei, me i pa kapab fer sa travay li tousel. I bezwen fer li avek nasyon Sesel an antye. Nasyon Sesel an antye i bezwen enplike direkteman ou endirekteman dan sa lalit.

Sak endividyel i annan en rol pou zwe. I en travay ki

demann sipor, konprenezon, kolaborasyon nou tou. Nou bezwen travay ansanm.

Nou'n vin devan Lasanble pou demann en Bidze *minimum* pou akonpli bann fonksyon ki Lotorite Lasante Piblik i bezwen fer.

Me bann defi Lasante Piblik ki devan nou i bokou pli enorm ki sa Bidze i sizere. Problenm lobezi, problenm dyabet, problenm kanser, problenm lalkol eksetera, i demann en lapros milti dimansyonnel ki nou bezwen trouv mwayen pou adrese dan son totalite osito ki sa problenm *COVID-19* i deryer nou. Mersi.

MR SPEAKER

Mersi Minis. Permet mwan verifie mon lalis. Mon annan bann Manm *US* ki prezan e lo kote *LDS* mon annan Onorab Labonte, Bistoquet, Esparon, Woodcock, Hoareau, Roucou, Romain, Samynadin, William, Arissol. Onorab Monthy e non pa Onorab Hoareau, *ok* tre byen. Nou a komanse, mon a komans avek Onorab Labonte.

HON ANDY LABONTE

Bonzour Mr Chair. Bonzour Minis, panel, bonzour tou Seselwa ki a lekout. Bon, mon kestyon ozordi i baze lo *current challenges* kot pwen limero 2,

kot yer nou ti diskite *regarding* fasilite.

Me la ler nou pe gete nou war poudir *Public Health Officer* i ankor pe servi bis piblik pou al fer bann vizit dan kominote, ki dan mon distrik mon konnen ki sa i en gro problem. E mon pe gete petet lo kote sa Bidze, si sa Bidze pe fer provizyon pou kapab adres en pe sa issue sirtou avek sa letan *COVID* ki i pa apropiye.

Aprè lo pwen limero 5 ek 6 ankor, kot zot *current challenges* ankor, kot i koz lo "*failure to attract quality staff*", enkli anba son limero 6 osi kot i koz "*most unit are unsatisfied and staff multitasking without commensurate compensation.*"

So ankor enn fwa no pe gete vi ki parey ou'n dir i annan en rediksyon dan Bidze, me selman eski zot pe gete ki mannyer pou zot kapab vreman ankouraz plis *staff* e pou zot kapab mentenir zot *staff* dan sa Departman? Mersi.

MR SPEAKER

Mersi. Mon ava apel Minis pou reponn. Amwen ki en lot manm *panel*, lev lanmen pou endike si zot pou reponn. Minis.

MINISTER PEGGY VIDOT

Mersi Onorab pou ou kestyon. Wi problem transpor dan

Public Health Authority in en problem e in en problem pou kontinyelman donn sa bann servis ki nou bezwen. Akoz dan sak distrik par egzanp i annan en sanniter ouswa 2 depan lo grander. E zot travay li menm li i demande ki zot fer en kantite vizit.

E ziska prezan nou ankor annan en kontrent en lot transpor. Parey ou'n fer resorti keksoz in sanze avek *COVID* e nou fason travay osi i bezwen sanze.

E mon pou demann Dr Gedeon pou li adres sa bout, me an menm tan nou realize poudir dan sa domenn i demann dimoun ki spesyalize, ki annan *training*, preparasyon, ledikasyon dan sa servis.

E nou pe fer nou mye parey nou'n eksplike yer pou atir dimoun dan sa profesyon. E pou sa rezon nou santi poudir si nou met en pti pe plis, nou valoriz sa profesyon en pe plis par anmenn zot ledikasyon en pe pli o osi i ava ede pour atir dimoun pou *zwenn environmental health*.

Me mon a demann Dr Gedeon pou li azout lo la. Mersi.

MR SPEAKER

Dr Gedeon.

PUBLIC HEALTH
COMMISSIONER DR JUDE
GEDEON

Mersi Minis. Bonzour Mr Chairman. Bonzour tou Manm Onorab. Bonzour tou dimoun dan lakour. Onorab mersi pou ou kestyon.

I vre ki sa problemn transpor i reste enn nou bann *challenges*. Nou'n fer tou kalite demars pou nou kapab *meet* bann demann nou bann zofisyè dan kominote pou zot kapab fer zot bann vizit letan i neser.

E par ler nou bezwen rod solisyon an deor nou resours ki nou annan. Par egzamp nou souvandfwa demann *Health Care Agency* lasistans pou bann transpor dan kominote pou zot asiste nou pou fre bann vizit.

E *as part of being resourceful* nou bann zofisyè Lasante Piblik i pran transpor piblik par ler pou zot fer servis. Be sa i plito bann leksepsyon i pa en keksoz ki ideal. Me selman si i annan en travay pou ganny fer, zot pa per pou pran transpor piblik pou zot *access* bann landrwa ki zot bezwen vizite.

Wi nou bann *challenge* i reste ki pou mou atrakte bann *staff* e retenir zot i reste en *challenge*, akoz i annan en *pool factor* dan prive ki pe rekrit

menm kalite konpetans ki nou bann *staff* i annan.

Se pour sa rezon ki i en batay kontinyel pou nou kapab amelyor *package* nou bann *staff*;- sirtou bann *staff* teknik ki *highly trained* e konpetan pou zot kapab reste dan *post*. Sa i relevan pou par egzamp *Public Health lab*, dan domenn sirveyans, *epidemiology*, dan domenn *vector control*.

Nou pa kapab par ler retenir sa bann *staff* lontan oubyen atrakte dimoun pou pran sa bann *training*, akoz *package* pa osi *attractive*. Be tout fwa nou pe fer zefor pou nou kapab amelyore. Mersi.

MR SPEAKER

Wi Onorab. Pwen.

HON ANDY LABONTE

En pti leklersisman plizoumwèn en *advice*. Petet akoz parey nou konnen kot *NHSS* nou pe ganny dir poudir bokou sa bann etidyan ler ki zot vini zot pa vremen ganny ankouraze.

Ou konnen ler en manrmay i ankor zenn i pa vremen motive, petet ler i, avek letan i aprann sa louvraz i pli enterese. Nou pe demann bann ansennyan ki laba petet pou rod en fason pou zot kapab mentenir sa bann manrmay,

akoz sa ki nou pe ganny dir la deor. Mersi.

MR SPEAKER

Mersi Onorab. *Panel*. Ou'n note Minis?

MINISTER PEGGY VIDOT

Mon'n note Mr Chair.

MR SPEAKER

Thank you. Onorab Loze.

HON JOHAN LOZE

Mersi Mr Speaker. Bonzour tou dimoun. Mr Speaker mon premye kestyon se eski, konbyen manrmay par anba 18an ki'n atrap *COVID* dan sa dernyen 2 semenn?

Mon dezyenm kestyon i lo *mask wearing* i kapab petet *sound* parey 2 kestyon. Mon ti pe gete i eski *PHA* pou devlop en Polisi koeran lo *mask wearing* ki ava kapab evantyelman bouz dan en direksyon kot *mask* ava ganny fer *available* avek piblik sirtou zanfan lekol, pou ankouraz plis *mask wearing*?

Prezan lopital li i deza donn *mask* avek son *staff*, me eski nou kapab bouz dan en direksyon kot bann lezot landrwa travay Gouvernman, zot osi zot fer *mask available* avek zot bann *staff*, dan en fason pou ankouraz plis *mask wearing* dan nou pei?

Mon dernyen kestyon, eski *Public Health Authority* bann zour kot i annan bokou rezilta pozitiv, eski zot pe kas, kas sa ban rezilta an pti morso e aporsyonn li *over a number of days*, dan en zefor pou zot pa koz *panic* dan la popilasyon, prezan zot distribye sa *over a number of days* ki get pli pti gin ka par zour?

Akoz se sa lenformasyon ki nou annan a nou dispozisyon an se moman, ki se sa zot pratik ki zot pe fer. Mersi Mr Speaker.

MR SPEAKER

Mersi. *Panel*, lekel ki pou pran *Commissioner*? *Yes Commissioner*.

PUBLIC HEALTH COMMISSIONER DR JUDE GEDEON

Mersi Mr Chairman. Mersi Onorab pou ou 3 kestyon ki annan 4 repons. Premyerman *mask wearing*, i annan en Lalwa deza, en regilasyon pou met *mask* dan landrwa piblik. E i annan en *fine* asosye avek. So sa i Lalwa pou ou met *mask*.

E parey zot in war, lapolis resaman i pe *fine* bokou dimoun ki pa met *mask* kot i devret pe mete.

As regards to en Polisi koeran, wi i annan *guidelines* ki manner pou met *mask* byen,

ki manner pou *handle* en *mask*. Sa i annan i deza egziste ki'n ganny partaze avek tou departman e mon sir ki isi Lasanble zot annan sa bann *guidelines* deza ki manner pou servi en *mask*.

Trwazyenmman *availability of mask* dan bann landrwa piblik. Dan bann landrwa travay mon konnen kot zot bezwen servi piblik, zot landrwa travay i *provide mask* pou zot travayer. Me selman pou zot lizaz personnel mon konnen zot bezwen fer zot prop provizyon.

Be selman ou sizesyon i valab, kot en dimoun i santi li difisil pou li kapab *afford mask* si nou ti kapab fer sa *mask* swa *available* lo en pri pli ba, oubyen menm pou donn li gratwitman i en propozisyon mon krwar ki vo lapenn evalye e get ladan.

Katriyenm bout *as regards to* bann *statistics*, i pa nou lentansyon pou kas bann *statistics* par pti morso. Ofet si ou regard byen nou'n prezant nou bann lenformasyon pandan *press conference*, sa ki nou prezante i bann *cases on the sampling date*.

So letan rezilta i sorti toulezour i annan ki'n ganny *sample* en zour, i annan 2 zour avan ki pa ti ankor fini *process*

dan sa menm zour. Me selman sa i ganny aziste letan nou fer nou *press conference* nou donn nou lenformasyon ek piblik, i ganny klase par zour.

Par egzantp ou kapab annan *sample* ki pran ozordi le 31, i annan rezilta ki pou pare ozordi, e i annan ki pou pare demen. So sa ki pou pare ozordi ki pou ganny prezante dan nou *media release* lafen lazournen e sa ki pou pare demen pou ganny prezante demen. Be selman letan nou'n met li nou *graph* nou *statistics* i fer reprezantasyon pou sa zour, sa zour ki sa *sample* in ganny pran.

I napa okenn lentansyon pou kas, kas *statistics* par pri bout. I napa okenn sans osi pou fer li.

Lot bout kekyon i marmay anba 18an. Mon napa sa *statistics* pou sa 2 semenn la, me selman mon a fer ou gannyen Onorab. Akoz mon'n demann, *in fact* bomaten mon'n demann sa ki ansarz sirveyans Dr Bibi, pou prepar sa bann *breakdown* pou nou kapab prezante dan *press conference* demen. Mersi.

MR SPEAKER

Mersi. Onorab wi, ou annan en pwen?

HON JOHAN LOZE

Mersi Mr Speaker. *Doctor* si demen letan ou prezant bann *statistics* e mon asire ou pou tous sa larepons demen. *So we might as well make it tomorrow*, pa bezwen anvoy mwan. Demen letan ou tous konbyen manmay anba 18an ki'n kontrakte *COVID*, si ou ti kapab *provide* popilasyon Sesel ki anba 18an. Mon sel konsern mwan *is that today they remain unvaccinated*, setou.

Aprè lo mon dezyenm kestyon konsernan *mask wearing*, mon ti'n kestyonn lo en karot ou'n reponn mwan lo en *stick*. Be mon *issue* se ki avek sityasyon lanplwa dan pei an se moman, dimoun ki pa *afford* en *mask*, i pa pou *afford* pey *fine either*.

So, the stick pa pe ed li *either way*. So ou pou annan ou en *segment* popilasyon ki *out of employment* e ou *further discriminate* kont li, la prezan i pa kapab sorti dan semen, aköz i pa ni *afford* en *mask*. Mersi Mr Speaker.

MR SPEAKER

Mersi. *Commissioner* ou note? Okenn remark ki ou ti oule azoute?

PUBLIC HEALTH COMMISSIONER DR JUDE GEDEON

Mersi Mr Chairman. *Point well taken* Mr Chairman. Nou a pran sa an konsiderasyon, mon war en sizesyon tre valid.

MR SPEAKER

Mersi. Onorab Romain.

HON GEORGE ROMAIN

Mersi Mr Chair. Bonzour Minis ek ou delegasyon. Bonzour tou dimoun a lekout. Minis an vi ki la ki pei in re ouver ankor en kou kot paret mon ti pe dir yer mon'n war bokou dimoun kot pe antre.

Mon konnen i annan bokou presyon byensir lo Minister Lasante. Alor mon pe demann ek Dokter egzakteman vreman ki bann nouvo mezir ki ou pe met an plas, mon mazine bann mezir i bezwen en pti pe pli strik. Aköz pou annan plis dimoun ki pe sirkile partou lo, dan pei.

Alors ki vreman bann nouvo mezir ki pou met an plas ki pou evite ganny bann ka *COVID*? Mon konnen nou pa pou kapab vreman evite bokou, be selman i kapab ed en pe. Sa i mon premye kestyon.

Mon dezyenm kestyon Minis, an vi ki bokou biznes pe komans re ouver ki i en bon

keksoz ki nou pe vwar, dimoun pe retourn travay, i tir en pe presyon lo Gouvernman. I annan bann, parey la nou vwar *gym* pe komans reouver. Byensir avek bann prekasyon, i annan parey lo bann biznes osi parey lo kote *casino*.

Mon konnen zot osi anploy bokou bann Seselwa. E zot, zot ti'n vreman met bokou an plas bann sistenm lasante ki pa zanmen, zot bann sistenm ki zot servi. Zot *sports machine whatever* ti met bann baryer, e menm zot ti pe *sanitize* zot landrwa.

E menm mon konnen menm in annan enn ki ler ou vini parey si i pran ou tanperatir, e parey konmela zot pe ekrir non dan liv. Be li i pe pran tou lenformasyon i pe met dan sistenm apre i donn ou en kart ki ler ou vini *next time* sa kart i *scan* sa kart i ganny tou lenformasyon lo ou.

Ki si an ka demen i annan en ka *COVID* dan sa landrwa i fasil pou fer *contact tracing* sa ki vreman i en bin keksoz. E alors mon ti a voudre konnen ek Minis kan ki zot pe mazin ouver sa bann kalite biznes dan le fitir?

E apre mon dernyen kestyon. Mon'n vwar ki ler nou pe koz ankor dan *contact tracing* i annan bann landrwa ki ler ou

ale Minis i tyek ou tanperatir, i met ou non dan liv, ou *sanitize* ou lanmen. Be i annan landrwa ou ale, i tyek ou tanperatir, ou pa met non dan liv, zis ou antre dan sa landrwa.

E mon pe mazine si demen i annan en ka *COVID* dan sa landrwa, ki mannyer zot pou vreman kapab fer *contact tracing*? Mersi Mr Chair.

MR SPEAKER

Mersi. Minis wi.

MINISTER PEGGY VIDOT

Mersi Onorab pou ou kestyon. Mon ava pran de laspe lo ou kestyon, apre *Commissioner* i ava ranforsi.

An term louvertir bann biznes. *Public Health Authority* in fer sir ki avan sak biznes i ouver, ki zot in ganny en *assessment*. An premye lye sa *assessment* in ganny fer par en, lo en bann kriter ki *Public Health Authority* in set.

E tou sa biznes zot in premyerman *assess* zot lekor, apre nou'n annan en tim ki'n pas kot tou, lo sa *self-assessment* in re *assess* zot. Bann ki pa'n *meet* kriter, menm si zot in pas zot lekor, i pa'n donn zot *license until* zot in fer rektifikasyon tou bann keksoz ki manke.

E pou sa rezon, e nou santi pou bann ki'n ganny permisyon pou reouver, zot annan tou zot bann SOPs an plas ki pour fer sir ki i annan sa proteksyon piblik ek proteksyon zot *staff* an menm tan. E nou pe kontinyen *monitor* zot o fir an mezir.

E i annan osi ki menm koman in ganny permisyon premye lye pou li ouver, in ganny re fermen ler nou'n pase nou'n vwar poudir sa ki zot in dir nou zot pe fer, zot pa pe fer. E kontinyelman i annan sa *monitoring*. Parey ou dir i posib i annan, tou bann biznes in donn zot SOPs zot dir nou ki sa zot merit fer.

E enn bann keksoz ki zot dir zot pou pran non, e si zot pa pe fer sa i osi bann keksoz ki ler nou pase zot bezwen rektifye li vin, ou si non bann keksoz ki zot pa annan an plas re mete si zot pa pe fer li dan sa letan ki *Public Health* i demann zot, zot osi zot ganny fermen anba sa Lalwa.

Pou bann biznes ki pa ankor ouver, nou pe kontinyelman *assess risk* ouver tou biznes e an mezir ki nou santi poudir to lenfeksyon dan pei i en nivo ki nou santi nou pe kapab kontrole, tou lezot biznes ki pe ale i pe byen ale.

Nou pe kontinyelman *assess*. E parey ou vwar apre sak *assessment* ki nou fer, si nou santi poudir i annan en posibilite pou ouver serten biznes san agrandi risk lo pei, nou fer li.

E sa i en legzersis ki pe kontinyelman ganny fer parey ou vwar de tanzaot *Public Health Orders* i ganny amande pou anglob tou sa.

Lo laspe ki pli, kantite mezir ki nou'n met an plas, nou a demann Komisyoner pou li koz lo la.

MR SPEAKER

Mersi. *Commissioner*.

PUBLIC HEALTH COMMISSIONER

Mersi Minister. Mersi Mr Chair. Mersi Onorab pou ou kestyon. Sa bann mezir fodre pran kont poudir laplipar i pa nouvo, nou'n kontinyelman travay lo sa bann mezir depi plizyer mwan avek bann letablisman ki annan, ki travay avek touris dan popilasyon li menm i annan ledikasyon ki'n ganny fer.

E ozordi letan ou fer letour ou vwar poudir la mazorite popilasyon in konpran akoz i neser pou met *face mask*. I annan en serten *alertness* dan popilasyon an se moman e

dimoun i konsyan zot *risk exposure*. .

Nou sirveyans i kontinyen, an mezir pei i *accommodate* plis nou bann viziter, bann letablisman ki travay avek touris ki swa taksi, ki swa bann *guest house*, lotel, ki swa taksi bann *tour operators*, tousala in devlop ek *SOPs*.

Nou'n *train* nou pandan sa bann mwan ki'n pase plis ki 1000 diferan letablisman. Bann operater ki annan pou fer avek touris, e zot devlop zot *SOPs* e ganny evalye e nou travay sanses avek zot.

E sa i bann preparasyon ki kle, pou fer sir ki letan pou annan ankor lentrodiksyon ka, sa transmisyon i pa pou epanouir, i pa pou elarzir.

Dezyenmman i annan sa program vaksen ki'n demare, e ki ou'n deza pe war son lefe benefik. E nou konnen ki nou pou ganny ankor ka. Me selman i pa pou bann ka ki pou *spread* osi vit ki nou'n gannyen pandan sa bann mwan ki'n fek pase.

E nou panse ki sa bann ka osi pa pou sever, lefe ki tou vaksen ki *available* an se moman i protez dimoun kont maladi kritik ek sever. So sa i bann keksoz kle ki kapab retourn serten anormalite dan pei.

I annan en keksoz mon ti a kontan touse, Minis in tous bann pwen lo bann biznes ki pa pe ouver. Me selman i annan en *issue* ki pa pe, nou ganny difikilte avek ler nou fer *contact tracing*. I annan dimoun pa donn zot ladres korek, zot *contact* korek, e letan nou sey rod zot par ler nou pa ganny zot pou kapab fer sa bann *contact tracing* parey i nesaser.

E nou'n *involve community development* pandan bann mwan ki'n pase, e pou laplipar ditan nou'n zwenn zot apre sa bann dimoun, me selman par ler i annan sa retar ki antre ladan. Mon krwar nou'n reponn bann kestyon Onorab. Mersi.

MR SPEAKER

Mersi. Wi Onorab, lot pwen.

HON GEORGE ROMAIN

Vitman Minis. Rezon mon ti pe demann sa kestyon lo kote plis *monitoring* aköz mon'n remarke ki i annan biznes ler zot ouver, zot i ouver zot biznes, zot pa pe vremen swiv ki mezir Lasante in met an plas ennler.

Prezan ki arive lezot pe ferm, pe vremen met zot mezir strikteman an plas, apre ler sa landrwa i dekouver ki i annan en ka *COVID* zot frenm sa landrwa pou en pe letan. Apre tou larestan posib i kapab

ganny afekte prezan i pa *fair* lo en lot biznes ki li i pe fer byen, tandis ki li en lot i pa pe fer byen.

Alors mon ti a kontan kefwa Minis ki zot met pi mezir an plas pour ki si en landrwa i ganny en ka *COVID* i pa zis sa landrwa e mon krwar osi i kapab vin ek en *fine* tou. Akoz si en dimoun pa pe met son *mask* byensir i pe ganny *fine* dan semen. Alors, mon krwar i merit aplik pou bann biznes tou. Mersi Mr Chair.

MR SPEAKER

Mersi. Zot note, ti a kontan azoute?

PUBLIC HEALTH COMMISSIONER DR JUDE GEDEON

Mon krwar i *ok* Mr Chair. Mersi.

MR SPEAKER

Thank you Commissioner.
Onorab Uranie.

HON ROCKY URANIE

Mersi Mr Chair. Bonzour Minis. Bonzour Mr Gedeon. Bonzour tou koleg Onorab.

Mon kestyon eski zot ti satisfè avèk lafason *COVID-19 outbreak* La Digue ti ganny *handled*? E osi si zot in ganny sans zwenn bann travayer lasante La Digue pou vwar kote

ki ti annan defayans pou kapab fer bann nouvo laranzman nesèser?

An vi ki touris pe debark La Digue e nou pti, i fasil pou nou zwenn zot, ki nivo oubyen ki *layer* proteksyon spesifik ki zot in met an plas pou protez nou pti zil pou anpes en nouvo *COVID outbreak*?

Eski zot an kolaborasyon ek *PUC* pou teste nivo klorin e lezot keksoz ki kapab annan dan nou delo pou asire ki La Digue nou pe ganny en nivo delo ki bon, ki pa pou koz problem lasante pou nou dimoun?

Aprè anba *current challenges*, ki nivo prosedir ki zot in met an plas pou redwir sa gran prosedir ki anpese ki nou *run out of stock*, akòz retar dan peyman? Mersi Mr Chair.

MR SPEAKER

Mersi. *Panel*, wi Minis.

MINISTER PEGGY VIDOT

Mersi Onorab pou ou kestyon. Eski nou'n satisfè avèk lafason ki *outbreak* La Digue in ganny zere?

An gran wi nou'n satisfè akòz sa *outbreak* La Digue parey ou'n vwar i pa'n propaze pou lontan. Tou keksoz ki ti pe merit ganny fer in ganny fer, e ase vit in ganny met anba

kontrol ki i fer ki in napa ankor transmision baze lo sa *index case* ki ti vin La Digue.

So dan sa fason wi nou'n satisfè avèk sa management of sa *outbreak*. Si *management* isi Mahe in rankontre avèk *staff*? Non sa pa ankor arive akòz parey ou konnen dan sa *surge* nou pa ankor pe mouvman.

Me dimoun ki travay dan sa, dan *Public Health*, dan *Health Care Agency* ki ansar La Digue i zwenn avèk *staff* e *staff* i an kominikasyon avèk *Health Care Agency management*.

Ki ou pe fer pou anpes nouvo *outbreak*? Mon krwar tou bann mezir ki annan partou i aplikab pou La Digue e sa bann mezir se vreman pou anpes bann *outbreak* antye dan Sesel. E mon krwar La Digue osi i tonm dan sa kad.

Pou repons lo klorinasyon, e lezot mon ava demann Dr Gedeon, e dokter osi si ou annan pou azoute lo plis mezir pou La Digue, i ava fer sa. Mersi.

MR SPEAKER

Mersi. *Commissioner*.

PUBLIC HEALTH COMMISSIONER DR JUDE GEDEON

Mersi Minister. Mersi Chair. Mersi Onorab pou ou kestyon. Mon a pran sa kestyon lo teste klorin dan delo. *In fact* sa en loubraz rutin pou *Public Health Services*, i merit kontinyen menm pandan *outbreak COVID*.

Par egzanp zis pour lannen pase nou'n teste plis ki 700 tes lo delo. Sa i enkli delo *PUC* bann *bottled water* osi tou. Letan nou'n fer tes nou'n fer tes *chimie*, e osi nou fer tes pou bann *micro biological analysis*. Sa bann tes lo delo *PUC* i ganny fer *at source* en larivyer, letan i fek trete i fek fini ganny *chlorinated* kot danm menm apre *at distribution point*.

E detanzaot nou ganny bann rezilta ki pa satisfèzan nou travay pros avèk *PUC* pou zot aziste zot bann nivo klorinasyon. Akòz fodre pran kont ki klorin dan delo koman ou fini mete i komans evapore li.

So a en serten pwen dan laliny distribisyon si sa distribisyon in tarde *then* nivo klorin pou tro ba, e la ou kapab ganny bann *microorganism* ki pouse ki *flourish* ki kapab koz kontaminasyon.

Me selman pou reponn ou kestyon direk, wi sa travay i ganny fer. E se pour sa rezon ki Sesel i ganny klase koman enn

bann pei kot delo i pli *safe*, mon pe dir ou delo tiyo, i pli *safe* pou bwar.

As regards to stock out, nou fer sir ki nou *monitor* nou *stock level* e nou fer *order* baze lo nou lizaz sa ban materyo. Petet *FC* ti a kapab klarifye ki bann demars ki kote Finans in fer pour fer sir bann *payment* i ganny pas pli vit, oubyen menm *PS*.

MR SPEAKER

Mersi. Wi.

FC MICHEL BRUTUS

Mersi Onorab pou ou kestyon, bonzour tou dimoun. *With regards to bann materials ek supplies which is more or less across the board* lo kote Minister Lasante. I annan mezir ki pe ganny mete an plas *with regards to store ok?*

Pour kapab *digitalize* sistenm *store*, pou fer li vin pli zour pou kapab redwir en pe parey Dr Gedeon fek dir en pe lo bann *stockout*. E en pe sa ki i fer se ki i konplimant sa plan pou kapab sey redwir sa bann petet *delays* parey i pe dir dan *process* peyman.

Akoz *store* i en gran laspe dan sa *management* e ansanm avek Minister Finans in annan louvraz ki'n ganny fer lo la e parey yer *PS* Finans ti pe dir,

nou'n annan en *inventory accountant* ki baze kot Minister Lasante ki pe ede dan sa demars. Wi, i annan demars ki pe ganny fer lo sa size. Mersi.

MR SPEAKER

Mersi *financial controller*. Onorab Bistoquet.

HON ROSIE BISTOQUET

Bonzour. Mersi Mr Chair. Bonzour Minis avek ou delegasyon. Mon *welcome* Dr Gedeon, koman en *ex-travayer* Lasante avek son tim, pou son perseverans dan sa prevansyon, bann kontrol sa lepidemi. Mwan mon ti kontan sa pti *anecdote* ki ou dir ler ou napa naryen pou dir pa dir naryen. E mon krwar sa i aplik osi pou nou bann Manm Onorab.

Dr Gedeon anba ou *program 2, Public Health Protection*, eski *Public Health* i santi ki sa Bidze i ase pou anpes e kontrol bann maladi, Sirtou bann maladi kontazyez avek non kontazyez? Sa i mon premye kestyon.

Dezyenm anba *program 2* ankor, *Public Health Enforcement*. Anba *basic salary* 2020, zot ti annan 12.9milyon, 2021 mon vwar i annan 11milyon, i annan en bes par 15poursan.

Eski sa i vedir ki zot, nou'n anploy plis *staff*? Be parkont ler mon get anba *other allowances* 2020 zot ti annan 5.4;- 2021 zot in demann 10.1 ki en ogmantasyon par 87poursan. Eski ou kapab klarifye sa?

Anba provizyon pou laboratwar osi 2020 ti annan 4.2, 2021 zot in demann 2.8. eski Dr Gedeon i vedir ki zot pe fer mwens tes pour 2020? Ouswa bann *supplies* i vin pli bon marse? Mersi.

MR SPEAKER

Mersi Onorab. Dr Gedeon.

PUBLIC HEALTH COMMISSIONER DR JUDE GEDEON

Mersi Mr Chair. Mersi Onorab pou ou bann keston. Letan ou pe fer prevansyon resours pa zanmen ase akoz sa *challenge* i reste la. Be sa ki mon konnen nou annan i en stratezi pou, parey pou (*NCD*), pou *prevention of non-communicable diseases* 2016-2025 avek bann target kle ki mannyer pou adres bann *risk factors*.

I annan serten *risk* fakter nou pe fer en pe pli byen, parey ou ti tande yer Dr Valentin ti koz lo sigaret, taba an zeneral. E i annan nou pa pe fer telman byen, i reste bokou *challenge*.

Me sa resours ki nou gannnen i pa zis sa ki la dan Bidze. Nou osi ganny resours avek bann lezot lorganizasyon parey *IAEA*, parey *WHO*, *SADC* pou fer sir nou adres sa bann, *plug* sa bann *resource gap* parey nou dir.

Pour bann *communicable diseases* parey ou konnen nou annan *HIV/AIDS*, nou annan *TB*, nou annan plizyer lezot ankor, i reste bann *challenge*, menm si 80poursan bann mortalite i lye avek bann maladi *non-communicable*,

I annan bann maladi *communicable* ki ankor *still* reste relevan pou nou. Par egzantp lannen pase nou'n ganny nou 9 ka *TB* ki nou bezwen trete, son tretman i long. I annan ka Epatit *B* - Epatit *C*. nou annan osi leptospiroz, dennge ki reste bann *challenges* pou nou.

E sa Bidze i kouvert part sa bann repons, oubyen sa bann program, en pe resours sorti kot *Health Care Agency* akoz letan ou koz *continuum of care* i komans depi kot prevansyon i ale ziska kot *secondary prevention* e osi tretman.

As regards to lab supplies, non i pa vedir ki nou bezwen mwens resours. Me nou ti bezwen travay anba en *ceiling*. Nou okouran ki nou bezwen

dan *mid-year review* nou riske bezwen demann plis resours, enn.

Dezyenmman nou annan opsyon fer *virement* pou bann landrwa kot Bidze pa pe bouz sifizaman nou kapab fer sa, annan sa opsyon. Me selman *lab supplies* i enn nou bann zouti kle ki nou bezwen pou nou kapab fer prevansyon.

Akoz nou bezwen *lab supplies* pou teste manze, pou teste delo, pou teste bann lezot maladi ki nou travay avek. Mon pa konnen si madanm Belle ti a kontan azout lo kote *HR*.

MR SPEAKER

Wi madanm.

DIRECTOR HR DAPHNE BELLE

Mersi Onorab. kot i konsern "*other allowances*" kot i annan *increase*, sa i *mainly* aköz ti annan *risk allowance* ki'n antre.

Lannen pase ti napa, e la nou pe pey *risk allowance*. Sa ki pe fer li e i pou *ongoing* pou ziska ler nou'n ganny dir keksoz i anba kontrol. Mersi.

MR SPEAKER

Mersi. Wi Onorab, ki pwen?

HON ROSIE BISTOQUET

I annan en "*basic salary decrease by 15percent*," Mrs Belle pa'n reponn silvouple. Mersi.

MR SPEAKER

Mersi. Likel ki pou pran, Mrs Belle oubyen...

DIRECTOR HR DAPHNE BELLE

Mersi Onorab. Eskize *basic salary with regards to... program 1 or program 2? Program 2, ok*. Eskize Onorab eski ou pe dir i annan *reduction or increase?*

MR SPEAKER

Donn li mikro i a eksplik ankor en pti moman silvouple. Wi Onorab.

HON ROSIE BISTOQUET

Mersi. *Program 2 Public Health Enforcement Basic Salary* i 2020 i ti 12.9million, 2021 i 11.0. I annan en besman par 1.9milyon ki apepre 165poursan, eski sa ki mon pe demande ki si zot annan mwens *staff ouswa whatever?*

MR SPEAKER

Mersi.

DIRECTOR HR DAPHNE BELLE

Mersi Onorab. Besman i lannen pase nou ti *recruit*, e pour sa lannen pou napa *recruitment*. I *basically* se bann *Public Health Officer* ki plizoumwon ki pou ganny *recruit* e pour 2021 nou napa *intake*.

Me i ekspekte ki 2022 e apre osi sa *reduction* i konsern sa *Thirteenth Month Salary* ki napa sa lannen. *Thank you*.

MR SPEAKER

Mersi. Onorab Samynadin.

HON KELLY SAMYNADIN

Mersi Mr Chair. *Morning* Minis avek ou delegasyon. Mon vreman apresye ki nou bann zanfan in kapab retourn lekòl pou rebran zot letid, an vi ki zot ti pe perdi e kantite. E nou bann *teachers* pe aprezan kapab fer sa *proper monitoring* anver zot lavansman e progre. Me parkont mon annan sa ban konsern swivan sorti kot lekòl Au Cap.

Premyerman, i difisil pou lekòl konn bann *history* bann zanfan i sorti dan la kominote an sa ki konsern *COVID*. I annan sikonstans kot i annan dimoun dan lakour ki dan karantenn paran pa pe don sa bann lenformasyon konkret.

E menm si i annan ki donnen lekòl pa asire si sa bann lenformasyon i kredib. I menm

annan paran ki dan karantenn ki zot kontinyelman ensiste ki zot zanfan i al lekòl.

Mon ti a kontan konnen ki pozisyon Minister Lasante an partenarya ek Minister Ledikasyon lo sa size? E eski i annan okenn mezir lentervansyon ki zot koman Lotorite Lasante Piblik zot pe mazin met dan bann lekòl pou pran dan sa bann tel evantyalite?

Dezyenmman oparavan kot lekòl ti annan *school nurse*, me la, an vi ki zot *involve* dan program vaksinasyon, i nepli annan sa prezans *health nurse* dan lekòl ki li osi i i pe ofer sa servis lo en baz rezyonal. Ti menm annan reprezantan *Red Cross* ki ti prezan dan lekòl, me la zot in nepli vini.

Si nou ti kapab ganny en kontrandi lo sa sityasyon silvouple? An vi ki sa i sipoze en provizyon an ka si i ariv en *COVID outbreak* dan lekòl.

E mon trwazyenm konsern, aparaman ti annan en proze lo latab kot *Central Bank* ti pou pe *provide* bann lekòl avek bann *screening shelters*. Mon ti a kontan konnen si sa proze i ankor lo latab? E si wi, kan ki sa i sipoze materyalize? Mersi.

MR SPEAKER

Mersi. *Yes panel*, Minis.

MINISTER PEGGY VIDOT

Mersi Mr Chair. Mon ava pran sa keston lo prezans *school health nurse* dan lekòl. Apre Komisyoner i ava reponn lo lezot laspe.

Wi, nou'n realize poudir en bon pe nou bann *nurse* ki ti pe travay dan *school health* zot in enplike dan program vaksinyon. Me nou'n fer diskisyon semenn pase e nou pe re entrodwi *school health nurse back* dan zot kominote la ki program vaksinyon pou ganny entegre dan sa bann *Health Centers* zot menm.

So wi nou realize poudir sa i en bezwen, e nou pe travay lo la. Mon ava demann Komisyoner pou adres nou lezot laspe.

MR SPEAKER

Yes Dr Gedeon.

PUBLIC HEALTH COMMISSIONER DR JUDE GEDEON

Mersi Chairperson. Mersi Onorab. Mon en zabitan Au Cap mwan osi. I vre ki letan en zanfan i sorti dan en lakour kot i annan en dimoun ki'n swa i en *case*, i en izolasyon oubyen i en *contact* an karantenn.

Sa zanfan pa sipoze pe deplase pou al lekòl, e i responsabilite sa paran pou fer sir ki sa i arive. E parey ou dri i annan paran ki pa pe pran, asim sa responsabilite parey zot devret.

E selman nou kontan ki Minister Ledikasyon zot tre *astute*, zot enform ou letan zot ganny sa bann lenformasyon. Nou'n kapab pran sa anmen vitman.

E nou kontan osi ki Minister Ledikasyon in investir en kantite zefor pou prepar zot bann *SOPs*, zot bann *guidelines* zot in fer zot bann *staff* ganny serten formasyon nesese pou zot kapab fer sir ki letan zot ouver, zot ouver *safely*.

Nou pa pe dir ki pou napa sa bann *case* ki pou arive dan bann zanfan, i normal ki bann zanfan zot kapab ganny ekspoze, zot ganny *COVID*. Me selman sa ki nou pe remarke i lagrann mazorite sa bann zanfan pa pe gannyen sentonm.

E zot annan zot *SOP* pou zot azir e pran aksyon nesese letan i annan en *case* ki ganny detekte dan en laklas. Lontan en ka *COVID* ti efrey dimoun, konmela i annan kapasite ki'n ganny *built* dan Minister Ledikasyon kot zot konnen ki pou fer olye zis taye lanmen lo latet.

Zot annan sa formasyon. Formasyon i ed dimoun pou azir dan en fason pli korek. Mon pou napa lenformasyon lo sa bann *screening shelters from Central Bank*, mon pa konnen si okenn dimoun, petet mon a koz ek Dr Danny Louange i riske annan plis lenformasyon.

Me *as regards to* vizit kot lekol, nou bann sanniter i *still pe conduct* bann vizit regilye, e zot ava tre pros avek *Health and Safety Officer* avek bann dimoun *focal person* lasante kot Minister Ledikasyon, an sa ki konsern bann *issues* ki leve kot bann lekol. Mersi.

MR SPEAKER

Mersi. Onorab Cosgrow.

HON WALLACE COSGROW

Mersi Mr Chair. Bonzour Chair bonzour Minis bonzour Dr Gedeon avek ou tim.

Dokter les mwan komansman remerci ou avek ou tim pou ou zefor ki zot pe fer pou lit kont sa sityasyon *COVID-19* dan Sesel depi lannen pase. An dizan sa mon ti a kontan demann ou en kestyon ki ti leve yer, an parti yer konsernan reouvertir pei.

En kestyon ki *Leader* Lopozisyon to demann Minis konsernan politik dan travay *Public Health Authority*, eski Dr

Gedeon ou kapab konfirman ki desizyon pou ouver pei avek larestan lemond, in enn ki baze pirman lo bann lenformasyon ki *Public Health* i annan, e ki napa okenn lenstans kot petet i annan lenterferans politisyen?

E pirman *Public Health Authority* ki'n assess tou sityasyon. Malgre nou annan zis apepre 30 ekek pousan popilasyon ki'n *fully vaccinated*, nou annan apepre 23mil zanfan anba 18an ki napa vaksen, e bann touris ki pe vini i kapab vin bann dimoun ki pa'n pran vaksen.

So eski ler *Public Health Authority* in assess tousala zot in konfortableman pran sa desizyon pou kapab ouver pei avek larestan lemond? I enportan ki pep Seselwa i konnen.

Dezyenm konsernan vaksen, Sesel in touzour annan en bon program vaksen. Annefe depi ler bann zanfan in ne nou ganny vaksinasyon. E vaksen in toultan, nou'n toultan ganny dir ki vaksen i anpes nou kontrakte sa maladi ki nou pe ganny *vaccinated against*.

Parkont konsern bokou Seselwa ozordi, petet sanmenm sa ki ou pa ankor ariv sa *full herd immunity* parey nou ti ava ekspekte ozordi, se ki malgre ou

pran vaksen ou pou *still* ganny COVID, ou *still* transmet COVID.

E parey mon'n dir i annan serten kours nou popilasyon sirtou bann zanfan ki pa pe kapab ganny *vaccinated*.

Petet Dr Gedeon ou'n eksplike detwa fwa, me selman eski, konmsi *convince* nou e petet *convince* sa lot 30 ekek poursan ki pa ankor pran zot dezyenm soz, vre benefis ki nou bezwen pran sa vaksen?

Annefe mwan mon'n fini pran mon tou lede doz, mon fanmir in fini pran tou lede doz. Me konmsi kwa ki benefis ki nou pou gannyen ler nou pran sa vaksen? I enportan pou kapab donn konfidans bann lezot dimoun i pa ankor pran an deor.

Mon dernyen kestyon i an relasyon avek ler louvertir bann laboutik. Annefe mon ganny en kantite diskisyon ek en kantite bann boutikye, sirtou bann laboutik dan distrik partou. E nou'n war en amannman dan *Public Health Order* yer, *Public Health Regulations* yer.

E nou'n *increase* ler pou *curfew*, ler mouvman pou 11er. Me bann dimoun pe demande si nou pa kapab e menm bann piblik konsonmater pe demande si nou pa kapab *at least* bouz en ptigit sa ler ouver

laboutik, petet ankor 1 erdtan, ouswa 2 erdtan?

Pou kapab, pou dimoun kapab fer sot bann pti *shopping* letan zot sorti travay. Menm nou Lasanble nou fini 6er, ler nou fini tou zafer in fini fermen. Mersi Dokter.

MR SPEAKER

Mersi Onorab. *Panel*.

PUBLIC HEALTH COMMISSIONER DR JUDE GEDEON

Mersi Mr Chair. Mersi Onorab pou ou 3 kestyon. Onorab mon kapab dir ou avek konviksyon ki napa personn ki'n fors nou pran desizyon ki nou'n pran. Sa i en desizyon konsiltativ ki nou fer avek bann diferan partner.

E *tourism* i enn nou partner kle. Nou an konsiltasyon toulezour, nou rankontre vertyelman, par ler fizikman, nou rankontre atraver bann diferan mwayen kominikasyon ki annan.

Bann desizyon menm si i *Public Health-led*, i konsiltativ avek ban lezot, nou'n bezwen ariv en staz dan nou, dan sa repons kot son repons i nepli zis *Public Health*, i finansyel, i *wellbeing*, i *livelihood* dimoun.

Se pour sa rezon koman bann spesyalize dan lasante piblik, nou bezwen get li dan en

fason pi elarzi. So pour reponn ou kestasyon direkteman, non i napa en desizyon forse ki'n ganny fer.

Ofet politisyen i en *accommodating* avek bann desizyon oubyen bann pwen ki nou met devan letan nou fer bann analiz avek nou *trend* avek ban keksoz ki pe arive dan pei.

An sa ki konsern vaksinyasyon, mon kontan ou pe donn nou sa loportinite pou edik dimoun lo vaksinyasyon ankor. I vre ki tradisyonnelman en vaksen i sipoze prevant ou ganny en maladi, me i annan bokou maladi ki napa ditou vaksen. Par egzanp *hepatitis c* napa en vaksen, *HIV* napa en vaksen.

Be resers in montre avek vaksen *COVID-19*, tou bann kandida vaksen ki *available* i protez dimoun apard ki ganny sa iminite, i protez dimoun ganny maladi kritik oubyen sever. E in preske tou bann kandida vaksen in preske 100poursan efektiv pou anpes ka lanmor.

E nou'n vwar resaman nou'n eksperyans sa isi Sesel menm, kot i annan en kous popilasyon, menm si zot in ganny zot premye doz vaksen zot ti'n devlop sifizaman iminite

pou anpes zot ganny, ariv staz kritik oubyen staz lanmor.

Pou ganny *full immunity* ou bezwen pran 2 doz vaksen. Sa ki nou konnen se ki letan ou fini pran vaksen, ou sans ganny enfekte i redwir avek *COVID-19*, enn. Oubyen si ou ganny enfekte ou sans pou transmet sa viris i redwir. Akoz *viral load* i bokou pli ba dan ou sistenm respiratwar.

E ou sans pou devlop maladi, pou devlop komplikasyon avek i redwir. Nou annan vaksen kont *flu*, *influenza*. I annan pei kot i annan *flu season*, *traditional flu season* sirtou ban pei ki fre. Kot ou bezwen pran vaksen toulezan, par ler 2 fwa par an akoz sa *train* i sanze.

Me pour le moman vaksen *COVID-19* i en zouti ekstrememan enportan. E letan ou get *rollout* dan lemond bann pei ki pe, ki devan lo donn vaksen. *L'Angleterre*, *Israel*, *UAE*, nou vwar poudir deza zot pe war lefe, menm avan ki zot ariv sa nivo *herd immunity*.

Akoz *herd immunity* i nivo iminite i klase and 60 a 70 poursan depandan ki kalite *strain* ki pe sirkile. I permet ki napa transmisyon aktiv si i annan ka ki ganny entrodwi dan pei. E sa se nou bi, nou target.

Me i pa vedir ki nou bezwen ariv sa *herd immunity* konplet, pou nou kapab pran serten mezir. Akoz si nou gete parey ou'n dir ou menm, nou annan pres 24mil zanfan anba 18an ki pou le moman pa *qualify* pou ganny vaksen.

So i vedir ki nou annan pres 70 ekek mil dimoun adilt, me pa tou ladan ki pou swazir vaksen enn, oubyen pa tou ki pou kalifye. Pou annan enn de pou rezon medikal pa pou kapab pran vaksen.

So nou pa pou kapab *achieve* sa 70mil adilt pran vaksen. Me pou le moman bann endikater ki nou vwar nou pou ariv tre pros avek sa target.

Opening of shops pou ogmant ler louvertir, nou a pran sa sizesyon an konsiderasyon. Sa 6er pou le moman, avan ti pli boner, wikenn menm ti 3er apre in fer monte in vin 6er.

E nou'n fer amannman *Public Health Order* pour *movement* pou fer li vin 11er. I ti an repons en demann sirtou lo kote bann restorater, e bann otelyer kot i annan bann kliyan ki letan zot sorti restoran zot par ler pa kapab fini a ler zot ganny pri dan semen avan 10er, enn.

E ban travayer ki travay dan bann letablisman touristik oubyen restoran parl er lefe zot

pe ganny plis kliyan i pran zot plis letan pou zot kapab fini *wrap-up* aswar pou zot al dan lakour. So sa ti labaz akoz sa desizyon pou ogmant sa lerdtan pou 6er diswar.

Be *going forward* tou sa bann mezir pe kontinyelman ganny revize baze lo sityasyon dan pei. Mersi.

MR SPEAKER

Mersi Dokter. Onorab Esparon.

HON REGINA ESPARON

Mersi Mr Chairman. Bonzour Minis ek ou delegasyon. Mr Chairman mwan, avan mon komanse mon pou felisit Gouvernman pou fer *available* vaksen, *free of charge* kot tou Seselwa in ganny demande pou al pran.

E mon felisit Minis avek ou lekip pou sa zefor ekstra ki zot pe mete pou *create awareness* pou ankouraz dimoun pou al pran vaksen. Dokter Gedeon kouraz malgre tou sa salte zot anvoy lo ou, ou en dimoun ki for, e pe tenir byen for.

(APPLAUSE)

HON REGINA ESPARON

Mr Chair klinik Glacis in ganny transformen pou vin en *fever clinic*, depi lafen Desanm 2020.

Eski *along the line* pou annan serten evalyasyon ki pou ganny fer, pou regarde ki bann lezot servis ki nou pou kapab ofer, si nou pou reste zis koman en *fever clinic*?

Parske an se moman tou bann servis ki ti pe ganny ofer klinik Glacis bann dimoun i bezwen al Beau Vallon. Eski i pou annan en evalyasyon *down the line* pou regarde, kan ki nou kapab re aziste?

Pou fer kekfwa ki i annan lezot servis ki kapab *available* kot klinik Glacis parey *dispensary* pou latizann, parske ozordi menm pou latizann nou bezwen al Beau Vallon e sa pe kre lenkonvenyans.

Mr Chair, Minis ou'n koz lo kote fimigasyon. Mon konnen poudir i avek *dengue* i annan bokou letap ki zot bezwen al fer fimigasyon kot bann lakour. Sirtou si enn de dimoun pe ganny teste avek *dengue*.

Eski sa pa kapab ganny ankouraz, eski nou pa kapab ankouraz dimoun ki kapab peye, pey lezot bann *pest control* pou fer li? Olye espere ki toultan ki zot pe *call* pou dir zot pa ankor vin flit kot mwan pa ankor isi, pa ankor laba. Konmsi annou sey *outsource* en pe olye kot tou kot *Public Health* pou fer.

Trwazyenmman Mr Chair nou konnen poudir Minister Lagrikiltir dan bokou ka zot pe vann bann *pesticides* ki flit bann legim pou bann zensek. Eski i annan en *website* pou Minister Lasante avek Minister Lagrikiltir lo kalite pestisid ki antre dan pei?

E lekel ki sa *regulatory body*, SBS oubyen *Public Health Authority*, an sa ki konsern pestisid? Mersi Mr Chair.

MR SPEAKER

Mersi Onorab. Minis wi.

MINISTER PEGGY VIDOT

Mersi Mr Chairman. Mersi Onorab pou ou kestyon. Lo kote Glacis nou pe evalye bann landrwa ki nou ti mete koman ban *fever centers*, e nou pe fer sa *assessment*.

E semenn pase nou'n diskrit sa bokou pou nou vwar ki kalite kriter ki nou pou servi, kan ki nou pou si oule diminyen kekfwa bann *centers*. Kan ki nou pou kapab re entrodwir aktivite dan sa bann sant ki an se moman pe ganny servi pou sa.

E sa louvraz i ankor pe ganny fer, nou pe espere ki byento nou ava kapab pran serten desizyon ki mannyer nou *move forward* avek sa bann sant.

So hopefully byento nou a kapab dir si Glacis pou kontinyen, e dan ki fason i pou kontinyen, koman nou kapab aranz keksoz pou fer ki rezidan Glacis pa pe vwar zot enkonvenyan par bann mezir ki nou bezwen met an plas.

Lo size fimigasyon avek pestisid kontrol mon ava demann Komisyoner pou reponn.

MR SPEAKER

Yes Doctor.

PUBLIC HEALTH
COMMISSIONER DR JUDE
GEDEON

Mersi Minister. Mersi Chair. Mersi Onorab Esparon pou ou bann kestyon. Ou korek pou dir ki *dengue* i reste en *challenge* enn bann maladi ki nou ankore pe resanse dan pei.

Par egzanp zis pou 2020 nou ti anrezistre dan 4667 tes ti annan apepre 1000 ladan ki ti pozitiv pou *antigen*. Savedir i ti annan sa *mateo dengue* dan son sirkilasyon.

E erezman nou pa'n ganny okenn lanmor kont denngelannen pase, be dan bann lannen presedan nou'n annan bann lanmor kont *dengue*. So *dengue* i transmet par moustik e okenn loperasyon pou anpes

moustik i ede kontrol *dengue* osi tou.

E nou kontinyen dir poudir pa zis *spraying* ki kontrol moustik. Metod pli enportan se pour detri bann landrwa kot moustik i *breed*. Sirtou bann delo ki *stagnant*. I vre ki nou ti apresye si dimoun ti asim plis responsabilite si i annan okenn *spraying* pou fer zot kapab *hire* bann *private pest control operator*.

E nou, nou ak koman nou *supervise*. Nou annan en metod *spraying* ki nou fer an ka ki nou ganny en ka *dengue*, kot nou *spray* otour sa *case*, en perimet otour sa *case*. E si sa dimoun i kapab fer sa prive, *then* i pou permet nou kapab fer plis kontrol dan bann lezot landrwa akouz nou ganny bokou demann pou fer bann *pest control*.

As regards to pesticides, nou annan kolaborasyon avan Departman Lagrikiltir e pestisid i ganny regle par en Lalwa; *Pesticide Control Act* ki annan egzistan pou plizyer lannen in ganny revize. E ladan i annan bann *schedule* ki *outline* tou bann pestisid ki permet antre dan pei.

E okenn enportater ki bezwen port pestisid dan pei, ki swa pour Lagrikiltir oubyen pou bann lezot rezon komersyal pou

bezwen fer laplikasyon avek sa *Pesticide Control Board*.

Zot, zot *revise* zot gete si i tonm dan sa *schedule*, si i pa tonm dan *schedule* zot bezwen, sa dimoun i bezwen donn tou bann lenformasyon bann *data sheets* ki ganny analize. E desizyon i ganny pran baze lo la, baze lo bann lenformasyon ki *available*.

So sa i en louvraz ki pe ganny fer kontinyelman i tonm anba *Public Health Authority*. Mersi.

MR SPEAKER

Mersi. Onorab William.

HON WAVEN WILLIAM

Mersi Mr Chairman. Bonzour Minis avek ou lekip. Mr Chairman premyerman mon ti a kontan salye zefor Dr Gedeon avek son lekip. An menm tan Minis.

Mon anvi ki Dr Gedeon letan mon pe regard lafason ki serten parti politik pe donn serten lenformasyon atraver zot konferans de pres, e an menm tan lafason ki *SBC* zot pas nouvel.

Letan ou regard statistik mon vwar poudir depi ler nou'n komanse nou'n annan nou 4135 ka. E sa ki'n rekipere i annan 3745 savedir ou pe koz

ou apepre 90poursan ki monte la reisit travay ki zot pe fer.

Me selman mwan mon santi poudir la fason ki medya pe pas lenformasyon, zot pa pas li dan en fason pou montre sa laspe pozitiv, sikse ki Departman Lasante pe fer vizavi sa travay. Me zot koz plis lo lanmor.

Petet mon ti ava demann ou, ouswa bann ka ki'n bann nouvo ka ki'n ganny devlope ou a krwar zot met lanfaz, lo la, ou a krwar i annan serten kontantman ladan.

Me i ti a bon ou eksplik en pti pe nou Lasanble avek pep Seselwa. Sa bann ka ki'n mor la, eski i pirman relye avek *COVID*? Ouswa i an relasyon akoz ti annan bann lezot maladi ki'n fer ki avek sityasyon *COVID* zot in ganny, *well* zot in mor.

E la nou pran par, nou senpatiz avek bann fanmir ki'n ganny touse par sa.

Mon dezyenm kestyon se ki letan ti annan sa *outbreak* North East Point, Minis mon pe demann sa lo lapar zabitan La Misère. I annan en desizyon ki'n ganny pran vitman pou frenm klinik La Misère e i pe kre serten lenkonvenyans akoz dimoun ti'n abitye avek sa servis.

Mon ti a kontan ganny, ou eksplik nou, ou eksplik bann

zabitan La Misère. So sa desizyon ki'n ganny pran i tanporer ouswa i permanan? Si zot pe mazin permanan, mon ti a kontan ki nou ganny en konsiltasyon, en *meeting* pou nou vwar.

Akoz nou krwar poudir avek sityasyon aktyel ozordi dan pei enn rezon ekonomik. Epi transportasyon ensidswit, akse avek sa klinik pou bann zabitan La Misère i vreman enportan pou zot.

So mon ti a kontan en serten leksplikasyon, an menm tan demann ou si zot pe mazin frenm li permanan, be pou nou annan en konsiltasyon pou nou vwar. Akoz i annan serten bann *basic* servis ki nou kapab kontinyen donn bann zabitan La Misère. Mersi.

MR SPEAKER

Mersi. Wi Minis.

MINISTER PEGGY VIDOT

Mersi Onorab. Mon ava pran sa kestyon lo klinik la Misère, klinik Souvenir.

Wi Onorab, letan ki nou ti ganny sa *outbreak* North East Point, nou ti bezwen pran serten aksyon ase vit, pou nou kapab ranforsi bezwen *staff* lasante dan North East Point pou nou kontrol sa lenfeksyon laba, pou nou kontinyen donn

swen pou bann dimoun ki ti deza ganny afekte.

E sa ti neselit ki nou kapab koup en pe bann diferan aktivite kot nou ti santi ti kapab koupe. Enn bann desizyon sete pou sispann aktivite dan sa klinik. E parey mon'n dir nou pe sispann aktivite dan sa klinik, ziska ki nou kapab revwar nou bann itilizasyon resours imen, pou nou re bouz dan travay parey nou pe bezwen fer.

Parey mon fek eksplike *fever clinics* ki an se moman pe ganny servi pou zis serten keksoz. E ler nou fer sa nou ava revwar tou.

Si nou pe fer li tanporer i wi. Si i annan desizyon ki nou bezwen pran lo en baz pli lonterm, ki aktivite nou pou fer dan sa klinik, sa parey ou dir i pou en keksoz ki pou bezwen fer li an konsiltasyon parey nou'n deza mansyonnen.

E koman nou pe vwar nou ava fer sir ki nou revwar pou deservi bezwen lasante sa kominote kot sa servis i ete. So sa nou kapab asir ou, e Komisyoner i ava rann repons plis lo mortalite avek *COVID*.

MR SPEAKER

Yes Dr Gedeon.

PUBLIC HEALTH
COMMISSIONER DR JUDE
GEDEON

Mersi Minister. Mersi Chair Person. Mersi Onorab William. I vre ki letan ou analiz statistik ou bezwen met li toultan an konteks. Letan ou get nou to mortalite i parmi sa 4mil ekek ka ki nou'n gannyen, nou tonm apepre .5poursan.

Tou lanmor ki arive i sagrin nou. E letan nou analiz nou bann dimoun ki'n perdi lavi aköz COVID, aköz i ti teste pozitiv pandan zis avan i mor oubyen apre ki in mor.

Nou vwar poudir zot ti annan plizyer kondisyon, nou apel sa bann *risk factor* oubyen bann *comorbid conditions* ki pou pre-dispoz zot pou deteryore pli vitman e pou *succumb* avek COVID-19.

Nou kapab dir tou bann dimoun ki'n pase, ki'n perdi lavi i tonm dan a kategori, zot ti annan deza serten maladi ki ti *underlying* ki'n pre-dispoz zot pou zot perdi lavi.

To mortalite i enn ofet si ou konpar li avek lezot parti lemonn ki enn ki *at* pli ba. Par egzansp si ou get *Maurice*, menm si zot nonm ka i pli ba ki pou nou be zot to *mortality* i apepre 1poursan. Menm si zot annan zis ka lanmor me zot to mortalite i 1 poursan.

L'Europe laplipar i apepre 2 poursan to mortalite. E nou lefet ki nou pe teste pli par bann dimoun ki'n an kontak, bann dimoun ki'n idantifye koman bann kontak, nou pe idantifye bann dimoun ki napa sentonm oubyen ki annan pti git sentonm.

So sa i vedir ki sa travay ki pe ganny fer i efektiv. Nou swe se ki nou ti a tir politik dan viris e tir viris dan politik osi tou.

(laughter)

MR SPEAKER

Wi Onorab. Ki pwen?

HON WAVEN WILLIAM

Mersi Mr Chairman. So Dr Gedeon ki ou pe dir nou se ki, sa semenn la i annan en politisyen ki ti a pe dir poudir to mortalite se par 100mil zabitan i pli o dan lemonn. Savedir s ai pa vre sa *statement* ki'n ganny dir?

E an menm tan Dr Gedeon mon ti a kontan ou asir, ou a reasir pep Seselwa ki par lefe ki ou'n ganny propoze par Prezidan *US* dan sa pozisyon ki ou ete, ou pa pe ganny enfliyanse par sa dimoun? Mersi.

MR SPEAKER

Mersi. *Commissioner*, oule adrese?

PUBLIC HEALTH
COMMISSIONER DR JUDE GEDEON

Yes, Mr Chair letan nou get to mortalite nou apel li *case fatality rate*, setadir nou get kantite *case* ki nou annan e kantite dimoun ki mor avek. E sa ki standar ki ganny deklare par tou pei zot *case fatality rate*.

MR SPEAKER

Mersi *Commissioner*. Onorab Gabriel.

HON CONRAD GABRIEL

Mersi Mr Chair. *Welcome* Minis ek ou delegasyon. En *welcome* spesyal pou Dr Gedeon, ki mon krwar ler i ariv Au Cap i pas Pointe Larue. Nou remersye ou, de lapar zabitan Pointe Larue Mr Gedeon mon *constituency* i dir mon dir ou en gro mersi pou tou ou led depi lannen pase ziske la.

Nou'n fer en gro zefor, ou'n ed nou en kantite pou *contain* sa sityasyon e dabor nou napa okenn *cluster* dan nou distrik. Malgre nou en distrik sitye direkteman *Airport* petet Minis mon kestyon i vize yer ki mon ti anmennen, mon zis oule retourn lo la en pti pe.

Vi ki nou sitye direkteman ek *Airport* mon ti a kontan petet *panel* i asir zabitan dan mon distrik Pointe Larue, lefe ki sityasyon pa pe tro amelyore *for now*, nou ankor pe rankontre difikilte. Zis asir zabitan ki zot annan, ki lentansyon dan sa Bidze, ki nou pe fer egzakteman pou kapab anpes okenn sa lepidemi propaze dan nou kominote?

Zis asir nou bann dimoun *out there* e Pointe Larue bann dimoun premye landrwa dan zot arive apre depar osi zot pran lanmenm. Zis mon ti a kontan sa pti bout lasirans lo la, premyerman.

And then Minis lo kote *spraying* dan distrik avan ti annan en zefor masiv pou *spray* dan nou distrik partou. Ou konnen Pointe Larue i annan en pe *marsh*, i annan *wetland*.

So apre en serten ler ou pa pou kapab reste deor ou pou bezwen antre anndan. En pe moustik bann lezot keksoz. Mon ti a kontan konnen ki zot program pou sa lannen pou entansifye zafer *spraying* dan distrik, ki lanfaz nou pou mete an plis lo la?

And then mon trwazyenm pwen, nou konpran poudir *contact tracing* i primordyal. Vreman enportan, be solman zot pe dir i annan dimoun pa pe

donn lenformasyon lo telefonn i *off*, distrik pa byen.

Mon ti a kontan petet sizere zot travay direkteman avek distrik, mon krwar bann *MNA* ki la zot konn zot bann dimoun, zot in al lo teren. Nou tou ki la nou konn nou dimoun, *ok?* Ti a bon petet lo zot kote, si en dimoun i donn zot en lenformasyon ki fo petet *just find out* ek sa *DA or MNA* ki la.

Mon krwar avan sa dimoun i kot sa landrwa si i pozitiv *ensure all the details are correct*, pou nou kapab *ensure* sa *contract tracing* aköz *by* en semenn apre de semenn apre sa dimoun i raporte in fini enfekte son fanmir antye.

So zis sa, apre an pasan en pti size en pe pli leze mon krwar Dr Gedeon i ava agree avek mwan, i pa leze an menm tan i en pe serye tou. Zis mon *constituency* pe demande ki zot pe fer pou nou kapab ouver nou legliz St John Bosco?

Nou konnen zot pe *increase curfew by one hour*. E Onorab Cosgrow pe demande laboutik i ouver ankor 1erdtan petet pou benefisye Onorab, nou, bann nou ki fini tar. Selman ki nou pe fer pou nou kapab, aköz legliz i gran. Dr Gedeon i kon tre byen, nou kapab mentenir sa *social distancing*. Mon krwar 1 erdtan

pou legliz dan en Dimans ti pou fer byen pou nou kominote an zeneral.

So petet ti a bon ou konsider sa osi letan ou pe get bann lezot regilasyon mezir ki pou antre. E mon a dir ou mersi. *Thank you*.

MR SPEAKER

Mersi. Dokter.

PUBLIC HEALTH COMMISSIONER DR JUDE GEDEON

Mersi Mr Chair. Mersi Onorab Gabriel. Mon krwar yer Minis ti donn en pe leksplikasyon *as regards to Airport*.

Airport depi *arrival*, *in fact* menm avan *arrival* bann kliyan in deza fer serten preparasyon an term zot *PCR TEST*, zot aplikasyon lo *travisory, screening upon entry* i ganny fer par nou *Public Health Officers* ki baze lo *Airport*.

En mannyer ki en viziter letan i pe antre dan pei ou kapab dir i *at* son *safest time*. Aköz menm si in ganny ekspoze avek sa viris apre ki in fer son tes *PCR* pou fini i pa ankor ariv staz *infectious*.

Letan i anndan dan pei ki i kapab si in ganny ekspoze apre ki in fer so tes *PCR* i kapab annan sa viris avek li. Savedir zabitan Pointe Larue i *safe* letan

en kliyan i antre e letan en kliyan pe ale, nou bezwen fer *exit PCR*.

Setadir si ou pran li lo sa konteks Pointe Larue distrik pli *safe* letan ou get mouvman ban kliyan *in and out of the country*. Si sa i *angle* ki ou ti pe regarde.

As regards to spraying, i vre ki *spraying* i annan son plas letan ou ep kontrol en *outbreak*. Be selman *spraying* dan en fason *indiscriminate* li osi i annan en bann lefe advers lo lanvironnman. I annan en lepok ou rapel ti napa bib, nou ti pe touy senir plim, be nou ti touy tou bib an menm tan.

E nou ti war poudir be bib i annan son plas dan lanvironnman i atrap, i anpes moustik i *trap* bann moustik, i *trap* bann lezot zensek osi you, be sirtou bann enkli moustik.

So letan nou fer *spraying*, nou fer li *targeted spraying* otour bann ka *dengue*. Bann *marsh* i annan lenpresyon ki dimoun i krwar poudir bann *marsh* ki *breed* moustik.

I pa totalman vre, akoz dan bann lanmar i annan bann lavi, i annan bann pwason i annan bann *cyclops*, i annan bann grenwir ki zot manz bann lave bann moustik.

Kot moustik i *breed* sirtou otour lakaz dan bann resipyan

ki pe kolekte delo, so i enportan ki nou pran sa an kont.

E otour *Airport* nou donn en latansyon spesyal, akoz nou konnen nou *survey* i ganny fer regilyerman, pou anpese ki nou ganny lentrodiksyon nouvo lespes moustik.

Sirtou *anopheles* ki kapab transmet *malaria*. So sa *survey* i ganny fer otour perimet *Airport*, sirtou lo kote kot avyon, kot *terminal*, i ganny fer regilyerman. E bann aksyon i ganny pran pou anpese ki nou annan okenn nouvo tip ki antre.

Contact tracing wi, *contact tracing* i enportan *and* nou travay avek *community development* atraver *DRDM* nou'n etabli bann *linkages* ki zot in ed nou en kantite pou nou ganny kontak ek bann dimoun ki nou pa ti pou kapab, o debi par telefonn.

As regards to legliz, nou pe get li dan tou ban lafwa, nou pe get en letan apre Pak sirtou, nou ti'n anonse avan. Nou'n deza pe travay avek tou bann lafwa pou zot fer sir ki zot bann *SOPs* i an plas. *And* osito ki bann sanniter in kapab fer zot lenspeksyon, vizit tou bann denominasyon, bann landrwa kot i fer bann servis.

Zot pou ganny zot permisyon pou ouver, selman

nou pa oule ouver enn, pa ouver lezot. Akoz nou pa oule ki tou dimoun i al *congregate* en sel legliz oubyen 2 legliz, letan ou pou ouver ou bezwen ouver tou ansanm bann landrwa *worship*.

Nou pe target sirtou kan premye lanmwatye Avril. Mersi.

MR SPEAKER

Mersi. Onorab Woodcock.

HON WAVEL WOODCOCK

Mersi Mr Speaker. Bonzour Minis, Dr Louange, tou Manm e tou dimoun a lekout. Mr Chair permet mwan pou mon remersye Minis e Dokter pou sa, Dr Gedeon *sorry*, sou sa gran travay ki zot pe fer pou lit kont sa *COVID-19*.

Annefe mon fanmir in pas atraver sa sityasyon e mon konnen ki i ase difisil. Me mon remersi zot pour zefor ki zot pe fer pou lit kont *COVID*.

Zisteman mon kestyon i enn pti pe dan laliny, mon krwar Onorab Cosgrow in tous en pri pe lo la, kot i ti pe dir ki Minis i merit fer plis zefor pou ankouraz dimoun pou pran vaksen. Me kan an realite, sete zot menm ki ti kont lansman program vaksinyasyon, avek *Leader* zot parti ki pe reprezant zot parti.

(Interruption)

MR SPEAKER

Wi, mersi.

HON WAVEL WOODCOCK

Mon ava kontinyen mon kestyon Minis. Minis, *CEO* sirtou. I annan en *issue* la ki pe arive aktyelman kot *Airport Amitie*.

Annefe i annan, ou kapab dir i annan en, ou kapab dir i annan *cluster Airport* akoz la mon pe ganny *Airport Amitie*. Si mon pe ganny en konpran i annan anviron 13 *staff* la ki'n ganny teste pozitiv pou *COVID*.

Me konsern ki'n ganny souleve, se ki avan ti annan bann diferan sif ki ti travay separeman, prezan par lefe ki prezan la bann *shift* pe ganny melanze. I fer ki si en *staff* i ganny tete pozitiv i fasil pou lezot *staff* lezot *shift* ganny enfekte.

E mon konsern se ki i annan lezot Departman ankor, Imigrasyon, *Customs*, *Air Seychelles* kot zot travay dan *shift*. Avan si bann *shift* i travay dan izolasyon sak *shift* i travay pou li, i *ok*. Si en *staff* i ganny *COVID* sa *shift* i al dan karantenn.

Be la akoz sa bann, kefwa sa en keksoz en Polisi ki merit ganny get ladan pou

anpese ki sa viris i ganny propaze. E petet ki mannyer zot kapab dir nou ki zot pou fer en pti pe pou ed en pe, soulaz en pe sa sityasyon ki pe arive *Airport Amitie*.

Mon dezyenm kestyon kot i konsern Sant Karantenn, mon pe ganny en pti pe konplent la ki i annan en *issue* mon krwar ki i mank en pe landrwa pou karantenn.

Mon konnen zot annan, pou le moman dan lepase ou ti pe servi Praslin *Holiday Home* kot *Pension Fund*, zot ti pe servi *Indian Ocean Lodge*, apre pou bann dimoun ki, sa pou Sant Karantenn. Pou bann dimoun ki teste pozitiv apre pou bann dimoun ki devlop sentonm ti annan en sant izolasyon zot in fer kot vye lopital.

Mon kestyon i si zot santi poudir landrwa ki zot annan i ase pour la kantite ka ki i annan ouswa pou le fitir?

Mon lot kestyon i Minis, *CEO* kot i konsern en *issue* mon ti'n met dan latansyon Minis pour *Tourism* yer, mon pa konnen si zot in *take up* avek ou, kot i konsern plizyer touris pe konplent ki aktyelman Praslin la zot in bezwen al sanz zot *flight* domestik, enternasyonal akoz zot sipoze fer sa *exit PCR*.

Be selman akoz wikenn tes pa pe ganny fer zot war zot bezwen depans en kantite larzan, pou zot sanz zot tiket domestik e enternasyonal.

Alor mom kestyon se ki si zot pou rezourd sa sityasyon kot tes *PCR* pou osi ganny fer pandan wikenn?

E Minis i annan en pti group ki kont reouver *Airport* le 25 Mars. E nou konnen le rezon akoz par deryer sa i senpleman pou zot ganny *mileage* politik.

Akoz zot anvi sa Gouvernman i *fail*, zot anvi war Seselwa lo son zenou, zot anvi war Seselwa amor lafen, rebel kont sa Gouvernman akoz ot pa anvi keksoz i marse, zot pa anvi keksoz i bouze.

Alor zis kekfwa mon donn zot en pti *advice* pou zot pa les sa bann dimoun *distract* zot, akoz zot lentansyon pou pei i pa bon. Sa se pa lot ki Parti *United Seychelles*. Mersi bokou Mr Speaker.

MR SPEAKER

Mersi. Wi enn enstan Onorab Pillay mon annan en lide ki ou pe al obzekte avek *statement* Onorab Woodcock.

Mwan mon krwar poudir lo sa sityasyon la, mon krwar poudir ti annan en lenpresyon ki bann Manm *US* an zeneral ti'n met serten lobzeksyon

oubyen konsern kont vaksen. Selman sa ki mon a dir, sa ki mon a dir dan zot faver se ki apre zot in koriz sa e zot in donn bokou lankourazman.

(APPLAUSE)

MR SPEAKER

Alor mon pa war fransman mon pa war nesesite pou kontinyen soz lo sa pwen, in ganny fer mon krwar piblik i konnen. Nou kapab bouze lo la Onorab Pillay?

Ale, Onorab Pillay be dan sa ka fer li kourt aköz nou bezwen kontinyen.

HON SEBASTIEN PILLAY

Mersi Mr Chairman. Mr Chairman mon krwar ki malgre sa ki ou pe dir mon krwar nou bezwen koz laverite dan Lasanble. Dan okenn sirkonstans okenn Manm US swa *Leadership US* in deza sorti pou dir nou kont vaksen, zanmen in deza arive, e zanmen nou'n deza kre sa persepsyon.

Sa ki nou ti kont e ki mwan mon'n fer, se ki mon ti plifere al pran mon vaksen parey tou dimoun ki pe pran li, dan landrwa ki pe pran li. Mon pa'n zanmen kont vaksen.

(APPLAUSE)

HON SEBASTIEN PILLAY

E la mazorite dimoun *Leaders US* in al pran zot vaksen. So i pa akseptab pou fer en *statement* politik. Sa i en *statement* politik mon ...

(Interruption)

MR SPEAKER

Annou, les li. Annou les li la.

HON SEBASTIEN PILLAY

E Mr Chairman mon bezwen dir ou osi, mon bezwen dir ou Mr Chairman ki mon pa aksepté lafason ki ou'n enterpret ki mon pe al *raise en point of order* e fer en *statement* ou menm. Sa i as *if* ou pe pran par dan deba.

MR SPEAKER

Mwan?

HON SEBASTIEN PILLAY

E mon ti a kontan ki nou annan en lapros travay ki mon *raise* mon *point of order*. E mon ganny loportinite pou fer mon pwen. Mon...

MR SPEAKER

Nou'n ganny ase lo la.

HON SEBASTIEN PILLAY

Mon regrete Mr Chairman mon dernyen pwen mon repete ki dan okenn ka zanmen nou'n deza kont vaksen.

E mon ti a kontan ki Onorab i *substantiate* e anmenn en laprev kan ki swa *Leader US* in dir i kont vaksen? Kan ki *mwam* mon'n deza dir mon kont vaksen e kan ki okenn *Leader* dan *US* in deza dir ki i kont vaksen. Mersi Mr Chairman.

MR SPEAKER

Ok, Onorab Pillay nou'n ariv ase lo la. Mersi bokou. E mon zis koman en dernyen mo mon zis dir Onorab Pillay in *state* kote son parti, e mon krwar i annan rezon dan sa ki in dir, so annou les sa *issue* dormi silvouple.

Mersi. Ok, Minis, *panel* nou pare pou *move on*? Repons?

PUBLIC HEALTH COMMISSIONER DR JUDE GEDEON

Mersi Mr Chair. Mersi Onorab Woodcock pou ou bann kestyon. Nou kontan pou dir ki sa *cluster* ki nou'n vwar dan sa organizasyon ki Praslin i swa bann dimoun ki napa sentonm oubyen zot annan bann *mild symptoms*.

E rezon set aköz mazorite zot, zot fini pran zot vaksen *at least* zot premye doz, i annan menm in fini pran dezyenm doz. Letan lorganizasyon i annan *staff* ki teste pozitiv, si i annan

okenn *staff* ki travay ek sa dimoun ki i ganny kontak, e si in ganny vaksen deza i pa bezwen al dan karantenn i kapab kontinyen travay.

I reste anba sirveyans, me selman i permet li kapab kontinyen travay. Ofet nou'n annan en sityasyon la kot i annan en kantite lorganizasyon ki pe prezan konplent aköz bann ki pa'n pran vaksen sak fwa i vin en kontak i bezwen al dan karantenn.

E bann ki'n pran zot vaksen pou dir be kisisa, tou le semenn ouswa 2 semenn ou *off* 2 semenn. So prezan zot pe ankouraz zot bann koleg pou vin pran zot vaksen osi pou fer sir ki si zot vin en kontak zot kapab kontinyen delivre zot servis. E nou pe ankouraz sa.

Tou lorganizasyon i bezwen annan sa ki nou apel en *business continuity plan*. Pou fer ki si i annan okenn travayer ki vin pozitiv i pa kapab reste dan travay i bezwen annan kab rod dimoun, lezot dimoun ki kapab pran plas sa bann dimoun pou travay.

E zot kapab fer li lo en baz rotasyon, organiz zot *shift* dan en fason ki zot louvraz pa ganny afekte. E nou'n war bann lorganizasyon ki'n napa sa plan, letan in annan en de

manm zot *staff* ki'n teste pozitiv, zot in bezwen fermen.

Nou pa pou mansyonn non, me selman zot in bezwen fermen. Bann ki pa'n fermen i bann ki'n annan en plan. So nou pe ankouraz tou bann lorganizasyon pou zi zot pa ankor met zot plan an plas fer li. Zot kapab pran kontak avek nou, nou kapab ed zot pou zot prepar zot plan.

Whether nou sant karantenn e izolasyon i adekwat Praslin, so *far* in deservi nou byen, nou panse ki pou le moman i adekwat. Mersi.

Exit PCR nou konnen ki sak pei i annan son legzizans, par egzanp *Germany* pe demann en *PCR* 48 erdtan, e pou li kapab, pou son bann Alman letan zot re antre dan zot pei son *PCR* i ankor *still* relevan. I menm bezwen fer li pli ba ki sa 48erdtan.

E nou laboratwar i ouver tou le zour. Me selman sa difikilte ki nou gannyen par ler pou bann *Inner Islands*, se transportasyon *samples* sorti lo bann zil pou vin Mahe pandan wikenn.

Nou bezwen fer provizyon pou nou kapab fer sir *sample* in ganny pran pour bann kliyan kapab mouvante. Me toutfw nou bezwen gete kote i annan problemm e amelyore. Mersi.

MR SPEAKER

Mersi. Wi Minis.

MINISTER PEGGY VIDOT

Mersi Onorab pou ou kestyon. Ou'n demann en kestyon lo problemm ki Praslin kekfwa pe anvizaze kekfwa pandan sa dernyen 2 zour. I en problemm kot nou ti annan en fasilite ki ti pe deservi nou pou fer izolasyon ki zot ti pe sanz en pe zot kondisyon akoz zot ti pe regard lezot keksoz.

Nou'n diskite avek zot yer, e yer swar nou'n rektifye sityasyon, nou annan fasilite. Mersi.

MR SPEAKER

Mersi. Avek sa nou a pran en poz la e nou a kontinyen 11er 5. Mersi.

(BREAK)

PUBLIC HEALTH AUTHORITY **(Cont)**

MR SPEAKER

Mersi. Onorab Vidot.

HON AUDREY VIDOT

Mersi Mr Chair. Bonzour Minis avek delegasyon, tou manm Onorab. En bonzour spesyal zabitan Roche Caiman.

Mr Chair permet mwan dir mersi Dr Gedeon avek son lekip pou zot travay ki zot pe fer. E pou mwan dir avek li menm si letan mon ti dan sizyenm Lasanble e ozordi dan Lopozisyon.

Nou *still* apresye bann travay ki nou bann profesyonnel pe fer, e enport menm si ou'n ganny kritik lepase, dan sizyenm Lasanble kot Ansyen *Leader* Lopozisyon ti dir ki Dokter pa Bondye, me selman nou, nou ti valoriz zot zefor.

(APPLAUSE)

HON AUDREY VIDOT

Minis depi ki *Public Health* in met regilasyon pou lanterman, konbyen ki'n ganny *penalty fee* pou peye?

Akoz i annan en konsern e konplent parmi piblik ki i annan en pwa demezir lo sa *penalty fee* espesyalman letan piblik pe vwar bann serten O Zofisye Gouvernman pe asiste lanterman ki annan plis ki 15 dimoun. Sa i enn.

Dezyenm Minis, sa lannen i a fer senkyenm fwa dan Bidze ki mwan avek mon koleg Onorab Henrie, nou'n lalit dan sa Lasanble pou fer resorti ki i annan serten mankman bann prezans Zofisye Gouvernman ki

fer bann vizit regilye dan kominote.

E *Public Health Officers* i parmi sa bann zofisye ki zot prezans i annan en gran lenportans dan nou bann kominote. Mon pa pe dir ki zot pa pe fer ditou, me parkont mon santi ki avek sa Bidze pa neseserman sa pe ganny adrese.

Mon en pti pe dezapwente letan mon'n vwar dan zot *current challenges* zot in mete sa konsern ki i annan *staff* zot annan sa mankman *staff*. Me parkont zot pe, dan zot stratezi sa i pa pe marye ansanm pou vwar ki konmsi i annan resours ki pe permet zot kapab adres sa.

E mon konsern i akoz sa i pa neseserman pou ed zot akonplir sa stratezi parey zot pe anvizaze e targete pou fer. E nou bezwen, i pa *healthy* pou zot bann *Public Health Officers* ki la ki pe travay anba sitan presyon dan en tel sityasyon *COVID* ki nou ladan.

So alors Minis avek sa resours ki *Public Health* in gannyen avek ou Gouvernman, konbyen *Public Health Officers* ki anploye avek Lazans, konbyen ki pe kouver bann biznes?

Zot pe fer *monitoring* avek travay, konekte ek bann biznes,

e konbyen ki baze dan bann sant rezyonal? E kantite ki pe ganny antase par bann distrik? Byensir, mon kestyon i pour konekte avek konsern ki mon'n leve an referans avek zot limit *staff*. Mersi.

MR SPEAKER

Mersi. Minis ou a komanse. Wi.

MINISTER PEGGY VIDOT

Mersi Mr Chair. Wi mon ava komanse. Ou'n demann nou en kestyon an term ki kantite *penalty* ki legliz or landrwa ki fer lanterman in deza gannyen?

Mon napa sa kalite sif akoz bann *penalty* ki Lapolis i donnen i pa donn nou en kontrandi lo la a sak fwa ki zot fer. Me alor mon pou napa sa kalite lenformasyon pou donn ou, i en lenformasyon ki pou pirman avek Lapolis.

Wi ou konsern i reel an term ki Bidze i anba en *ceiling*, e ki i annan travay ki Zofisyè *Public Health* i bezwen ganny fer sirtou parey ou'n dir bann diferan vizit lakour ek landrwa travay. E ki zot konsern par egzantp transpor i ankor enn ki pou reste avek nou dan sa lannen ki ou pe fer.

Me selman parey Dokter, parey Komisyoner in eksplike bomaten, nou pe regarde osi ki manner transpor ki'n *allocate*

avek bann lezot antite dan Minister Lasante, dan *Health Care Agency* i pou kapab ganny servi koman ansanm pou ede.

Akoz souvandfwa ler en Zofisyè i al fer serten vizit i esansyel ki i pran en lot manm travayer lasante pou al avek parey en ners ou sinon keksoz koumsa. Ou sinon zot kapab aranz zot travay ki le en ners ou sinon Dokter pe al vwar en landrwa li osi pe mont dan sa distrik.

Me nou ava vwar ki manner nou kapab maksimiz a resours ki annan o sen Minister Lasante koman en *umbrella organization*, pou nou fer sir ki nou promouvwar e ki nou amelyor travay tou sa bann antite.

Alor ki pandan sa lannen kot resours nou konnen i pou ankor limite. Konbyen dimoun ki nou annan koman sanniter ou'n demann mwan. Nou annan an se moman 70, mon pa pou kapab donn ou tou bann kote zot ete.

Mon pa konnen si Komisyoner i annan sa *figures* i ava donn ou sa toudswit. E kekfwa li osi i ava kapab koz en pe an term priyorite ki manner i pe war sa bann keksoz pou ale. Mersi.

MR SPEAKER

Mersi. Dokter Gedeon ou a kontinyen.

PUBLIC HEALTH
COMMISSIONER DR JUDE
GEDEON

Mersi Minister. Mersi Mr Chair. Mersi Onorab pou ou bann kestasyon. I vre ki kominote i kle pou nou get travay bann sanniter, se pour sa rezon dan nou striktir *Public Health Services* i annan en prezans ase enportan dan tou bann rezyon.

E i annan bann *Regional Public Health Officers in-charge* e i annan detrwa dimoun anba zot e zot baze dan bann rezyon. Nou annan *north and central*, nou annan *east, Inner Islands, west ek south*.

Sa i dan baze kominote pou *community service*, be nou annan en seksyon spesyalize osi tou *specially Public Health Services*. E sa i repartisyonnen par *public health engineering, food control, vector control, port health, avek health impact assessment*.

E sa bann dimoun zot responsab pou fer en kantite louvraz pou fer avek lenspeksyon, revi bann *planning applications, review bann licenses* ki ganny refer kot zot kot koman en *referral agencies*, e en kantite zot louvraz i ganny fer an deor biro.

E sa bann deplasman i enportan.

Sak fwa i annan en konplent dan kominote ki swa en konplent nwizans, loder, sanitasyon. Se zot ki repons pou al *investigate* ki *abate* sa nwizans, oubyen pran bann mezir pou rektifye sa bann problem.

Nou osi zwe en rol enportan kot bann labatwar kot nou bezwen enspekte tou bann lavyann ki ganny *slaughtered*, pou fer sir ki napa okenn lavyann ki pa *fit* pou konsonmasyon imen.

So nou annan tou sa bann statistik, menm avek sa, tou travay *COVID-19* ki'n fer pandan 2019, 2020 i annan bokou plis travay ki'n ganny fer dan lezot sekter, apre nou pa tann koz lo la.

Be sa bann statistik pe ganny finalize pou lannen pase, pou ganny pibliye e zot ava vwar pou zot menm ki kantite louvraz ki ganny fer. Mersi.

MR SPEAKER

Wi Onorab. Ki pwen?

HON AUDREY VIDOT

En pti leklersisman. *Doctor* petet ou'n dir poudir zot annan bann, ou bann Zofisyé dan distrik i annan bann *response* ki zot fer. Mon konnen i annan

bann *challenges* ki zot gannyen pour kapab adres bann konsern menm si zot *issue* bann let.

Me kote problemn i vini ki petet zot *Public Health* menm si zot pe reakte, me i annan en ba aksyon ki pe ganny pran. *Is it from* kot zot menm ki zot santi i annan defayans dan zot Lalwa? Oubyen letan i al kot AG's *Office* an term laprev *what's*, kwa ki met retar? Mersi.

MR SPEAKER

Mersi. Yes Dr Gedeon.

PUBLIC HEALTH COMMISSIONER DR JUDE GEDEON

Mersi Chair. *In fact* la mazorite nwizans ki ganny raporte oubyen bann konplent ki ganny fer o ganny rektifye sirplas. I annan en poursantaz ki menm si ou donn zot en *notice*, zot pa al rektifye li dan letan ki ou bezwen donn zot, ki ou donn zot.

Me zot ganny en dezyenm *warning* oubyen en dezyenm *notice* e si zot *fail*, se la kot aksyon i ganny pran an term prosekisyon kot nou prepar en *docket* e sa i ganny anvoye kot *Attorney Zeneral* pou fer prosekisyon.

Nou'n ganny en pe retar avek bann ka oparavan *so much*

so ki parfwa letan *case* i fini, i pase sa nwizans i fini ganny rektifye.

So sa enn bann *challenges* ki nou'n rankontre dan lepase, me nou'n travay avek Lofis *Attorney Zeneral* pou fer sir ki bann preparasyon, bann dokimantasyon i ganny fer byen, en mannyer ki *by the time* i ariv kot zot i, tou keksoz i annord, e *case* i pas en pti pe pli vit ki i ti pase avan. Mersi.

MR SPEAKER

Mersi. Onorab Naidu.

HON SATHYA NAIDU

Bonzour Mr Chair. Mersi Mr Chair. Bonzour Minis. Bonzour Dr Gedeon ek tou Manm lo *panel*.

Lo size *vaccination strategy*, mon ti pe zis regarde si an ka zot in kapab kolabore ansanm avek *APDAR* pou regarde si zot bann kliyan pou kapab pran vaksen, ouswa fer le neseler pou sey ankouraz sa group aköz se zot menm malerezman pou en rezon ou en lot ki pe koz en risk dan sosyete.

E lo size *vaccination card* pou le moman nou'n ganny en pti kart. Mon kekyon se, eski i pou annan okenn lezot prosedir ki pou swiv pou fer sir ki sa kart kekfwa i pou transformen i pou

von en sertifika ki bokou pli *full proof*?

E Onorab Loze pli boner ozordi, ti'n fer resorti lo *mask wearing*. I en pwen ki valab me malerezman i fer bann politik bon marse e finalman validite son *statement* in nepli la.

Me selman lo kote *mask* mon santi kefwà zot pou kapab lyez avek Lotorite konsernen, e vin devan avek en *temporary legislation* lo pri kontrol, lo *mask* ek *hand sanitizers*. *Because these two are basically the kits to protect ourselves*.

E mwan mon'n pran tou lede doz e mon ankouraz tou dimoun ki pa ankor pran ki kalifye pou desann e vin pran zot vaksen. Nou pa pe kasyet deryer rido pou vin pran vaksen, ouswa nou pa kit Komite *Platinum*, ouswa nou napa en dirizan ki fer bann *statement* ki kontradir kanmarad. Mersi.

MR SPEAKER

Onorab! Onorab! Pa, silvouple les mon a dil avek sa Onorab Pillay.

Onorab nou'n pas lo sa size bomaten, ou konn tre byen ki sa ki nou'n dir e mon'n seye pou evite kontinyen avek sa bann lakizasyon kont, alor wi, Onorab Pillay in dir *retract*.

Anyway, Onorab Pillay i kontan donn son lareg li osi alor *retract* sa, *retract* sa Onorab.

HON SATHYA NAIDU

Ok. Mon *retract* Mr Speaker.

MR SPEAKER

Mersi. Onorab Loze, ou i annan sa komanter lo politik bon marse mon pa krwar i nesese pou adres sa. In fer en pe politik, annou kontinyen. Minis. Me annou kontinyen, napa naryen pou reazir lo la. Mersi.

Nou a kontinyen, nou a les *panel* fer zot repons silvouple. Wi Minis

MINISTER PEGGY VIDOT

Mersi Mr Chair. Lo vaksinasyon avek bann dimoun ki pe servi *Methadone*. Nou pe fer en travay avek *APDAR* pou nou regarde konbyen, akoz i annan en bon pe bann dimoun ki lo *methadone* ki zot in deza pran zot vaksen.

Me nou konnen en bann osi ki pa ankor pe pran. E sa travay pe ganny fer, *APDAR* pe *come up* avek *figures* ki apre nou pou travay ansanm pou regarde ki meyer fason pou anmenn vaksinasyon dan sa group. So sa i en travay ki pe ganny fer aktyel, e nou pe

espekte ki *soon* nou pou kapab pe donn zot vaksen.

Ki kalite sertifika vaksen nou pou annan? Parey nou'n dir *at the moment* nou'n donn zis en pti kart pou dir pouertifye ki zot in pran. Me selman nou pe travay avek *DICT* an vi ki nou konnen poudir i annan posibilite.

I pa ankor kler, me bokou pei pe demann, pe dir e menm *airline* pe demande ki pou annan *proof of vaccination* pou *travel*. So nou pe regard en fason pli byen, pli *fullproof* parey ou dir ki pa pou kapab ganny *tampered with*.

E *DICT* pe travay ek nou ansanm avek *travisory* pou regarde ki kalite sertifika ki i ti a kapab propoz nou, pou nou servi. E en keksoz osi ki ava kapab ganny servi ki ava akseptab dan lezot pei, letan nou dimoun i ava montre poudir zot in annan vaksinasyon.

E Komisyoner i ava koz en pti pe lo pou propozisyon lo *mask* ek *sanitizer*.

MR SPEAKER

Yes Dr Gedeon.

PUBLIC HEALTH
COMMISSIONER DR JUDE
GEDEON

Mersi Mr Chair. Mersi Minister. Mersi Onorab. Ou sizesyon i bon akoz nou kote *Public Health* toultan kot nou kapab fer en prodwi vin pli *affordable* pou piblik i pli bon.

So mon pa konnen nou bezwen fer diskisyon avek bann lezot sekter Gouvernman pou gete kot nou kapab antre. Be selman mon ti ava lans en lapel avek bann komersan, bann ki fer vini *mask* e bann ki prodwi *mask* lokalman annou pa met tro bokou profi lo la, pou fer si ki son pri i ava vin pli abordab pou piblik. Mersi.

MR SPEAKER

Mersi. Onorab Henrie, non, eskiz man ti Onorab Arissol ki ti'n demann kestyon. Wi.

HON SANDY ARISSOL

Mersi Mr Chairman. Bonzour Minis avek delegasyon. Mr Speaker yer mon pa ti ganny loportinite, mon ti a kontan profite dir Minis mersi pou aksepte pou vin Minis Lasante dan en moman tre difisil avek e sityasyon *COVID*.

Alor lo nou kote nou ti a kontan dir ou mersi bokou pou aksepte sa lo nou par.

(APPLAUSE)

HON SANDY ARISSOL

Dezyenmman mon ti a kontan dir avek Dr Gedeon felisitasyon Dokter pou a bon travay. Nou letan nou ti asiz lot kote latab mon rapel ou ti antre dan Lasanble Nasyonal e nou tou nou ti debout e nou ti aplodir ou avek ou lekip pou travay ki ou pe fer.

Letan eleksyon ti fini ou ti kapab *resign* koman Dokter dir Gouvernman in sanze, viv ou lavi normal. Me ou pa'n fer sa, ou'n reste pou lager lo pou nou kote pou fer sir ki *COVID* i ganny met a son plas kot i devret. Alor pou sa ankor enn fwa mersi bokou pou sa bann travay ki zot pe fer.

(APPLAUSE)

HON SANDY ARISSOL

Mr Speaker mon kontan letan Dr Gedeon in reponn Onorab Cosgrow an reaksyon avek en topik sitan enportan, ki menm yer ti leve sa size an relasyon avek politik, lenterferans politik dan bann desizyon ki zot pran.

E mon rapel menm dan en *press conference* ki mon ti pe gete taler, kot ti annan en Dokter ti dir poudir ou, ou ti aksepte ki vaksen i sorti *La Chine* i rantre dan pei menm ki *La Chine* pa ti'n *endorse* son prop vaksen.

E sa ti senm en pe lafreyer parmi nou, parske letan en vaksen i vini sorti *La Chine*, e nou ganny dir par en profesyonnel poudir sa vaksen pa'n ganny *endorse* par son pei. Nou pe *wonder* ki Dr Gedeon pe donn nou, eski Dr Gedeon pe anmenn en keksoz pou touy nou?

E mon anvi dir ek Dr Gedeon, mwan mon enn bann ki'n pran mon vaksen sorti *La Chine* e tou mon fanmir nou'n pran. E alor nou *happy* enn fwa pou sa travay.

Mon kestyon, toultan letan mon koz lo *Public Health Authority* mon refer li avek bann sanniter. E Mrs Belle ki la i konn byen poudir ki sak fwa dan Lasanble mon demann kestyon lo sanniter, zot saler, zot *allowance* zis pou ankouraz zot en pti pe dan sa travay.

Me selman letan nou pe koze la bann adilt ki pe lekol pou sanniter kot Lekol *NHSS*, pa ankor ganny zot bann *allowance* depi Zanvye mon aprann.

Me pour mon kestyon mon ti a kontan demande. Se eski letan mon pe get zot manda Mr Chair lo premye laliny i fini avek *Public Health Laws*. Mwan mon annan en kestyon parske mon santi poudir Bel Ombre nou pa pe ganny ede dan en fason

korek avek bann sanniter ki fer letour dan nou distrik.

Mon annan 3 ka spesifik, Bel Ombre lo *site* deryer Ladministrasyon Distrik i annan en konstriksyon *flat* ki pe arive, nou bann proze ki pe fer, e obor i annan en stasyon *flat* ki deza la kot dimoun pe reste.

Bann travayer ki reste dan sa bout ki pe fer konstriksyon zot servi menm sistenm ki bann zabitan pe servi, prezan sistenm *sewage* in plen, i *overflow*, i koul partou dan lanvironnman. E tou dimoun in kriy lasasen, me malerezman sanniter in vini, zot pa ankor fer naryen ziska prezan.

Dezyenm *case* ki mon annan ki tou dimoun pe kriy lasasen dan distrik Bel Ombre mon annan en *case* Mount Simpson. Kot mon annan en madanm i annan en lakaz, sa madanm i pas son letan zis marse lo semen li, 24 lo 24.

Mon'n menm ganny en *video* dan son lakaz kot pwason dan son dip pe pouri, loder deor pa kapab gete. E bann vwazen zot santi zot pa konfortab e zot pa kapab *enjoy* zot lakour parey i devret. Sanniter in vini zot in gete, zot in *assess* napa aksyon.

Mon trwazyenm e mon dernyen ka ki mon annan ziska prezan mon annan anler Beau

Belle Estate kot mon reste, i annan en dimoun ki reste dan en *semi-detached flat* obor lezot vwazen. Son zerb i menm oter ek son dalo, son *septic tank* lot kote deor in pete, ou war to sort kalite ladob, tou sort kalite gro manze i monte.

Bann vwazen pa kapab *enjoy zot stay*, zot trankilite e zot *privacy*. Sanniter in vini, in gete, zot in *assess* napa naryen ki arive.

Alor mon premye kestyon ki mon ti a kontan demande eski sanniter i ankor annan sa Lalwa ki zot ti annan en ban lannen pase ler zot ti pas dan distrik ansanm ek Lapolis? De dimoun ki nou ti per dan distrik lontan, se bann polisye avek bann sanniter. Mon premye kestyon.

Mon dezyenm kestyon ki mon ti a kontan demande se an relasyon avek sa ki tou Manm pe demande. Se bann kondisyon ki'n ganny anmennen pandan letan *COVID*.

Ou konnen dimoun ti pe ekspekte poudir letan *Airport* i ouver, pei i ouver zon *border* bann restriksyon pou komans kas en pe. *As if* nou lavi pou retourn normal parske touris pe rantre.

Me parkont i pa'n leka mon'n tann koz lo ler laboutik e

i reste en size. Parske dimoun pe demande si ler laboutik i *match* avek ler bis ki kit 6er, si i *match* avek ler mouvman ki'n bouz 11er i annan sa restriksyon.

I zis parey letan nou pe koz lo sa bann mouvman i annan bann biznes ki ziska prezan pa ankor ganny permisyon pou ouver, zis parey *Marine Charter* ki fer menm fonksyon avek *Boat House* li i pa'n ganny permisyon pou ouver ziska pezan.

Me parkont i annan touris ki'n antre, ler zot pran bato kot *Martine Charter* zot napa fasilite twalet, zot pa kapab aste naryen pou manze ni pou bwar ki vin en lenkonvenyans.

So eski letan zot pe get tou sa bann remaniman, eski parey nou'n dir eski Gouvernman, Minister Lasante byensir zot pour to ou tar, dousman, dousman kapab sey vwar, balanse, analize ki mannyer nou kapab kontinyen avek sa bann restriksyon ki la? Mon dezyenm kestyon.

Mon trwazyenm i senp li, mon ti a kontan demann Minister Lasante, kan eski zot pou aret apel klinik Beau Vallon, klinik Beau Vallon? Akoz i baze dan distrik Bel Ombre.

Kan eski nou pou ganny en landrwa ki dan distrik Bel Ombre ki pou ganny apele Sant Lasante distrik Bel Ombre? Mersi bokou.

MR SPEAKER

Mersi Onorab pou Bel Ombre. Dr Gedeon oubyen Minis, lekel ki pou pran? Wi Dokter.

PUBLIC HEALTH COMMISSIONER DR JUDE GEDEON

Mersi Mr Chair, mersi Onorab pou ou ban komanter ek ou ban kestyon. Mon ava adres sa 2 premye. An sa ki konsern kote distrik Beau Vallon ek distrik Bel Ombre i ete mon a les sa ek en lot dimoun.

I vre ki sa ban nwizans i kontinyen aparet koman konplent kot sanniter. *In fact* lannen pase nou'n annan nou apepre 900 diferan konplent ki swa bann *overflowing sewage tank*, ki swa zerb ki gran, ki swa loder, ki swa dimoun ki sonny lisyen dan en fason ki pa izyenik, ki swa tou kalite nou gannyen.

E letan sanniter i vizite, si i kapab fer okenn aksyon imedyat i fer atraver konsey. Me si i pa kapab *then* i rod Lazans ki responsab.

Si i en landrwa prive *then* sa dimoun i ganny dir ki pou fer

i donn li en dele letan. Me souvandfwa nou ganny problemm kot bann *flat* ki pour bann *flat* piblik, bann *flat* ki pour Gouvernman.

Bann *housing estates and* nou ekrir let, nou donn zot en dele letan e souvandfwa problemm i ganny rektifye e i pa ganny ase atansyon e i war pas enn de senmen i retourn ankor.

Ki nou'n remarke ki souvandfwa letan bann plan i vin kot *Public Health* pou *appraise*. Nou annan nou komanter lo ki kalite fasilite desarz delo pou mete nou donn bann *guidelines*. E letan kontrakter i fer i pa fer parey, i pa swiv bann dimansyon ki i devret fer pou grander sa devlopman.

E souvandfwa sanmenm sa ki arive ki sistenm i ganny *overflow, overwhelm* vitman. Me nou'n travay avek *MLUH* pou gete ki mannyer zot pour adres sa pwen.

Nou annan en kantite, ofet dan diferan distrik i annan *issue* kontrent bidzeter osi si zot kapab adres li sifizaman. Selman finalman ki ou pou fer, eski ou pou swiv Gouvernman? Eski ou pou swiv ou lekor?

I en keksoz ki nou bezwen pran responsabilite koman bann Lazans Gouvernman pou

nou adres li enn fwa pour tou dan en fason korek.

Sanniter son pouvwar, pouvwar legal i depann en kantite lo *Attorney Zeneral* oubyen *Biro Attorney Zeneral*.

E parey mon'n fer sorti oparavan par ler i retar i gannyen letan nou prezant *case* kot biro *Attorney Zeneral* pour ganny fer, pou fer prosekisyon. So sa i reste enn nou bann *challenges* sa bann *case* ki tarde pase.

An sa ki konsern bann restriksyon lo bann lezot biznes. Nou *Public Health Emergency Operation Committee* pe toulezour pe get bann diferan restriksyon ki annan, ki mannyer nou kapab aziste nou, nou okouran sa *issue Marine Charter*.

Mon krwar i annan en *licensed bar*, be selman li letan ou pe gete son loperasyon i en pe *hybrid between a bar and a*, i annan en landrwa asize tou. So *hopefully* pandan prosen zour ki vini i a kapab ganny en solisyon, nou a kapab donn li en desizyon final. Ansanm avek bann lezot biznes.

Nou pe travay tre pros avek *SCCI* pou get bann diferan bins ki mannyer zot kapab ouver *safely* apre ki zot in met zot bann *SOPs* an plas. E sa i enkli bann ki pli boner nou'n

koz lo *casino*, e bann lezot biznes ki ankor reste fermen. *Bars, casinos and the like*. Mon krwar mon'n kouver Onorab.

MR SPEAKER

Wi, Minis i azoute? Wi Minis.

MINISTER PEGGY VIDOT

Mersi Mr Chairman. Onorab in lev en pwen osi *regarding allowance* bann *mature student* ki ou'n dir poudir zot pa ankor ganny peye.

E mon konpran poudir koman, nou napa *mature student* dan group sanniter. Me nou a regard avek lezot *mature student* ki dan *NIHSS*, e mon konpran poudir nou ava regard ladan ki bann ki pa ankor ganny peye e fer sir ki zot a ganny peye zot *allowance* de sito ki posib.

So sa nou ava fer. Pou lot pwen ki nou'n note e ki napa en repons pou le moman se koman nou pou al apel sa Sant Lasante ki baze dan nor ki *provide* en aktivite pou sa rezyon, e nou ava pran sa desizyon ansanm avek sa 2 distrik pou vwar ki manner nou pou apel li. Me pour le moman i sant rezyonal pour rezyon nor.

MR SPEAKER

Ou satisfé Onorab?

HON SANDY ARISSOL

Mersi Mr Chair. Mersi Minis avek Dr Gedeon pou larepons. Me selman an relasyon avek *COVID* Dr Gedeon. Mon ti a kontan demann ou. Taler ou'n fer en mansyon in regards to nou to mortalite an relasyon avek kantite ka *COVID* ki nou annan.

Eski i 0.5 poursan? Parske nou'n ganny dir pou dir pou nou Sesel i bokou pli o ki lezot pei. Mon ti a kontan kekfwa ou donn nou ek konfirmasyon an relasyon avek nou to mortalite Sesel an relasyon avek kantite ka ki nou annan. Mersi Mr Chair.

MR SPEAKER

Wi Dr.

PUBLIC HEALTH COMMISSIONER DR JUDE GEDEON

Mersi Chair. Mersi Onorab. Parey mon'n mansyonnen pli boner *case fatality rate*. Setadir ou pran kantite ka lanmor ki ou'n gannyen ou diviz lo kantite ka total ki ou annan. Letan ou pran pou Sesel nou annan 4 mil ekek ka, e si ou pran sa kantite dimoun ki'n mor ou diviz par sa 4000 ekek ka, ou ganny sa *case fatality rate*.

Letan nou konpar li avek *La Reunion* par egzanp. Ki en

pei ki zil parey nou. Son *case fatality rate* i apepre en 7 poursan. *La France* i anviron 2 poursan. Pei ki avek bokou plis resours ki nou zot *case fatality rate* i bokou pli o ki pou nou.

Maurice mon'n mansyonnen taler apepre 1 poursan. So ou pou bezwen si ou statistik i *reliable*, ou konnen poudir sa ki pe ganny raporte i vreman tou bann *case* pe ganny detekte pe ganny raporte. E la ou kapab *assess* ou *case fatality rate*.

E ou *case fatality rate* i pou ogmante si kous popilasyon i ganny afekte i bann dimoun ki annan plis risk. E nou isi Sesel nou konnen poudir nou annan en *fairly*, nou *life expectancy* i bokou pli elve ki en kantite bann pei an devlopman.

E nou ti espekte nou *case fatality rate* i i kapab pli o ki sa. E nou pe panse ki si nou pa ti'n komans sa program vaksen a tan, *nou case fatality rate* ti pou bokou pli o ki sa ki ou pe vwar la. Mersi.

MR SPEAKER

Mersi Dr. Onorab Gill. Non, Onorab Gill wi, in ariv lo ou.

HON CHURCHILL GILL

Mersi Mr Chair. Bonzour Minis ek delegasyon. E tou Manm.

Commissioner mon rekonnèt ki lotorite *Public Health* i en lotorite tre, tre enportan. E pou atir ou lentansyon lo *major achievements* lo sizyenm boulet.

E ki mannyer ou pou dekrir efikasite bann board regilatwar ek antite ki tonm anba *Public Health Authority*? Eski ou santi zot *contract* avek tou zot bann target?

Dezyenm pwèn. Parey ou konnen Lopital Baie Ste Anne given ki nou ganny bokou viziter etranze Praslin, eski dan sa Bidze i annan serten keksoz ki pou ede amelyor servis ki bann pasyan i gannyan dan Lopital Baie Ste Anne? Akoz *to a certain extend* dimoun La Digue osi i servi Lopital Baie Ste Anne.

E parey monn dir bann kliyan etranze, alors sa i warant ki nou annan serten *minimum* abilite pou nou donn serten servis. Alors eski ou santi ki dan sa Bidze i annan serten provizyon pou nou amelyor nivo servis ki nou pe donner ozordi?

Mon konnen i pa en keksoz ki nou kapab fer deswit pou nou amelyor tou. Me selman eski i annan en pe dan sa Bidze?

Apre koman sa Lotorite i annan en sityasyon ki mon bezwen met dan ou latansyon,

petet ou a kapab fer en keksoz lo la. Kot Lopital Baie Ste Anne i annan en *Hyperbaric Chamber* ki pa ankor ganny *commission*. E sa i annan en bon pe letan ki sa i la. Eski petet ou kapab donn nou en nide si ou annan lenformasyon, akoz ki i pa ankor ganny *commission* tou sa letan?

E sik Minister i annan nide bouze pou *commission* sa? Mersi.

MR SPEAKER

Wi *panel*. Dr Gedeon wi.

PUBLIC HEALTH COMMISSIONER DR JUDE GEDEON

Ok mersi Mr Chair. Mersi Onorab Gill. Malerezman mon pa pou kapab reponn sa keston lo servis Baie Ste Anne, lo *hyperbaric chamber* petet Minis i a kapab koz lo la. Akoz i bann servis ki *HTA* ki donnen.

Me selman sa ki mon kapab dir ou dan Bidze i annan provizyon pou fer sir ki bann *staff Public Health* ki Praslin i ganny sifizaman *catted for*. Zot fasilite e servis ki zot donnen Praslin.

An term sa bann *Board* en *Committee* anba *Public Health Authority*, an se moman nou annan 7 diferan *Board* e *Committee* ki annan en

grounding legal anba *Public Health Authority*.

I annan *Public Health Authority Board* li menm avek son *appeals*, i annan *food control Board*, *Pesticide, Tobacco Control, Research and Ethics Committee*, apre *Complimentary Health Board*.

So tou sa bann *Board* regilatwar i fer sir ki zot pa zis administrative, zot plito *executive*. E fer sir ki bann aktivite pou regle sa bann diferan keksoz i ganny fer. e nou satisfè avek zot travay.

Nou annan nou *Regulatory and Registration Unit* ki fer sir ki sa bann *board* i fer zot louvraz i fer sir zot *meet* sa ki zot devret *meet*. E zot delivre lo zot bann plans ki zot annan pou delivre lo la.

Apre i annan *Pharmacy Regulatory Board*, ki pa ankor ganny etabli akoz *Pharmacy Act* oubyen *Medicine Act* pe ganny finalize. *In fact*, en *major revision*. I pou vin Lasanble petet tre byento. Se apre sa ki nou pou annan sa *Pharmacy Regulatory Board*.

An se moman i annan en *Care Taker Committee* ki pe fer sir tou bann laplikasyon pou fer vini latizann e bann, tou bann louvraz ki annan pou fer avek medikaman i ganny *taken care of*. Mersi.

MR SPEAKER

Minis wi.

MINISTER PEGGY VIDOT

Mersi Onorab pou ou kestyon. An term si nou pe vwar nou pou annan amelyorasyon dan servis ki swen lasante i donnen Praslin.

Sa mon kapab dir ou wi. An vi bann priyorite servis ki pou ganny donnen, nou pe revwar ki mannyer nou pou pe amelyor tou sa, *improve* li e nou kapab dir ki nou espekte ki nou pou vwar serten sanzman dan lafason ki nou pe donn servis lo Praslin.

An term *hyperbaric chamber*, mon konpran poudir depi ler sa *chamber* in ariv Praslin i pa'n zanmen fonksyonnen. E dan transportasyon sa *chamber* in annan serten domaz ase signifikan ki'n arive. Sa se rapor ki mwan mon'n gannyen ler monn arive. Pou kapab aranz sa bann domaz, i pou kout en pri ase releve.

Me nou'n deza an diskisyon avek sa sponsor sa *hyperbaric chamber*, e zot enzenyer in deza an kontak avek nou vann dimoun isi. In deza fer lalis bann keksoz ki bezwen ganny sanze ladan e ki kapab ganny aranze. Nou'n

ganny dir poudir i pou kapab ganny aranze. E nou bezwen selman fer serten fasilite pou house li en pe pli byen.

E tousala sa bann demars pe ganny fer. E dek ki nou pou kapab ganny lasistans pou, nou pe menm ganny *pledge* lasistans pou zot fer sa. E dek ki sa pou arive, *then* nou pou dan en fason pou nou kapab si ou le lans sa program *hyperbaric* lo Praslin.

So ti annan en pe problenm avek anmenn Praslin, pa anmenn Praslin. E sa mon krwar nou'n kapab arive diskite e fer vwar lenportans ki sa *Chamber* i Praslin. Mersi.

MR SPEAKER

Mersi Minis. Onorab Michel Roucou.

HON MICHEL ROUCOU

Mersi Mr Chair. Bonzour *panel*. Bonzour tou zabitan Mont Fleuri ki pe regard nou. Minis mon annan mon 3 kestyon. Mon premye kestyon i kantite zofisye sanniter zot annan Mahe, Praslin avek La Digue? E ki saler ler en nouvo zofisye i *join* sa lekip sanniter?

Mon dezyenm kestyon, i pou vi ki nou war ki plizyer departman pe ganny sa problenm *fungus*, eski sanniter i annan en say ladan ki zot pe

fer pou met presyon avek bann departman ki zot *sort out* sa *issue*?

E mon trwazyenm keston, i lo kote bann manm fanmir li menm li ki annan sa problemm kot zot deza annan en manm fanmir ki ganny mete an detansyon akòz COVID. E sa manm fanmir li menm li, i pa pe respekte bann Lalwa. Ki zot pe fer ladan? Akòz souvandfwa nou war poudir zot desann dan semen, zot kontinyen marse. Mersi.

MR SPEAKER

Mersi. *Panel. Dr* i komanse, wi.

DIRECTOR HR DAPHNE BELLE

Mersi Mr Chair. Mersi Onorab. Kot i konsern sanniter, nou annan total 70 dan *unit* sanniter, ladan 7 i field assistant ki bokou 6 nou war se zot ki *spray* bann *sprinting* nou apel zot.

E 63 *qualified Public Health Officer*. E zot saler se ler *new* bann ki *graduate from NHSS* i antre, zot antre lo en basic salary R7,796, me zot total net baze avek *number of allowances* azoute, en *monthly* total i R19,185.

Sa i total net *for a new one*. Bann ki en pe pli *mature* i annan diferan grad. I annan ki

son total net *per month* i 20 *thousand*. I annan ki 24 *thousand*.

E apre osi nou annan nivo *senior*, i annan 2 nivo li osi dan *senior* la, baze lo kalifikasyon.

I annan zot *monthly net* i 34 *thousand*, i annan ki 27 *thousand per month*. Mersi.

MR SPEAKER

Mersi. *Next, wi Dr.*

PUBLIC HEALTH COMMISSIONER DR JUDE GEDEON

Mersi Mr Chair. mon ti a kontan reponn sa keston lo si sanniter i annan en *say* lo zafer *fungus*. Wi, nou donn konsey. Letan i annan landrwa ki annan enfestasyon *fungus*, sanniter i fer lenspeksyon, zot evalye akòz zot in ganny *training* pou konnen, *training* lo ki mannyer bann diferan *microorganism* i *behave*. E *fungus* i en *microorganism*.

E *usually* i annan pou fer avek tanperatir avek *flow, air flow*. E zot donn konsey lo la. Nou annan en Seksyon *Occupational Health* ki baze kot *Public Health* ki osi ede avek evalyasyon. Sirtou si in annan exposure avek bann *staff* ki'n ganny ekspoze avek en *heavy infestation of fungus*.

Zot fer evalyasyon *clinical* e zot fer rapor lo sa bann dimoun ki'n ganny *expose*. Mersi.

MR SPEAKER

Wi i ti annan en pwen lo manm fanmir ki pe parwaze menm apre zot fanmir in kontakte.

PUBLIC COMMISSIONER DR JUDE GEDEON

Wi Mersi Mr Chair pou *remind* mwan. Si i annan, *in fact* nou'n ganny enn de *case* lo Praslin kot, menm Mahe tou. Kot bann dimoun pa pe respekte zot kondisyon karantenn e si zot pa ekout bann zofisye letan i koz ek zot nou *involve* Lapolis. Pou fer sir ki i fer zot *return* se zot.

E pou kas kondisyon karantenn i en lofans anba Lalwa. *And so far* laplipar dimoun ki pa'n ekoute, zot i ganny o premye lwe, zot obeir sa bann konsey apre. Be selman par ler nou bezwen *involve* Lapolis.

MR SPEAKER

Wi Onorab ki pwen?

HON MICHEL ROUCOU

Doctor apre si ou kapab koz en pti pe lo kote, i annan bokou dimoun deor. Mon annan en dimoun ki'n kontakte mwan, ki

dir mwan poudir i annan en manm fanmir lopital. Ki ler i kontakte laba petet zot pa pe ganny sa servis ki zot merite.

Petet sa dimoun, mon konnen poudir bann travayer lasante la zot sitan fatigue, kekfwa zot en pti gin fristre. Me lafason ki zot pe reponn sa bann dimoun ki pe *call* pou get lo en manm fanmir.

Apre si ou kapab koz en pti pe lo kote enfestasyon lera. Enfestasyon lera, aköz nou war poudir pli ale sirtou kot bann *bin sites* i annan en bon pe. Mersi.

MR SPEAKER

Mersi. Wi Dokter ou pou pran sa?

PUBLIC COMMISSIONER DR JUDE GEDEON

Mersi Mr Chair. i vre ki nou pa kapab servi lafatig koman leskiz pou mal koz avek dimoun. Piblik i bezwen nou servis, nou bezwen servi zot byen a toultan. Zot pa bezwen konnen si nou'n mal leve sa zour ou byen si nou annan problemm personnel.

So i en keksoz ki nou bezwen toultan pe travay lo la pou fer sir ki nou *staff* pe servi manm piblik avek respe ek *courtesy as well*.

Mon ava pas sa konversasyon ek Dr Louange osi tou akoz laplipar bann servis Lopital i tonm kot li. Me selman mesaz ki nou devret respekte. Epi nou espekte piblik osi i respekte nou.

I annan piblik ki letan zot *call* zot deza sarze, zot vide lo ou. Zot komans ek en lensilt avan zot dir ou zot problem. So petet par ler *staff* pa tou ki kapab annan sa pasyans oubyen sa *composure* pou zot kapab tenir zot menm avan ki zot reazir.

Vermin, lera i en lot vermin ki nou bezwen gard anba kontrol. Nou annan bann program deratizasyon. *Baiting* ki ganny fer lo en baz regilye. Nou fer *baiting* kot bann *bin sites*, apre i annan bann *targeting baiting* kot i annan, nou war en lenfestasyon i monte.

Nou bezwen fer nou bann beating aswar souvandfwa akoz letan ou met lizour dimoun i pase i vol sa pwazon lera otour *bin*, zot al vann. Si i al vann apre pou touy lera menm i bon, e selman si i pe, mon konnen zot al, akoz bann dimoun ki ...

Malerezman i arive, bann sanniter ek bann *public care assistant*, nou bann *public care assistant* i bezwen fer sa louvraz aswar. Mersi.

MR SPEAKER

Mersi. Nou a, kot nou'n arive la? Onorab Aglae.

HON EGBERT AGLAE

Mersi Mr Speaker. Bonzour *Dokter*, Minis ek delegasyon. Mr Speaker zis permet mwan pas en mesaz kondoleans swivan sa aksidan fatal ki ti arive yer a lafanmir Desnousse.

Dokter dabor mon ti a kontan felisit ou pou ou travay ki ou pe fer depi avek ladministrasyon avan ziskan la, ek tou ou tim. Pou kapab fer sa travay ki pa neseserman fasil.

Premye keston. *Dokter* eski ou kapab dir nou, akoz an vi ki lo kote *US* nou'n ganny akize pou fer politik avek vaksen *COVID*.

Rekomandasyon ki *WHO* i donnen dan pandemik pou kapab administre vaksen, premyerman ou bezwen donn bann *first line responders*, bann *emergency workers*, bann dimoun ki annan ban kondisyon a risk ek bann group.

Napa okenn moman ki politisyen in ganny permete lo sa lalis pou ganny vaksen premye. So nou nou'n espere les sa bann dimoun pran zot vaksen avan apre nou, nou ti

vin pran nou vaksen. Sa en pwen.

Dokter lo size vaksen li menm, eski Minister, departman pe mazine an vi ki nou target popilasyon pou donn vaksen i komansman 18an an montan. An vi ki *Pfizer-BioNTech* li i rekomande ki ou kapab komans donn depi laz 16an. Eski a lavenir zot pe konsider target sa group 16an a 18an ki annan apepre 3 mil. Ki kapab osi benefisye avek sa vaksen. Eski zot pou al dan sa laliny?

Dezyenm lo size *mask*. Mon konnen bokou gidans in ganny donner lo size *mask*. E louvertir pei in fer ki bokou etranze in antre dan pei. Eski zot pe swiv de pre bann *SOPs* ki ganny set avek sa bann letablisman touristik, pou fer ki bann viziter ki vin antre, ki zot annan permisyon pou marse, ki zot *wear* zot *mask*.

Akoz nou'n war poudir zot pe marse dan lakominote menm. Port Glaud i annan en ka. Ki mon'n *witness* mon menm. Pou fer ki a tou pri si zot al vizit bann sit ki relye dan lakominote ki touzour zot annan en *mask*.

Akoz nou annan nou bann lakonpanyen ater Seselwa, ennler gid ki al avek zot osi ki pa neserman osi konsyan pou

pran sa prekosyon ki zot pe demande.

E dernyen, lo size varyan. Mon ti a kontan petet Dokter site nou kot zot i arive. Akoz i annan serten konfizyon osi. Akoz ou war dan en fanmir msye i kapab ganny enfekte, madanm pa gannyen. Ouswa msye ek madanm gannyen zanfan pa gannyen. Menm si zot pe viv dan *same setting*. Ki zistans nou'n arive avek sa letid pou idantifye si nou annan detrwa varyan *COVID* dan pei? Mersi.

MR SPEAKER

Mersi. *Panel*. Dr Gedeon.

PUBLIC HEALTH COMMISSIONER DR JUDE GEDEON

Mersi Mr Chairman. Mersi Onorab. Pou lemoman wi *Pfizer-BioNTech* i sel vaksen ki 16an, 18an ou kapab donner. Me selman son administrasyon osi i pli difisil.

Akoz son tanperatir stokaz i pli ba. Nou pe plito fokaliz lo lezot vaksen ki trial a en staz avanse pou bann zanfan, menm anba 16an.

Nou panse ki dan bann prosen semenn, mwan ki vini nou kapab annan bann lezot kandida vaksen ki zanfan pou kapab pran. Sa i pou ed nou

pou *even increase* nou *liability* pli o ankor.

An se ki konsern bann SOPs pou viziter ki vini. Deza lo *website tourism* i annan bann gidans ki ganny donnen ki zot sipoze *aware*. Be bann letablisman touristik kot zot pe reste i sipoze pe donn zot sa bann *do's and don'ts* letan zot dan zot sezour isi.

In *fact*, i annan *undertaking* ki sa letablisman i sinyen avek Departman Touris. E sa letablisman i fer sa kliyan sinyen letan i *check-in*. *Undertaking* ki i pou swiv tou bann Lalwa *Public Health* ki dan pei.

Aprè midi nou annan en *meeting* avek *tourism* ankor, i en *join meeting* ant *tourism SCCI*. I pou en *virtual meeting*. E nou pou adres en pe sa bann size bann kliyan ki pa pe respekte bann Lalwa *Public Health*.

Tou Lalwa *Public Health* ki Sesel i aplik pou Seselwa parey i aplik pou viziter. Savedir si en kliyan pe, en viziter pe pase san en *mask* kot i devret pe met en *mask*, Lapolis i annan tou drwa *spot fine* li. I devret pe respekte menm relasyon.

Me selman koman en sitwayen fodre nou fer li nou devwar si nou war en dimoun ki pa pe respekte en regilasyon ki

nou konnen i devret pe respekte, pa ezit-e pou dir li. Fer nou *civic duties* nou osi pou enform li.

As regards to the variant testing, mon krwar Minis ti mansyonnen yer, me selman zis pou rapel ou poudir *sample* in fini ariv *Kemri Lab Nairobi*. Ozordi i ganny apepre 10 zour depi *sample* in ariv laba. Nou ankor pe esper rezilta nou pa konnen konbyen letan zot pou pran pou fer sa. Pou fini fer tou bann tes lo la. Mersi.

MR SPEAKER

Mersi. Wi Onorab ki pwen.

HON EGBERT AGLAE

Yes, en siplemanter. Mon konnen Dokter ki demen ou pou annan ou *press conference*. Mon santi petet ki lanfaz i devret mete lo ranforsi sa bann regilasyon ki'n any mete. Akoz mon santi a en pwen ki petet Lapolis osi in en pti pe slak kot i konsern ranfor.

E mon ti a kontan si dan ou konferans ou ti ava kapab anmenn zot *onboard* ankor parey ou ti fer oparavan.

Pou zot osi ganny sa gidans nesese pou zot kapab enplimant en pti pe pli serye. Akoz la ki nou pou ganny viziter an plis ki pou antre. I enportan

ki sa bann Lalwa ki pe ganny mete i anfors. Mersi.

MR SPEAKER

Mersi. Dokter in note. Byen nou a kontinyen Onorab Monthy.

HON PHILIP MONTHY

Mersi Mr Chair. Bonzour Mr Chair. Bonzour Minis. E bonzour *special* Dr Gedeon, en zanfan Cascade. E mon profite parey lezot koleg in fer Dokter pou remersye ou pou sa louvraz ki ou pe fer. Bokou nou pa ti pou anvi dan ou soulye, aköz mon konnen i en travay dir. Nou konnen zot pa kapab fer mirak aköz sa i en pouvwar ki zis bondye ki ti annan. Donk mon donn zot tou mon sipor.

Premye kestyon. Dan zot *current challenges bullet 5*. Monn vwar ki zot pe ganny difikilte pou atrakte *quality staff*. Me dan zot *strategic facilities 2021/2023* mon pa'n war naryen ki'n ganny mete pou adres sa. Donk eski zot kapab eksplik sa silvouple, kwa ki pou ganny fer probableman pou seye ou anmenn plis *staff* de kalite dan zot servis? Aköz nou konnen lasante i pas avan tou.

Dezyenm kestyon. Ki kantite travayer ki ti lo *URS* ki ti pe travay kot Lasante ki'n ganny anploye lo *full*

employment? Si zot annan statistik.

E finalman i annan en pti konsern ki ler bann *staff* i fini zot peryod karantenn zot retarde ganny sa sertifika ki zot anmenn kot zot anplwaye, pou zot kapab rekomans travay. Eski zot kapab adres sa silvouple? Mersi.

MR SPEAKER

Mersi. *Panel*.

PUBLIC HEALTH COMMISSIONER DR JUDE GEDEON

Mersi Mr Chair. Mersi Onorab. Wi parey mon ti mansyonnen en pe pli boner. Enn bann defi se pou pa zis atrakte *staff* avek *the right skill sets* ek *training*, me osi zot *retention*. Pandan bann lannen ki fek pase nou perdi detrwa *staff* dan *Public Health Lab*, i en landrwa ki ou bezwen, ou bezwen *highly skill training at Masters level*.

Zot vini zot travay en pe letan e *sooner or later* zot ganny atrakte avek bann lezot demann pli atiran. Nou osi vwar sa dan *Public Health Services*. Me ki nou pe fer, i vre ki n ou ti devret petet vwar sa koman en *strategic priorities*, i pa vedir ki nou pa pe fer li.

Nou deza pe donn formasyon pli spesyalize bann

Public Health Officers, bann ki annan *Diploma*. Zot pe fer zot formasyon pou nivo Degre avek en *training program* ant Liniversite Sesel ek Liniversite *Maurice*. Sa in deza komanse.

Nou osi pe *train* bann sanniter adisyonnèl kot *NIHSS*. I annan en *cohort* pe sorti lannen prosen, en nouvo *cohort* in antre. Petet sa moman ki nou ladan la i pa fasil pou nou koz bokou lo *Scheme*, *Scheme* ki pli remineran ki i ete la. Akoz i annan problem finansyel ki nou ladan. Be dan bann prosen lannen avenir nou a kapab get sa en pe pli pros ankor.

Staff certificate, *exit quarantine* oubyen *exit isolation*, ki nou fer nou pran email oubyen *contact detail* sa anlwayer e nou *email* zot kopi. I vre ki nou'n annan en, par ler nou annan en retar 1 zour oubyen 2 zour pou kapab *issue* sa sertifika.

Be ki nou fer plis ki posibil, nou demann sa dimoun email son anlwayer pou nou kapab *email* direktman. Akoz nou pe minimiz lakantite papyè ki bann *fomites* parey ou konnen ki kapab fasilite transmisyon *COVID-19*.

Nou admet ki i annan en retar par ler. E nou fer nou mye pou delivre li *within* 1 zour oubyen 2 zour. Mersi.

MR SPEAKER

Wi Mrs Belle.

DIRECTOR HR DAPHNE BELLE

Mersi Mr Chair. Mersi Onorab. Konsernan *URS participant*, bann ki ti anba *Public Health Authority*, pou *full employment*, nou pe, *Public Health Authority* i pou anploy 2. E 2 *office assistant*, i plito pa *fresh appointment*, me *replacement*.

Ki 2 *office assistant* ti'n ale, in *resign*. E nou'n ganny permisyon par *Department of Public Administration* to replace. E nou pe gard 2 *URS* pou sa 2 pozisyon.

MR SPEAKER

Mersi, wi Minis.

MINISTER PEGGY VIDOT

Pandan letan ki nou ankor pe pas dan sa lepidemi nou'n realize ki nou pou bezwen gard serten bann *URS* ki ti pe travay avek swa *Health Care Agency*, swa avek *Public Health Authority* pou en serten peryod. Ki nou'n met li pou 3 mwan, e apre sa nou ava re evalye.

Pou lemoman mon napa sa sonm avek mwan. Me mon konpran dernyen fwa ki mon ti pe regarde, i ti pou aprosan 96. E sa ti ant tou bann antite dan

Lasante. Me parey mon'n dir sa i pou en peryod 3 mwan.

MR SPEAKER

Mersi. Onorab Lemiel.

HON SYLVANNE LEMIEL

Mersi Mr Chair. Bonzour Minis avek ou delegasyon. Bonzour tou dimoun. Mon osi mon pou profit sa lokazyon pou mon felisit e dir mersi a Dr Gedeon. Nou'n an kontak a plizyer fwa, a plizyer repriz letan in annan serten keksoz e monn kontan avek bann *response* ki mon'n gannyen. Ou'n ede kot ou'n kapab. E nou annan sa bon relasyon travay. Mersi.

En lot remersiman osi pou travayer lasante, *front liners* ki pe kontinyen lizour koman lannwit pou zot kapab ede lit kont *COVID-19*. E la mon kestyon pou vin dan sa laliny.

En group dimoun, e sa se bann *lab technician*. Ki zot pe fer en kantite travay, be selman parfwa ou pa tonm nonm zot. *Ok*. Me zot pe travay san ses lizour ziske aswar. 8er bomaten ziska 2er bomaten lannmen, pou zot kapab prodwir sa bann rezilta pou Dr Gedeon kapab fer sorti son rapor pou donn nou.

E an konversasyon petet ek sa bann dimoun, nou vwar ki zot pe travay anba en kantite stres Minis, zot vreman fatige. E

parey monn dir sa *long hours of work*.

So mon ti pe mazine *Dr Gedeon* dan a laliny konbyen *staff* laboratwar ou annan? E eski Bidze sa lannen pe permet zot pou zot fer rekritman *staff* laboratwar?

Mon konnen zot lab i pti, pti e petet zot pe fer laranzman pou zot rekrite. Me selman ki zot pe fer la pou nou kapab soulaz en pti pe lo kote, apart sa *allowance* ki zot gannyen. Ki bann rekonfor ankor ki zot pe donn sa bann *lab technician* ki pe travay?

Dezyenmman, Dr Gedeon mon ti pou konnen par egzanp i annan bokou dimoun la ozordi, mon annan serten *case* i annan dimoun ki'n al kot dokter, or i annan dimoun ki'n santi lekor pa bon. I kapab zot in ganny *COVID* zot, me selman zot ti napa okenn sentonm. Ler zot in al lopital apre kekfwa i kapab dekouver.

Eski zot pe fer bann *serology test* lo en bon pe or mazorite dimoun ki vin avek kekfwa ozordi mon'n ganny en lafyev. Me eski bann tes pe ganny fer lo mwan pou gete si mon pa ti'n deza ganny *COVID*?

E si wi, ki kantite ka petet zot in kapab dekouver ozordi ki sa bann dimoun in ganny

COVID, in byen in fini, i pa'n ganny okenn sentonm? Mersi.

MR SPEAKER

Mersi Onorab. Dr Gedeon.

PUBLIC HEALTH COMMISSIONER DR JUDE GEDEON

Mersi Mr Chair. Mersi Onorab Lemiel. Nou vreman rekonnet ki sa bann travayer dan *Public Health Lab* zot travay anba en kantite presyon. E mwan personnelman mon annan en gran lapresyasyon a ... avek zot, pa zis zot zefor me zot nivo ekspertiz ek konpetans.

Zot annan en nivo en nivo rezilyans osi tou. Akoz dan laboratwar *Public Health* nou napa zis teknisyen, nou annan *technologist* osi tou. I annan dimoun ki annan menm Doktora dan *lab technology*.

Toutfwa nou pe get well-being nou bann *staff*, e par ler ou rod fason pou *compensate* zot plis ki posibilite otan ki mwayen i permet. Be ki nou pe fer nou pe rod lot fason pou tir en pe sa bann *stress* lo zot parey ou'n mansyonnen.

Enn, nou pe ankouraz bann laboratwar prive pou devlope pou pran plis sa bann, pou kapab fer *test*. An se moman i annan en fasilite prive ki'n *full-fledged*, i pe fer *test*

PCR. Nou annan plizyer lezot ki enterese pou anmenn lekipman parey Dr Jivan i enterese pou fer *test PCR*.

Nou annan en lot laboratwar *Ortus Lab* ki deza e fer bann *trial* avek bann sample ki nou'n donn li pou validate son bann *test*.

E si tou i mars byen sa menm sa semenn ou pli boner semenn prosenn, tar semenn prosenn i a kapab komans *run test as well*. So tou sa se pou tir en pe presyon lo nou *Public Health Lab*.

I osi annan demars pou etablir en lot laboratwar ki pou kapab fer tes *PCR*, sa i en petet Minis i a kapab don plis detay lo la. E nou panse ki letan tou sa bann servis i ava'n kapab devlope, pou annan mwens presyon lo nou *Public Health Lab*.

Akoz la ki i annan plis viziter ki pe antre, i pou bezwen sa *PCR test*, sa pozisyon pou monte.

An term *serology test*, nou'n annan en, deza en protokol ki'n ganny drafte pou fer en *survey*, en *seroprevalence survey* pou gete ki kantite popilasyon ki'n deza ganny swa enfekte, oubyen ekspoze. Setadir swa an traver vaksen, swa an traver lenfeksyon in devlop e iminite.

E sa son *Protocol* in deza pare, pe ganny submit avek *Ethics Committee*. E bann agent pou fer sa tes in deza fini ganny prokire, anmennen. E nou pou kapab dir kot n ou ete an term iminite aktyel dan kominote.

Bann *antibody test* ki osi get nivo si ou'n deza ganny enfekte avan. Sa i ganny fer kouraman. E i ed nou pou deside ki staz lenfeksyon sa dimoun i ete.

Par egzanp en dimoun ki annan *IGM* ki en *early response* anti body nou konnen ki son lenfeksyon i resan. Me si i napa *IGM*, i annan zis *IGG* ki en *late response antibody* nou konnen son lenfeksyon son lenfeksyon i en pe pli avan.

Ennler se pou sa rezon dimoun i demann nou, 'be akoz sa enn ou'n desarz li apre 4 zour 5 zour, e sa, lot ou pe kit li pou 10 zour, 12 zour'? Be nou annan sa bann lenformasyon adisyonnèl baze lo tes ki nou'n fer ki permet nou kapab fer sa bann desizyon klinik lo sa pasyan.

Mon krwar mon ava aret la. En sel kekyon mon pa'n kapab reponn se, mon pa le donn ou *the wrong figure*. Mrs Belle i kapab dir ou egzaktèman konbyen staff laboratwar i annan.

MR SPEAKER

Wi Mrs Belle. Ou annan?

DIRECTOR HR DAPHNE BELLE

Mersi Mr Chair. Onorab nou annan 17 dimoun dan laboratwar, *Public Health Lab*. 17 wi.

MR SPEAKER

Mersi. Nou a, wi Minis.

MINISTER PEGGY VIDOT

Wi, en lot demars ki nu pe fer. se parey ou'n dir Onorab servis laboratwar teste dan nou stratezi pou nou kapab anmenn en pli bon response pou *COVID*, teste i kle.

En demars ki nou pe fer se regarde si nou kapab, diskisyon in ganny fer deza. E nou annan en diskisyon ki pe ale avek *UAE* pou zot ed nou setup en lot laboratwar.

I annan plas kot deza *Public Health Authority* i annan serten travay zot pe fer dan kote lo Grand Anse, e i en posibilite i en landrwa kot nou kapab remet en pe lekipman pou fer en lot lab.

At the moment nou en pti pe si ou le annan en kontrent travayer ki pou fer. Menm si nou ganny plis lekipman, e sa osi nou pe regard ladan. Pou

regarde ki, mannyer nou kapab fer li.

E dek ki sa i ava marse nou a kapab vremen agrandi nou laboratwar e donn en pe, fer kapab fer bokou plis tes e ed nou bann travayer ki parey ou dir travay *long hours*.

MR SPEAKER

Mersi. Wi pwen.

HON SYLVANNE LEMIEL

Mersi Mr Chair. Minis avek Dr Gedeon, dan menm laliny zot annan bann dimoun ki ti deza bann travayer laboratwar ki pe ed zot aktyelman. Me selman sa bann dimoun petet zot ede zis ek *labeling*.

Zot pa pe kapab fer tes li menm, petet aköz *license*, i annan ki napa sa *license*. Eski zot pe mazin al dan sa laliny osi ankouraz sa bann dimoun ganny zot *license* ki kapab ed zot plis dan fer tes ki kekfwa keksoz i kapab *speed up*? Mersi.

MR SPEAKER

Mersi. Wi *panel*. Nou a sey pran sa vitman.

MINISTER PEGGY VIDOT

Onorab nou annan kekfwa ki'n travay dan laboratwar ki *technologist* ki zot kapab vin ed nou. Nou'n apros tou dimoun

ki nou konnen i annan sa spesyalite. E i annan ki'n kapab vini, i annan ki pe dir nou zot pa pe kapab fer li an se moman.

E nou rasir zot poudir nenport kwa ki nou kapab fer pou nou *speed up*, si zot bezwen vin re travay, re ed zot avek zot *license*, nou fer li. Mersi.

MR SPEAKER

Mersi. Onorab Labrosse.

HON RICHARD LABROSSE

Mersi Mr Chairman. Bonzour Minis ek ou *panel*. Bonzour spesyal pou mon 2 dimoun Plaisance lo *panel*, Minis ou menm ek Mrs Belle. E dimoun sorti Plaisance. E bonzour spesyal ou tou dimoun ki a lekout espesyalman ankore nou bann zabitan dan Plaisance.

Minis mon annan en kestyon sorti kot en zenn dan mon distrik. An se moman in fer son letid kot sant Lekol Lasante e parey ou konnen bann dimoun Plaisance zot vremen *succeed* dan lentelizans. In sorti koman meyer etidyan laba. E an se moman i ti sipoze ganny en labours avek *ANHRD* pou al fe son letid avanse deor.

Me an se moman in ganny enformen ki, dapre li i dir mwan in ganny enformen avek *ANHRD* ki zot, Minister Lasante pa'n

met sa koman en priyorite pou anvoy etidyan deor.

So lo menm laliny la mon ti ava kontan konnen vi ki zot pe rod pou atrakte *staff* pou vin fer sa louvraz. Ki bann *training* avanse ankor apard sa letid ki zot gannyen isi, ki zot gannyen pou zot *succeed* dan zot louvraz?

Aprè isi Minis, mon ti a kontan osi konnen konmsi lo en baz promosyon pou sa louvraz. Dokter in eksplik en pti gin taler. Konmsi lo en baz promosyon en pti pe pli agresiv pou ankouraz dimoun pou swazir sa domenn. Konmsi lo ki zot pe ale pou dan le fitir? Mersi.

MR SPEAKER

Mersi. Wi Minis.

MINISTER PEGGY VIDOT

Mersi Onorab pou ou kestyon. Yer Mrs Lucas ti eksplike poudir zot annan en program en pe pou *marketing* diferan program ki zot ofer *NIHSS*. Ki zot pe fer e ki zot pe travay lo la.

PS Valentin ti osi eksplike poudir dan Minister Lasante ki responsab pou devlopman kad dan Resours Imen pou Lasante, zot pe fer en bon pe pou al dan bann lekol pou diskit bann diferan karyer dan lasante. E ki

zot pou kontinyen entansifye sa.

E mon krwar sa lannen lefe ki le 7 Avril in ganny dedye koman zournen travayer lasante, sa osi pou en keksoz ki pou fer dimoun vwar plis travay ki i annan dan Sekter Lasante.

So pou sa mon panse ki sa lannen nou pou met en bon pe lanfaz, e pou bann dimoun kekfwa ki zot grad pa ed zot pou antre direk dan bann program Diplonm parey nou'n eksplike nou annan sa program *Access* ki'n sa lannen in byen ganny pran par bann etidyan. In annan 55 ki'n antre. So sa nou kapab asir ou.

Lo sa kandida ki ou'n koz lo la, sa *best student* ki ou dir, mon pa aware son *case*, me selman mon ava ogard ladan e nou ava vwar koman i kapab ganny asiste. Mersi.

MR SPEAKER

Mersi. Onorab Pillay.

HON SEBASTIEN PILLAY

Mersi Mr Chairman. Bonn apre midi tou dimoun. Mr Chairman nou pe diskit en bidze ekstrememan enportan. E i enportan ki nou kapab regard dan tou bann eleman sa Bidze e konsider tou bann keksoz ki relevan.

Me i enportan osi Mr Chairman pou nou, pou nou koman en Lasanble, e sa i tris pou nou vwar sa kot Manm Lasanble i sey servi bann zofisyè ki vin devan pou *mislead* piblik lo sa ki'n ganny dir par serten endividi.

E mon dir sa Mr Chairman akoz mon regard *Standing Order* napa landrwa ki demande ki ou kapab demann kestyon lo sa ki. Lo Polisi lopoziyon, si lopoziyon i dan en pozisyon. Pa vin demann Minis sa, son bann zofisyè sa. *Standing Order* pa donn ou loportinite pou fer sa.

Me selman i trakasan pou vwar sa akoz i parey pou dir zot tou zot in get *Tête a Tête* Dr Herminie, *Leader United Seychelles*. Mon kontan zot in gete. Mon ankouraz Dokter pou fer ankore bann *Tête a Tête* akoz i paret ki i annan en pli gran lodyans ki petet i ti ava espekte.

E ler Dokter in koze, i pa'n koz lo fatality rate, in koz lo *infection rate*. E petet Dr Gedeon mon pa le drag ou dan politik, so mon pe sey tir ou ladan. Sey eksplik Lasanble diferans ant *infection rate* avek *fatality rate*?

Koumsa nou ava konpran kwa ki en dokter ti pe koze. Mwan mon pa en dokter. i paret

lo lot kote latab osi i annan dimoun ki pa dokter ki'n sey antre dan sa konversasyon.

E Dr Gedeon i ava klarifye diferans ant le de. Pou ki nou pa *mislead* dimoun e *misrepresent* sa ki'n ganny dir par en dimoun an deor.

Menm si *Standing Orders* pa permet nou, Mr Speaker avek son grander lespri, in *allow* sa bann kestyon pou ed piblik ganny plis lenformasyon. E i enportan ki Dokter i ganny sans klarifye sa. Sa i mon premye kestyon.

Mon dezyenm kestyon Mr Chairman, i an relasyon avek sa size vaksen. Mon kwir ankore enn fwa i troublan, i trakasan, i menm dezapwentan pou nou fer *vaccine shaming* vin en size devan Lasanble.

Akoz si nou komans montre ledwa i annan plizyer dimoun ki pa pe pran vaksen. Annou pa komans montre ledwa akoz nou pa pou kontan kot ledwa i ganny montre la lot kote latab la. *Ok?*

I pa dan nou lentansyon pou *vaccine shame* person. Nou bezwen ankouraz tou dimoun ki kapab pran vaksen, pran vaksen. Pa vin montre ledwa lo dimoun. Tou dimoun pe eksprim zot lekor. E sa ki nou bezwen fer, bann ki'n pran

vaksen. Ankouraz tou dimoun pou pran.

Mwan koman en form lankourazman mon ti al pran mon vaksen kot Sant Vaksinyasyon Beau Vallon. E mon krwar bann *staff* ti kontan war mon vin pran mon vaksen.

In ankouraz lezot dimoun mon krwar ler zot in war mon vini koman en dimoun dan lasosyete ki annan en pozisyon. Mon'n vin parmi zot, mon'n asiz parmi zot, monn esper avek zot. Mon'n pran menm letan avek zot, menm landrwa. So i ankouraz sa bann dimoun.

Ti napa rido, ti napa deryer rido, deryer rido. E mon kontan mon'n ganny sa loportinite pou mwan montre poudir an se ki konsern vaksen nou ansanm ladan. Napa zot, napa nou, i annan Lasanble. *Ok* so pa sey montre ledwa aköz zot pa pou kontan. Sa i enportan ki nou met ater. Mersi Mr Chairmen lo sa pwen.

Mon trwazyenm pwen Mr Chairman, aköz pou mwan i en pe tris ankor enn fwa pou mon dir sa. E la mon *go back to* lannen pase.

Lannen pase i annan zot lo lot kote latab ti menm anmenn mosyon lo sa ki Dr Gedeon ti pe fer an relasyon avek *Management COVID*, napa ki zot pa ti dir, aköz zot, zot ti

bezwen anmenn Mosyon siporte par, Mosyon ti ganny anmenn par Onorab William atraver ou Mr Chairman. Siporte par Onorab Georges.

Akoz zot, zot ti pou vin fer mane sityasyon pli byen. Nou, nou pa pe anmenn Mosyon nou. Nou pe demann bann kestyon, klarifikasyon. Nou pe anmenn bann kritik konstruktif. Sa ki nou pe fer.

Akoz nou konnen poudir sa i ganny *best* mete dan lanmen dimoun ki pli kalifye pou fer li.

Ozordi zot tou zot pe, e mon bezwen dir. Ozordi zot tou zot pe sorti pe felisit Dr Gedeon. Be lan pase kot zot ti ete ou felisit li.

(laughter)

MR SPEAKER

Ok. Ale.

HON SEBASTIEN PILLAY

Mon sa ki mon kapab dir Minister i se ki wi ou'n ganny en Minister dan en letan difisil, e i pou en latas difisil pou ou. E mon swet ou kouraz koman en endividi pou ou fer tou sa ki ou'n kapab. E Dokter byensir nou sipor pou ou i *unwavering*.

No matter ki mannyer sityasyon pou evolye, nou pou bezwen siport ou e lekip ki lo

frontline akoz zot ki protez nou. E nou pa pou swazir kan pou fer li. Nou pou fer li toultan.

E so mon dernyen kestyon lo sa size Mr Chairman. Se mon ti demann bann lenformasyon lo bann *allowances* ki bann diferan *staff* pe gannnen. Mon pou repet ankor menm kestyon Minister pou mon kapab ganny sa bann lenformasyon.

Akoz mon pa kontan dir keksoz ki dimoun i anvoy mwan san ki mo annan levidans dan sa ki zot pe demann mwan.

I annan dimoun pe dir mwan zot pa pe ganny *allowance*, mon pa konnen akoz bann lenformasyon ki mon pe gannnen mon pa sir.

So ler mon a ganny sa bann lenformasyon mon a kapab anmenn bann *query* ki pli direk baze lo levidans ki zot ava *provide* avek mwan. Mersi Mr Chairman.

MR SPEAKER

Mersi. *Panel* ti a kontan adres bann pwen? Wi Minis.

MINISTER PEGGY VIDOT

Nou ava fer ou ganny lenformasyon lo *allowances* dek ki sa i pare. *Staff* pe travay lo la an se moman. E dek ki nou gannnen nou pou fer zot ganny sa. E mon a demann Komisyoner pou pran lezot.

MR SPEAKER

Dr Gedeon wi.

PUBLIC HEALTH COMMISSIONER DR JUDE GEDEON

Mersi *Minister*. Mersi Mr Chair. Mersi Onorab Pillay. Wi *infection rate*, letan ou koz rate savedir ou bezwen annan pou fer avek letan.

So *and* ou bezwen annan sa ki nou apel en *numerator* anler en *denominator* anba. E *population infection rate* son *denominator* ou bezwen son *total population*. Savedir dan sa ka i sa 4 mil ekek ki nou annan *divide by* son popilasyon. Se sa son *infection rate*.

Be selman ou bezwen get son letan, dirasyon letan ki sa bann lenfeksyon in arive. I vre ki letan ou get statistik dan bann pti pei e ou konpar li avek bann pli gran pei, ou pou ganny, ou pou kapab enterpret li dan menm fason.

Ou pa kapab konpar, dimoun i kontan konpar mang, zoranz avek ponm. Me selman nou dinamik i diferan avek en gran pei.

Nou pa kapab dir poudir ki lenfeksyon Sesel i bokou pli worse ki dan lezot pei zis akoz nou *population infection rate* i pli o. Nou bezwen get lezot

keksoz osi. Annou koz plis lo bann keksoz pozitiv osi. Sesel i premye dan lemonn *as regards to vaccination*. Pou premye doz vaksen nou menm par devan *Israel*. Nou 65 poursan, *Israel* i ankor 60poursan. Sa i en *achievement*.

So mon krwar ou konpran. I vre ki letan ou konpar li par popilasyon i paret bokou. Be letan ou konpar li par, ou met li an konteks i pa paret pli move ki bann lezot pei.

En lot keksoz ou bezwen gete ler ou koz *infection rate*, ou bezwen get ou *testing strategy*. Nou *testing strategy* Sesel nou'n teste bann *contact*, nou teste bann dimoun ki an karantenn. Nou teste bann dimoun ki pe *exit*.

So nou lasenn pou kapte *cases* i bokou pli gran ki bann pei par egzanp i teste zis bann ki sentomatik.

I annan plen pei, mon pe koz ou pei ki annan plis resours ki nou, pli devlope. Son bann tes letan ou gete zot *testing strategy* pe teste zis bann admisyon. Zot pe teste zis bann ki annan sentonm. Be tandis ki nou lefe ki nou *testing strategy* i bokou pli larz, nou eksepte *capture* plis *cases*.

Dimoun i kontan pran *Tanzania* konman en legzanp. *Tanzania* i zero lo statistik. I

pa'n raport naryen. I pa vedit ki napa problemn laba. I annan plizyer lezot pei ankor kot zot rapor i pa dapre standar ki *WHO* i rekomande.

E i pa vedit ki problemn i bokou pli bon laba, i *mean* sityasyon i bokou pli bon dan sa bann landrwa. So vwala mon krwar mon ava aret la. Mersi Mr Speaker.

MR SPEAKER

Onorab Pillay nou a sey terminen pou nou kapab fini.

HON SEBASTIEN PILLAY

Mersi Mr Chairman. Mr Chairman sa ki kler i se ki si ou enterpret *infection rate* matematikman parey ou pe dir, pirman matematikman. Sa ki *United Seychelles* ti pe dir se ki wi i pou donn, e ou'n admet poudir i pou donn lenpresyon, lenterpretasyon i se ki i annan en o *rate* lenfeksyon. Se sa ki i pe ganny dir.

I pa'n ganny pran *out of context*. In ganny pran from sa perspektiv. E dan sa konteks napa naryen ki mal, aköz nou pe baz sa lo levidans e statistik ki la. Me ou ou'n entrodwir bann lezot eleman ladan.

E swit nou devret kontan, nou devret apresye ki nou premye lo vaksinasyon e i enportan ki nou kontinyen

bouz pli devan avek vaksinasyon.

Si nou kapab *increase vaccination centers* nou fer li. Si nou kapab *increase* lakantite letan ki nou pe donn vaksen nou fer li. Nou fer bann dimoun ki nou pe donn vaksen en pe pli konfortab, nou fer li. Akoz *the more people to get vaccinated the faster we achieve herd immunity*, e dan *faster* ki nou lavi i retourn normal.

Akoz nou tou nou anvi sa. Akoz nou tou nou fanmir i depan lo sa lekonomi dan sa pei ki nou pe viv ladan. Napa person ki pou debout *or* ki pou reziste sa. So sa lo sa kote *Dr* ou annan tou mon sipor.

Me i annan en keksoz ki ou'n dir ki mon bezwen demann ou akoz sa i en konsern ki'n souleve. So si nou pe koz lo size vaksen. E sa bann vaksen zot efikasite. I annan dimoun ki pran *Sinopharm*, i annan dimoun ki'n pran *Covishield*. E *Covishield* in ganny raporte ki menm son premye doz i donn ou serten nivo proteksyon.

Me *Sinopharm* menm si ou'n pran 2 doz, i riske annan posibilite, i riske mon pa le *mislead* dimoun, ou ava korize Dokter ti ava bon nou kapab ganny sa lenformasyon. I riske ki dimoun i bezwen pran en lot

doz. Akoz i *sort of* desann e ou bezwen en *boost*.

So eski nou e prevwar sa evantyalite? E pou bann dimoun ki pa ankor pran swa premye doz, swa ki reste pou pran dezyenm doz. Mon ankouraz zot ale al pran o pli vit posibil, pou ki zot *immunity* i ava *at the highest* pandan letan ki nou'n ouver pei, pou protez zot. E eski zot in prevwar sa?

E eski *budgetary wise* nou'n met en *contingency* pou si nou bezwen fer sa dan en fason *emergency* nou kapab fer li o pli vit posibil pou nou kapab dil ek sa sityasyon?

And then Dokter, en dernyen pwen ki mon annan Mr Speaker. Mersi pou ou lendilzans. Eski ou satisfè avek lafason ki nou pe raport lo bann dimoun ki'n geri avek *COVID*?

Akoz nou'n met en kantite lanfaz lo bann dimoun ki'n mor ek *COVID* nou pa koz lo bann dimoun ki'n geri. E eski ou satisfè avek sa, e eski ou satisfè osi lo lot kote avek raportaz ki nou fer lo bann dimoun ki'n mor ek *COVID*?

Akoz i annan par egzanp en alegasyon la ki *weekend* in annan 4 dimoun ki'n mor, me nou'n raport lo zis 2. Mersi Mr Chairman.

MR SPEAKER

Mersi. Dr Gedeon ale. Dr Gedeon ou ava adres sa bann pwen en pe vitman silvouple.

PUBLIC HEALTH
COMMISSIONER DR JUDE
GEDEON

Mersi Mr Chair. mersi Mr Pillay. Mon vreman admir ou pasyon avek vaksinasyon e mon kontan tou sipor ki ou pe donn nou koman en Leader kle dan pei. I vre ki i annan en resers ki pe ganny fer lo *Sinopharm, UAE* pe gete si, sa i en *study*. Pe gete si letan ou'n donn en trwazyenm doz oubyen en *booster*, si i ogmant iminite parmi bann ki'n pa'n devlop ase iminite apre zot dezyenm doz.

Me sa i pa vedir ki sa dezyenm doz ki ou'n pran pa protez ou kont maladi kritik e maladi sever. Sa in deza etabli sa, i en fe ki tou bann kandida vaksen ki *available* ki pe ganny servi pou *emergency use*. I donn ou sa proteksyon kont *critical illness* ek *severe illness*.

Sa trwazyenm *booster* i pou plito gete si i pou *extend duration* ou iminite. E si i pou fer ou bann nivo *antibodies* dan ou'n sirkilasyon. I larealite lasyans, lasyans i dinamik e sirtou en vaksen ki'n vin an sirkilasyon, a en moman kot i annan en pandemi. Ou espekte bann *guidelines* de tanzaot

parey nou'n vwar pou *AstraZeneca* in annan bokou *controversy* otour li.

E si lasyans pa ti annan sa fleksibilite pou zot kapab aziste zot bann gidans, i vedir ki in arete vin lasyans. Lasyans i en keksoz ki evolye toultan.

Whether si nou'n met Bidze akote pou nou aste vaksen si nou bezwen donn *booster*. Provizyon pou ganny fer, nou annan bann diferan opsyon pou nou kapab ganny *access* avek vaksen adisyonnèl si i bezwen. Mon krwar i annan.

Wi Dr Louange ti eksplike yer poudir i annan, i pa toultan ki ou kapab raport ka lanmor deswit koman i arive. Be selman wi in annan en *death* yer ki'n arive kot Lopital e i pa en Seselwa.

Me sa pe ganny, rapor pe ganny *compile* e nou ava kapab *release* sa lenformasyon petet pli tar lazournen nou a donn plis detay. Mersi.

MR SPEAKER

Mersi. Onorab Georges.

HON BERNARD GEORGES

Mersi Mr Chair. Bonzour Minis. Bonzour *Dr Gedeon*. Bonzour *panel*. Mr Chair mon annan 2 pti kestyon tre senp. Premyerman, *Dr Gedeon* eski ou kapab dir nou, dan la mezir

ki ou kapab a sa to vaksinasyon ki nou pe fer la konmela, apepre kan ou estimen.

E mon konnen i kekfw pa fasil, me apepre kan ki ou estimen ki nou pou ariv a nou destinasyon? *Whether* i 70 pousan, *whether* i 100 pousan. Sa enn ki dan zot lespri zot annan koman en target.

E dezyenmman, mon ti a kontan sorti en pti pe lo *COVID* e retourn lo ou pli gran vole travay. E demann ou si pandan ki *focus* in lo *COVID*, si nou'n osi kontinyen pran ka avek bann lezot problem lasante piblik, parey leptospiroz, parey *dengue*.

Bann keksoz koumsa? E si i annan, malgre *COVID* si i annan sifizaman larzan dan Bidze pou kontinyen avek ban program kont bann lezot problem relye avek Lasante Piblik? Mersi Mr Chair.

MR SPEAKER

Mersi Onorab.

PUBLIC HEALTH COMMISSIONER DR JUDE GEDEON

Mersi Mr Chair. Mersi Onorab. Baze lo nou prozeksyon si nou kontinyen avek sa rate vaksinasyon ki nou pe fer la. An se moman nou 65 pousan *total*

population in ganny premye doz. *At least* en doz. E ofet *91 percent*. *Yes*.

Prezan pou dimoun ki'n ganny premye ek dezyenm doz in ariv 38 pousan. 38 pousan *of the total population*. Me selman si nou get *the target population of 70 thousand* ki popilasyon adilt, nou 53 pousan.

Nou konnen ki apre premye doz tou sa bann vaksen, *once* in pas apepre 3, 4 semenn i deza annan serten nivo iminite. En serten nivo proteksyon ki ou deza pe gannyen. Sa dezyenm doz i ogmant ou iminite e ogmant dirasyon sa iminite.

E kan ki nou pou *achieve* nou target i osi depan lo response dimoun. Nou konnen ki i annan dimoun ki'n pran premye doz *Covishield* ki i annan serten kestyon ki ankor pe demande si zot pou al pou dezyenm doz. Be i neser si ou pa pran dezyenm doz ou proteksyon i parsyel, enn.

Dezyenmman i annan dimoun ki pa ankor ni vin pran premye doz. Sa osi i pou afekte nou sans pou nou *achieve* nou *target on time*. Me si tou i mars byen nou espekte pandan mwan Avril nou pou kapab *achieve* nou *maximum level of protection* ki posib dan pei.

An se ki konsern lezot louvraz *Public Health* sa in kontinyen pandan lannen. I vre ki nou'n bezwen *redeploy* en kantite nou bann resours pou fer lezot louvraz relye avek *COVID*. Me selman i annan bann lezot louvraz ki nou pa'n kapab aret fer.

Nou pa'n kapab *slow down* lo la par egzanp teste delo, fer bann lenspeksyon kot bann letablisman touristik, kot bann letablisman ki fer *manufacturing* manze. Sa nou'n bezwen kontinyen fer.

Nou'n bezwen kontinyen fer tes laboratwar ou lezot keksoz apard ki *COVID*. Bann lenspeksyon pou bann konplent ki dimoun i fer lazoutaz pou bann *Public Health nuisance*, sa nou'n bezwen kontinyen fer.

An operasyon *targeted spraying* pou *dengue* nou'n bezwen kontinyen fer. E plizyer lezot ankor, nou annan statistik pou montre ki sa bann louvraz pa'n arete. Mersi.

MR SPEAKER

Mersi Dokter lo sa bann mo ankourazan. Prezan nou ava kapab pran vot lo Bidze pou *Public Health Authority* ki lo paz 406 ziskan 410. Pou en total R60 milyon 702 mil. Manm ki an fever lev lanmen silvouple?

Mersi tou Manm in vote. Bidze pou *Public Health Authority* lo paz 406 ziskan 410. Pou en total R60 milyon 702 mil. In ganny 33 vot pour, 0 vot kont, e 0 abstansyon. Alor mon deklare ki Lasanble in aprouv sa Bidze.

Mon a dir bann Manm e zofisye mersi bokou pou zot partisipasyon. E mon konnen nou pou kontinyen annan prezans Minis pou serten *item* apre sa. Me mersi Dokter Gedeon e lezot zofisye.

Mon war *LGB* in prezan. Donk *LGB* nou a program pou *Bill Second Reading* pou apre midi 2er. E Clerk i a notifie lezot antite ki nou pou pran lo *Appropriation Bill* ler apropiye.

Avek sa nou ava pran poz. E nou ava rezwenn 2er. Mersi.

(BREAK)

MR SPEAKER

Bonn apre midi tou Manm. Bonn apre midi tou oditer, spektater. Nou pou pran *Second Reading Proceeds of Crime (Civil Confiscation) (Amendment) Bill, 2021*. E nou komans par demann *Leader of Government Business* pou anmenn Mosyon. Nou bezwen premye pas dan Staz Lasanble akoz nou tik dan Staz Komite. *Sergeant please.*

E enstan. E mon demann *Leader of Government Business* pou anmenn Mosyon pou *waive seven days requirement*.

HON BERNARD GEORGES

Mersi Mr Speaker. Bonn apre midi tou bann Manm e tou dimoun ki pe swiv nou. Mr Speaker avan ki nou fer sa avek ou permisyon mon *move* anba *Order 97* ki nou *suspend* bann *Standing Orders*, pou permet nou pran en *Bill* malgre ki nou deza pe pran en lot *Bill* e ki nou'n ariv dan Staz Komite.

Pou nou kapab fer sa nou bezwen sispann bann *Standing Orders* pou permet nou kapab fer sa *leapfrog*. Donk mon premye Mosyon se anba *Order 97 to suspend the Standing Orders to allow* nou *proceed* avek en dezyenm morso travay e *postpone* sa enn ki nou ladan. Mersi.

MR SPEAKER

Mersi. Mosyon i ganny segonde. Onorab Sandy Arissol.

HON SANDY ARISSOL

Mersi Mr Chair. Mr Speaker. Bonn apre midi tou Manm. Mon segonn Mosyon anmenn par Onorab Georges. Mersi.

MR SPEAKER

Tre byen e nou a vot lo Mosyon. Manm ki an faver lev lanmen silvouple.

Mersi. Okenn ki kont? Madanm Deputy Clerk.

Mosyon pou *suspend Standing Orders* pou permet nou pou pran en lot *item Bill* in ganny 17 vot pour, 0 vot kont, e 7 abstansyon. Alor Mosyon in pase par Lasanble.

At this point eski nou envit Minis ek delegasyon oubyen nou pran *Second Reading*, nou pran Mosyon *to waive Second Reading? LGB*.

HON BERNARD GEORGES

Mersi Mr Speaker. Mr Speaker anba *Order 97 (1)* mon *move* pou sispann *Order 69 (1)* pou permet ki *the Proceeds of Crime (Civil Confiscation) (Amendment) Bill, 2021* i ganny lir en Dezyenm Fwa malgre ki sa peryod 7 zour pa ankor pase depi ki in ganny lir en Premye Fwa. Mersi.

MR SPEAKER

Mersi. Mon a demande ki Mosyon i ganny segonde. Onorab Sandy Arissol.

HON SANDY ARISSOL

Mosyon i ganny segonde Mr Speaker.

MR SPEAKER

Nou a vot lo sa Mosyon. Bann Manm ki an faver lev lanmen silvouple.

Mersi. Okenn Manm ki kont? Madanm Deputy Clerk.

Mosyon pou *suspend seven days' requirement* pou fer *Second Reading*, in ganny 17 vot pour, 0 vot kont e 7 abstansyon. Alors sa Mosyon in aprouve.

Prezan nou ava kapab apel delegasyon.

Bon pou nou pran *Proceeds of Crime (Civil Confiscation) (Amendment) Bill, 2021* nou annan avek nou Minis Errol Fonseka ki *Minister for Internal Affairs*. E Mrs Nissa Thomson, *State Council for the Attorney General's Office*.

Avek sa mon a envit *LGB* pou anmenn Mosyon pou *Second Reading*.

HON BERNARD GEORGES

Mersi Mr Speaker. Mr Speaker, anba *Order 69 (2)* mon *move* ki *the Proceeds of Crime (Civil Confiscation) (Amendment) Bill, 2021* i ganny lir en Dezyenm Fwa. Mersi.

MR SPEAKER

Mon a ganny segonde. Wi Onorab Henrie.

HON GERVAIS HENRIE

Motion for Second Reading seconded Mr Speaker.

MR SPEAKER

Mersi. Mosyon in ganny segonde. Alor avek sa mon ava envit Minis pou prezant *Bill*.

MINISTER ERROL FONSEKA

Mersi Mr Speaker. Mr Speaker, Mr Deputy Speaker, *Leader* Lopozisyon, *Leader* Zafer Gouvernman, manm Lasanble Nasyonal ek tou dimoun a lekout bonn apre midi.

Lasanble pe ganny demande pou konsider e aprouv lamannman ki pe ganny propoze par sa *Prozedlwa Proceeds of Crime (Civil Confiscation) (Amendment) Bill, 2021*.

Mr Speaker, bi prensipal sa *Prozedlwa* se pou permet en zofisyé Lapolis ki annan en ran Lenspekter e ki'n partisip dan en lanket pou kapab fer e fayle en afidavit pou siport en laplikasyon anba *Proceeds of Crime (Civil Confiscation) Act 2008*.

Pou konfiske okenn propriyete ki en dimoun in akerir e benefisyé par komet en lofans serye. Oubyen sa ki nou, nou refer an Angle koman *Proceeds of Crime*.

Mr Speaker, orizinalman *Proceeds of Crimes (Civil*

Confiscation) Act 2008, ti ganny met an viger avek bi pou permet Lakour Siprenm pou fer lord dan bann ka sivil.

Pou prezerv e dan bann lenstans ki i apropiye dis poz bann propriyete ki dan posesyon oubyen ki anba kontrol serten endividi an rezilta bann krim ki'n ganny komet.

A sa letan sete *Financial Intelligent Unit* oubyen *FIU* ki ti kapab fer sa bann tel aplikasyon anba seksyon 3, 4, 5 sa Lalwa.

Byensir sa bann tel aplikasyon ti bezwen ganny siporte par affidavit. Oubyen en deklarasyon sou serman ki ganny fer a fayle par en zofisyè ki ti annan tit *Asset Agent*.

Mr Speaker, nou a rapel ki *Proceeds of Crime (Civil Confiscation) (Amendment) 2008* ti ganny amande an 2017. An rezilta sa lamannman, Lalwa ti permet ki en zofisyè Lapolis ki annan ran par lao ran Lenspekter, i kapab fer e fayle en affidavit pou siport bann aplikasyon ki kapab ganny fer anba sa Lalwa ki i ankor le ka ozordi.

Alors Lasanble Nasyonal pe ganny demande pou aprouv sa lamannman pou sa bann rezon swivan. Premyerman, nou ava rapel ki depi 2017

Financial Crime Investigation Unit, oubyen *FCIU* dan lafors Lapolis Sesel i annan manda pou fer lanket dan bann ka ki annan pou fer avek *Proceeds of Crime*.

E deplis i enportan pou note ki Lalwa blansisaz larzan e kont finansman teoriz 2020 i osi rekonnèt pou vwar *FCIU* pou fer lanket. An se ki konsern lofans blansisaz larzan.

Dezyenman, depi ki *FCIU* in ganny manda anba *POCA* son bann zofisyè avek ran pli ba ki asistan sirentandan, in aktivman partisip dan bann diferan lanket an relasyon avek *Proceeds of Crime* dan plizyer fason. Kot zot i ganny bokou leksperyans menm si Lalwa i restrikte zot pou fer e fayle en affidavit pou siport en aplikasyon pou konfiskasyon propriyete oubyen larzan.

Mr Speaker, en lot *face* ki konsernan se ki zofisyè ki annan ran par lao Lenspekter dan *FCIU* i limite. Me parkont bann ka ki bezwen ganny ankete e finalman ganny anmennen Ankour, pe ogmante konsiderableman.

Sa i akòz ki sa ladministrasyon pe pran *Proceeds of Crimes* seryezman. E pou fer sir ki bann dimoun ki komet krim parey bann trafikèr drog, pa zwir son benefis. Alor

avek sa sityasyon ki nou pe fer fas avek, nou bezwen fer provizyon lezislatif ki a per met nou bann zofisye ki lo ran Lenspekter, pou kapab deservi sa responsabilite lo en nivo maksimonm e dan en fason pli efektiv.

An menm tan i tre enportan pou asire ki pei i kontinyen avek son lager kont krim e anpes bann ki benefisye pou zwir sa benefis.

Mr Speaker, mon remerisi ou, tou bann Manm Lasanble osi. Tou bann dimoun a lekout pou zot latansyon. Mon ava prezan prezant, annan plezir pou prezant *Proceeds of Crime (Civil Confiscation) (Amendment) Bill, 2021* pou deliberasyon e laprouvasyon Lasanble. Mersi Mr Speaker.

MR SPEAKER

Mersi Minis. Nou ava ouver lasal pou deba par bann Manm. Onorab Hoareau ou a komanse.

HON JOHN HOAREAU

Mersi Mr Speaker. Bonn apre midi Mr Speaker. Bonn apre midi Minis avek ou reprezantan sorti *Attorney General's Office*. Sa Bill ki devan nou parey in ganny dekrir i en Bill ki pe sanz, fer en pti sanzman be selman ki annan en gran reperkisyon lo

lafason loperasyon bann lorganizasyon ki dil avek drog. Ki dil avek konfiskasyon bann byen, bann propriyete ki apar tyen a bann trafikan.

Mr Speaker les mon a dir mon felisit sa Gouvernman ki'n pran en komitman e en lalit asarnen kont drog, e kont propriyete bann dimoun ki'n *get involve* dan bann zafer drog, dan bann zafer trafik drog. Ki nou apel zot propriyete bann byen malaki.

Fodre e mon'n deza repet sa oparavan. Fodre ki sa biznes drog i ganny fer *irrelevant*. Vedir ki fodre ki sa bann byen Malaki i ganny sezi e si fodre i ganny vann pou rebran sa larzan. Repatri dan bann provizyon kot pou donn *methadone* oubyen *APDAR* serten soutyen, pou li kapab tret sa bann viktim. Sa ti a fer nou lo sa kote latab vremen plezir.

Mr Speaker, sa bann dimoun parey monn dir ki ban trafikan, e mon deza fer resorti sa dan Lasanble, zot pe *operate* ozordi en *parallel economy* dan sa pei. Zot annan bato, zot annan loto, zot annan lakaz, kont labank, later e lezot propriyete.

E sa biznes parey mon'n deza fer resorti, si nou fer zis en pti kalkil tre senp nou a realize poudir si en droger i pran li en

fix toulezour. I annan 6mil zot ki'n ganny anrezistre koman bann adikt ki bezwen *methadone* ensidswit. So si sa 6 mil zot i pran en *fix* toulezour ki kout zot apepre R300 pou lazournen. E ler ou kont sa dan 365 zour, i fer ou par lao R600 milyon.

So, i vremen annan en gran kantite larzan ki sa bann dimoun pe *operate*. Sa bann dimoun zot annan sa vre risk dan sa pei pou destabiliz nou'n *social and political stability*. Sirtou ler zot *operate* koman en klan dan en distrik kot zot annan lenfliyans lo popilasyon sa distrik.

Dan lezot pei zot in menm kapab annan lenfliyans lo Gouvernman ki ganny elekte. E zot in pran laform sa ki nou apel *narco terrorism*. E sa bann keksoz koumsa Mr Speaker, i bann keksoz ki nou pa oule war arive dan nou pei. E nou'n pran bann desizyon ferm pou fer sir ki sa bann keksoz i ava bann nouvel ki nou tann lo radyo pe arive "*middle in cartel*" oubyen *Sinaloa Mexico*.

Mr Speaker, malgre mon vremen apresye avek sa lalit ki Prezidan Ramkalawan i antre ladan knot sa bann droger, kont sa ban trafikant drog. Me selman mon annan serten rezervasyon lo kote sa

Lamannman ki pe ganny propoze. Ki mon ti a kontan petet Minis ki pe propoz sa *Bill* i donn nou serten leklersisman lo la.

Premyerman, ki lefe sa lamannman pou annan an ski konsern lenplimantasyon sa *Bill*.

Dezyenmman, Mr Speaker, eski nou napa ase Lenspekter pou otoriz warant e pou otoriz lafouy e sezi propriyete an relasyon ek lafouy drog?

Eski si dizon i annan serten zofisye ki pe ale, oubyen serten zofisye ki pe kit lafors. Eski napa en *succession* plan ki pou fer ki nou ranpli sa bann *vacancy* ki par lao Lenspekter?

Mr Speaker lenformasyon ki mon annan, se ki i annan apepre 25 ran zofisye par lao Lenspekter. So mon pe demann mon lekor si sa bann dimoun pe ganny met *full use of* zot pou ki nou enplimant sa Lalwa parey i ete.

Mr Speaker, eski nou pa pe konpromiz standar ki'n ganny mete an relasyon avek sa responsabilite pou *issue* en *warrant*. A mon avi en Lenspekter i en *junior rank* ki pran lord.

Tandis ki *ASP Assistant Superintendent and above*, i ale ziske *COMPOL*. Se bann pli o

grad ki nou apel zot bann *management* oubyen bann *senior ranks*.

E zot asiste *Management Meetings* e osi zot asiste bann *strategic meeting* dan zot lorganizasyon dan Lapolis. Alor, si zot ki'n pe fer bann stratezi, eski nou pe fer *full use of* sa bann ran pli o?

Mr Speaker, avek sa responsabilite pou *issue warrant*, i annan en gro responsabilite. Sa dimoun in bezwen kapab defann son aksyon, oubyen si in ariv okenn problem an rezilta lekzekisyon son *warrant* ki sa *oversight role* oubyen - *bien entendu* - ki ganny mete si ou pe *issue* sa *warrant* Ankour devan en Lakour.

So zot bezwen kapab defann zot aksyon. E Mr Speaker, dan lepase in annan osi bann ka kot bann dimoun ki dan bann *low ranks* kot zot in fer serten lafouy kot dimoun, konfiske serten byen materyel. E sa bann keksoz pa'n zanmen ariv devan Lakour koman egzibit.

I osi annan risk Mr Speaker, ki bann *junior ranks*, mon pa pe dir poudir sa i ariv zis ek *junior ranks*, i kapab ariv ek *senior ranks*. Me selman mon pe dir ki risk i plis pou en dimoun ki ganny mwens larzan

get involve dan bann *practice* ki anmenn sa lorganizasyon into *disrepute*.

Par egzanp ou pran *bribe* oubyen pou zot menm retenir serten levidans, oubyen touf serten keksoz ki ganny anmenn devan oubyen ki zot vwar. Akoz sa lenfliyans larzan zisteman i for e sa bann *ranks* i *low*. Tandis ki bann responsabilite bann larzan ki sa bann dimoun ki dan pli o *ranks* pe ganny peye i fer ki sa risk i mwens lo zot.

Katriyenmman Mr Speaker, mon ti a kontan osi ki *panel* petet i realize poudir en Lalwa ler ou prezant en Lalwa, ki ti'n ganny prezante oparavan e in ganny amande. I en travay akademik ki bann dimoun kot *Attorney General* i fer. E answit i bezwen annan serten konsistans *rather*. Konsistans dan Lalwa.

Si ozordi nou pe fer en standar, demen nou pa kapab lower sa standar pou akomod serten sityasyon. Akoz apre demen si sa sityasyon i vin irelevan, nou bezwen re anmenn ankor sa Lalwa.

Alors so, si i annan en danze vreman. Si i annan en danze pou amann Lalwa pou rezon kosmetik mon krwar i pa devret ganny fer e mon ti a prefere vwar bann Lalwa ki

stand the test of time parey nou dir, ki ganny fer an permanans.

Mr Speaker, an konklizyon mon pou dir ki mon pou ekout byen repons ki Minis i donnen. Mon pou rezerv mon drwa pou mon *abstain* oubyen pou mwan vot pour sa Lalwa, pou mon siport li.

Me selman mon pou ekout rezon ki Minis i donn mwan. Si i satisfere mwan ki sa bann sityasyon ki mon'n met devan. Sa bann konsern i ganny adrese alor mon ava siport son *Bill*. Mersi.

MR SPEAKER

Mersi Onorab. Onorab Pillay.

HON SEBASTIEN PILLAY

Mersi Mr Chairman. Mr Chairman mon pa pou long mon pou tre bref lo sa lamannman. I en lamannman ki *straight forward* e mon krwar si, mon annan en pti pe konfize avek finisyon Onorab avan mwan aköz boner in dir nou pe siport en lager, lalit asarnen kont drog *and then* pou li dir si i pou *abstain* oubyen vot an faver sa Lalwa.

Mon krwar i kler ki problem ki *Internal Affair* se *threshold* ki'n ganny mete lo ran sa zofisye. Ki sipoze fer serten aksyon anba Lalwa, se en ran Sirentandan. E prezan si

Lapolis prezan i ale pou li kre bann Sirentandan, ou pou war bann ran pe ganny donnen. E sa pou kre en problem aköz Lapolis i bezwen annan en striktir entern lo ka en dimoun i ganny akse avek en lot ran.

E ki mannyer sa ran *then* i anmenn sa dimoun pou li kapab pran serten aksyon an relasyon avek en Lalwa.

So mwan pou mon, mon pa war rezon aköz koman en lasanble nou pa devret siport en tel Lalwa. Mon konpran nou kapab annan rezervasyon vizavi serten eleman striktirel i kapab vini. Aköz sa pou fer serten difikilte lo en nivo, lo en pwennvi kapasite.

Minis i bezwen dir Lasanble ki bann prosedir *training* ki pe ganny met an plas pou *empower* bann zofisye Lapolis ki pou bezwen antreprann travay anba sa Lalwa.

Aköz nou konnen i annan en konponan legal enportan an relasyon avek lasezi bann byen dimoun. An relasyon avek konfiskasyon bann byen dimoun.

So i pou enportan ki sa zofisye ki li ki pe lead sa aksyon i konnen ki i pe fer. E nou, nou bezwen met nou konfyans dan sa bann zofisye ki zot kapab delivre lo sa ki sipoze pe fer.

E si nou annan konsern lo zot abilite pou fer sa. Ki Lapolis pe fer, ki Departman zafer etern pe fer? Akoz sa i en kestasyon Polisi Gouvernman. Ki Departman zafer entern pe fer an kolaborasyon avek Lofis *Attorney Zeneral*. Akoz la i enportan akoz Lofis *Attorney Zeneral* ki *act lo behave* Gouvernman an relasyon ek sa bann ka.

Pou zot kre en group zofisyè oubyen annan en kad zofisyè ki *relate* avek sa bann aktivite zisteman lasezi bann byen ki en dimoun in gannyen atraver bann aktivite kriminel parey sa Lalwa in dir *Proceeds of Crime*.

Sa ki mon, mon pe konsernen. Petet mwan ki pa'n war li. Mon pe sey rod sa definisyon *Police Officer* anba Lalwa. Mon krwar petet i ti vin anba en lamannman ki ti entrodwir li, e zot pe amann en lamannman ki ti entrodwir li orizinalman.

Akoz orizinalman nou pa ti'n defini en zofisyè Lapolis. E mon konpran akoz nou ti bezwen anmenn sa definisyon zofisyè Lapolis sa letan. Akoz *FCIU* li menm ki ti pran sa Lalwa anba son responsabilite ti pe ganny *lead* par en etranze ki ti'n vin isi pou *share* son kapasite.

E mon krwar napa okenn dout ki *no matter* kot ou asize, si ou'n asiz lo kote Gouvernman oubyen nou pou asiz lo sa kote, ki si i annan en keksoz ki nou tou nou pou tonm dakor lo la.

Si i annan en pwen konverzans, se ki okenn aksyon ki en Lotorite mandate in kapab anmennen kont okenn aktivite kriminel, kont okenn keksoz ki gannyen sorti dan en aktivite kriminel - si ou Seselwa, si ou kontan ou pei ou bezwen siporte. Sa i kler.

E koman en patriyot, koman en dimoun ki krwar fermeman dan lavenir zenerasyon fitir mon pei. Mon krwar i enportan ki nou'n annan bann kad legal ki permet bann aksyon ganny pran.

Me Minis i enportan ki devan Lasanble, devan piblik ou eksplik nou klerman ki plan Gouvernman i annan lo sa *empowerment*.

Sa ki keksoz pli enportan. Akoz konsern ki pou souleve Minis, se ki si nou pran en legzanp, *FCIU* demen i bezwen pran en aksyon kont en dimoun ki'n ganny war koman in kre, i annan soupson i annan serten aktivite kriminel.

E *FCIU* in anmenn lasezi lo son byen. I annan bann ka, i annan bann *case*. I annan

bann prosedir ki bezwen ganny fer.

Ou bezwen donn nou tout konfidans ki *FCIU* ler pou anmenn sa aksyon, sa aksyon pa pou ganny challenge malgre ki drwa okenn endividi i la anba Lalwa ou *challenge* okenn aksyon okenn Lotorite.

Me sa *challenge* sa dimoun pa ava ganny li lo baz ki en zofisyè pa'n konpetan pou fer son louvraz. Sa i en keksoz ki ou bezwen reasir nou.

In annan bokou konsern lo sa size. Me mon krwar sa ki nou *trust* se ki *FCIU* in devlop sa kapasite. Me ki mon ti a kontan enplor Lepep Seselwa, fodre dan serten domenn koumsa fodre nou pa per kan nou bezwen ganny led avek dimoun ki petet i annan plis leksperyans ki nou dan dil avek sa bann kalite kriminalite.

Akoz i en domenn ase nouvo pou nou. Oparavan sa rol *FCIU* pe fer ti ganny fer par *FIU* dan lepase. Ozordi nou'n detas le de. E so alors i enportan ki nou konnen ki mannyer nou pe met sa lanfaz *training* lo *capacity building* pou bann zofisyè Lapolis.

Me osi atrakte bann kandida, *potential candidate* ki kapab *join SCIU*. Fer li vin pli atraktif pou en zenn ki annan

en kalifikasyon. Ki annan en degre deza.

En *LLB* par egzanp. Mon konnen in en e difisil aköz zot tou zot al dan Lofis *Attorney Zeneral* apre ler zot in byen kalifye zot sorti zot al dan *private practice*.

E sa ki nou bezwen aksepte se ki Lofis *Attorney Zeneral* in vin en *breeding ground* pou lamazorite ozordi. Bann Avoka Seselwa ki pe pratik Lalwa Sesel.

E ki mannyer Lapolis i kapab *caliber* sa, bann dimoun ek sa *caliber* pou vin travay avek zot.

So Mr Chairman mwan mon pou siport sa lamannman. I en keksoz ki, i en zouti ki Lapolis i bezwen pou fer son travay, ki *FCIU* i bezwen. Koman Chairman *FPAC*, *FCIU* i en antite ki nou, nou'n enterakte avek.

I pou en antite ki nou pou bezwen enterakte avek lo nivo son travay. So i pou enportan ki nou kapab donn zot sa sipor ki neser.

Me an ekspliklan bann konsern ki nou pou annan lo sa size. Mersi Mr Chairman.

MR SPEAKER

Mersi Onorab. Onorab Loze.

HON JOHAN LOZE

Mersi Mr Speaker. Bonzour tou dimoun. Mr Speaker *Proceeds of Crime* i enn bann keksoz, bann form kriminalite ki nou pou bezwen aprann dil avek dan en fason tre profesyonnel isi dan nou pei.

Whether ki sa i en *drug dealer* Seselwa, *whether* i en *drug lord* Seselwa ouswa i enn nou zanmi Alman ki'n al vann liranyonm avek Iran ki vin enn nou bon zanmi.

Ouswa i en msye Endyen ki'n form li 3 lakonpanyen apre ki in *defraud the internal revenue office* Lanmerik. E ki nou, nou ti deside amann en Lalwa pou nou pran en pe son larzan. Fer antre dan knot enn nou zanmi.

Nou bezwen dil avek *Proceeds of Crime. It has to be done.* Akoz sa zafer larzan sal byen malaki i *undermine* fabrik en sosyete. I en kanser lo tou *hardworking citizen* dan en sosyete. Letan serten zot devise en *shortcut* pou zot *accrue millions* atraver bann aksyon dezonnèt ki zot fer.

Mr Speaker, mon pran laparol ozordi koman sa enn lo mon kote ki pli *skeptical* sak fwa sa *Bill* i vin dan nou Lasanble. Mon *skeptical* akoz lafason ki *LDS* zot in patouy ladan dan lepase e zot in fer tou sord kalite magouy. E la

personn pa vin dir mwan pa *impute improper motive*, akoz zot *motive* ti *improper*.

MR SPEAKER

Koman mon kapab pa dir ou sa. Mon pa krwar ou kapab....

HON JOHAN LOZE

Mon pa *impute* si ti *improper*. Mon pa pe *impute*.

MR SPEAKER

Wi, be selman fer atansyon si ou dir *LDS* in fer en kantite magouy.

HON JOHAN LOZE

Zot ti fer.

MR SPEAKER

Akoz sa i *improper motive*.

HON JOHAN LOZE

Zot ti fer.

MR SPEAKER

Onorab mon pa kapab aksepté ki ou dir sa.

HON JOHAN LOZE

Then nou ava asiz nou a get lamannman ki zot ti fer 2017. Onorab Henrie, wi mon pe koz lo lamannman ki devan mwan.

MR SPEAKER

Onorab Henrie silvouple. Onorab Loze mon ankor lo sa

pwen mwan. Mon pa aksepte ki ou kapab dir *LDS* in fer en kantite magouy. Ou kapab zis retir sa e kontinyen avek ou leres entervansyon. Mersi.

HON JOHAN LOZE

Mon respe ou pwen koman *Leader LDS*. E mon ava tire sa ki mon'n dir.

MR SPEAKER

Wi. Wi. Mersi wi.

HON JOHAN LOZE

Mr Speaker,

MR SPEAKER

Mon pa pe koz koman *Leader of LDS*, mon pe koz koman Speaker. E mon pe protez en parti ki dan Lasanble kont lakizasyon ki mon krwar pou zot pou bezwen leve defann si pa mwan ki arete. Mersi.

HON JOHAN LOZE

Zot konnen ki zot in fer zot Mr Speaker. Zot pa pou defann naryen zot.

MR SPEAKER

Ale les *Leader* Lopoziyon met son *point of order*.

HON SEBASTIEN PILLAY

Mersi Mr Speaker. Mr Speaker, Onorab Loze eskiz mwan en pti moman. Mon kontan ou'n dir sa

ki ou pe dir la, mon kontan sa. En bon keksoz ki ou'n dir. Lekspektasyon ki mon annan se ki ler en Manm lo lot kote latab ki *next time* apel nou bann voler oubyen dir mon parti i vole. Ou aplik menm mezir, ou aplik menm standar, ou aret sa Manm e ou dir li poudir gete arete fer sa bann komanter akoz lo lot kote ou reponn. Reste lo ou size.

Si ou pou fer sa Mr Chairman mon napa problem akoz sa i ava prosedir ki nou pou swiv dan Lasanble. Mersi.

MR SPEAKER

Mersi Onorab. Mersi. Onorab Loze ou a kontinyen silvouple.

HON JOHAN LOZE

Mersi Mr Speaker. Mr Speaker *in spite of* mon *skepticism*, Minis a sak fwa ou'n anmenn sa bann Lalwa finansyel dan Lasanble mon tir mon sapo avek ou, pou bann lamannman ki ou'n anmennen in toultan *above board*, i net e prop *unlike* serten dimoun ki nou pa pou mansyonnen.

In toultan byen e dan lentere pei. E *I would even go further*. Nou bann ki'n lo *Bills Committee* nou devlop en gran respe pou ou teknisyen ki prezan la obor ou ozordi Minis. Akoz li ki *normally attend* nou

bann sesyon. E i en dimoun ki vremen domin son dosye, e ou kapab vwar lentansyon par deryer.

So si i annan en keksoz ki mon pa pou kapab fer la, se kestyonn lentansyon par deryer sa bann lamannman ki Minis pe anmennen devan nou ozordi. *Off the bat* mon pou dir se ki lentansyon par deryer i bon pou pei e i pe al dan bon direksyon.

Sa ki nou pa asire se si son lenplimantasyon li menm i pou a la oter. Be sa i pou en lot largiman pou en lot ler ki nou pa pou antre ladan la an se moman.

So being the one ki toultan *skeptical*, sak fwa mon war sa morso Lezislasyon vin dan nou Lasanble anmennen par *LDS*.

Mon pou dir klerman ki mon pou siport sa lamannman ki Minis in anmenn devan nou Lasanble ozordi. Akoz mwan mon dan sa Lasanble pou mwan travay pou mon pei. E pou mwan siport mon pep e mon Nasyon Seselwa.

E se sa ki mwan mon pou fer ozordi. Mon pou lev mon lanmen byen o and *very proudly* pou mon siport en Lezislasyon ki mon santi i pou nwir *the criminal element*, plis ki i pou nwir en sitwayen ki li i pe travay pou *earn* son dipen.

E sa i en dimoun ki mon krwar nou toultan devret a son defans. Sa Seselwa ki li i e *earn* en *honest living*.

Minis *having said that*. Sa ki nou'n konpran se ki i annan serten dimoun ki pe ganny let go dan Lapolis. Dimoun ki zot ran i posibleman par lao ran ASP. So si ou ti a kapab konsidere dan plas ki nou zis pous dimoun *whether* pou rezon politik or pou lezot rezon.

E mon krwar nou *official camouflage* se ki kontra in fini. Si nou kapab redirect zot dan bann landrwa kot zot bezwen. Par egzanz kot *FCIU* kot posibleman sa dimoun i ava ganny en louvraz. I ava nobou sonny son zanzan. Mersi Mr Speaker.

MR SPEAKER

Mersi Onorab. Onorab Georges.

HON BERNARD GEORGES

Mersi Mr Speaker. Bonn apre midi Minis. Bonn apre midi madanm lo *panel*. Bonn apre midi bann Manm. Mr Speaker mon pa anvi antre dan sa lesanz ki fek pase ant ou avek Onorab ki'n koz avan mwan. Akoz i pa mon plas pou fer li.

Me mon krwar ki nou ti ava, ti ava bon pou nou rapel nou lekor ki ler nou fer en

lakizasyon kont en Manm, ki nou mansyon son non oubyen ki nou mansyonn li an group endirekteman. Nou bezwen kapab *substantiate* sa ki nou'n dir.

Akoz i fasil pou fer en lakizasyon san ki nou *substantiate*. Alor nou bezwen fer en distenksyon ant lakizasyon ki nou kapab *substantiate* ki permisib. E lakizasyon ki nou pa kapab *substantiate* ki pa permisib. Mon pa ava al pli lwen mon ava diskite sa diferans avek bann Manm lo en baz *one-to-one*.

Mr Speaker, si mon konpran Minis apre midi son lamannman ki i pe anmennen se senpleman pou redwir par en nivo sa zofisye ki kapab entervenir anba *POCA*.

Avan sa i ti tou zofisye par lao ran Lenspekter e setadir asistan sirentandan, Sirentandan, Sef Sirentandan, Depite Komisyoner epi Konmisyoner.

E la prezan i pe desann e i pe *include* Lenspekter. Lo li menm sa pa en gran lamannman. Onorab John Hoareau in fer resorti son retisans anver sa lamannman. Akoz li i anvi prezerv an *quelque sorte the status quo*.

Me mwan mannyer mon vwar keksoz. En barenm

toultan i annan en serten nivo *arbitrariness* ladan. Nou ti kapab met son nivo Sef Sirentandan. Nou ti kapab met son nivo parey i ete konmela *ASP*. Nou kapab met son nivo Lenspekter.

Lenportans se pa son lafason artifisyel dan lekel ou pran en nivo. Se fer sir ki bann ki a sa dimoun ki a sa nivo i annan kapasite pou zot kapab desarz sa fonksyon. Mon krwar se tou ki nou bezwen aksepté.

I annan en sel Konmisyoner, 2 Depite Konmisyoner. Mon mazine napa bokou Sef Sirentandan. I annan en pti pe plis Sirentandan. I annan en pti e plis *ASP*, i annan natirelman en pe plis Lenspekter aköz parey tou bann ran lafors i dan striktir en piramid. Anmezir ou monte i annan mwens dimoun.

E si mon konpran Minis se aköz legzizans travay. Travay pe ogmante alor nou bezwen *spread* kapasite e fer sir ki plis dimoun i ganny kapasite pou zot kapab azir anba sa Lalwa.

E sa mwan, mon napa parey mon'n dir aköz so barenm i konpletman arbitrer. Mon napa okenn difikilte ant Lenspekter oubyen sa ran par lao li ki Asistan Sirentandan. Amwen ki mon ti'n kapab ganny

dir akoz ki enn i annan plis kapasite ki lot.

Lenportans se pa sa. Lenportans se ki avek konesans kisisa ki bann Lenspekter pou ganny demande pou fer, ler i annan promosyon ou promot bann ki annan sa kapasite pou fer. Mon krwar se koumsa ki nou devret regard keksoz olye kay lo en ran zis akoz sa ran i enn ki ti'n ganny swazir a en serten moman.

E fodre nou regard osi kisisa ki sa zofisye pou ganny demande pou fer. Ler en dimoun anba *POCA*, en zofisye Lapolis i fer en afidavit, i *swear* en afidavit pou al Ankour pou li demann Lakour pou fer en *interim* oubyen en *interlocutory Order* lasezi kont en propriyete.

Mon pa vwar ki mannyer en Lenspekter Lapolis ki par laverti son ran ki in *attend* in bezwen pas plizyer lannen dan lafors ariv a serten nivo, pa kapab ganny fye lo la pou li kapab fer en afidavit.

Annefe ler mwan mon ti en zenn Avoka ti preski napa ditou Sirentandan isi Sesel. Sef Sirentandan sa nou pa ti tann ditou. Ti annan zis detrwa. Lamazorite *backbone* lafors lo nivo bann *decision makers* ti Lenspekter. Ti Lenspekter ki ti ansarz Kordgard. Se Lenspekter ki ti, se Serzan ki ti pourswiv

case Ankour. Tou bann *public prosecutors*, bann *Police prosecutors* sa letan ti bann Serzan.

E bann dimoun avek en tre gran kapasite. Mon mazin Mr Balette. Mon mazin ansyen Manm Lasanble Nasyonal pou Distrik Anse Royale Daisy Micoock. E mon mazin Joseline Akon, mon mazin tou sa bann dimoun ki ti bann zofisye ekstraordiner ki ti fer tou sa bann travay a en moman kot zot pa ti ni ariv Lenspekter. Apre zot ti arive, apre zot ti monte.

Donk si nou *focus* lo kapasite, mon krwar sa lefe ki i Sirentandan oubyen i en Lenspekter i pa vreman fer en gran diferans. Se pou sa rezon ki mon krwar ki Minis in konvenk nou nesesite pou annan sa. Sirtou ler nou pran kont ki sa travay *POCA* i en travay ase spesyalize.

FCIU i en unit spesyalize dan lafors. Sa Lenspekter ki ansarz Kordgard Quatre Bornes oubyen en lot Kordgard, i pa neserman sa enn ki pou ganny demande pou li fer en Afidavit ou al demann en *Interim Order* oubyen en *Interlocutory Order* devan Lakour anba *POCA*.

Sa se en *unit* spesyalize kot sa bann dimoun ki pe

travay ladan parey Minis in dir nou se bann dimoun spesyalize.

Alor pou sa rezon mon krwar ki parey monn dir mon pa war okenn problemm avek sa ki sa lamannman pe demann nou pou fer.

Permet mwan Mr Speaker, fer en dernyen, dir en dernyen parol. E sa se dan konteks POCA li menm. Mon kontan tande ki plis laksan pe ganny mete lo POCA. E sa in en bon keksoz. I en bon keksoz aköz bann fason tradisyonnèl ki nou pei in swiv ou fer fas avek *Proceeds of Crimes*, pa selman drog *although* drog i swe en gran parti dan sa lalit.

Me proceeds of any crime at all. Lafason ki nou'n fer, ki nou tradisyonnèlman dil avek crime sete pou rod levidans pou anmenn *perpetrators* Ankour. E nou'n vwar ki mannyer sa i difisil. Aköz ler ou pe fer krim a sa nivo ou pran tou prekosyon pou fer sir ki naryen pa vin lo ou non. Oubyen ou sa *proceeds* zanmen i tous ou lanmen.

Oubyen toultan ou annan en entermedyer, e ou pas sa lo en lot dimoun. Sa ki gou avek *Proceeds of Crime* se *Civil Confiscation Act* se ki Lalwa i azir avan, e se ou prezan ki bezwen vin devan pou ou dir ki Lalwa in mal azir.

E sa se en tre, tre bon zouti, e en zouti ki dan sa lasanble menm bokou nou pe dir depi byen, byen lontan. Annan plis ledan avek POCA e annan bann keksoz parey bann *unexplained wealth order* ki egzaktèman parey POCA.

Kot en dimoun i ganny demande pou li vin demande aköz ki i annan 12 loto dan son garaz? Aköz ki i annan 3 bout later avek plizyer lakaz ler i napa okenn biznes oubyen son biznes pa sifizan pou zener sa kalite larzan, pou li ganny sa bann byen.

Donk sa se pou sa rezon ki POCA ki bezwen ganny met an valer e annan tou son ledan posib pou li kapab morde. Nou tou nou'n fatigue. Nou tou nou'n fatigue. Nou tou nou fatigue vwar ki mannyer avek lenpinite bann dimoun ki nou konnen pe fer bann, (servi en mo ki'n ganny servi dan sa Lasanble apre midi) bann magouy. Bann keksoz ki pa byen. Bann keksoz ki annan en kriminalite avek, *get away*. Aköz napa sifizaman levidans pou *link* zot avek sa keksoz.

Malgre ki tou dimoun i konnen ki biznes zot pe fer. POCA i kas sa serk visye. E i fer, i donn en zouti zofisye lord ek lape, pou kapab arive anmenn oubyen tir benefis ki sa

kriminel i fer. In gannyen menm si li i kapab sap Lalwa, me *at least* i pa pou ganny okenn benefis avek son travay sal ki i pe fer.

Donk avek sa detrw a mo Mr Speaker, mon ti a kontan reasir minis i pou ganny nou sipor lo sa kote latab. E atraver li anvoy en mesaz kot son *unit* ki travay anba *POCA*. Akoz mon konnen zot travay, mwan menm mwan pa telman letan pase mon ti bezwen siny en papye pou en konfiskasyon en keksoz ki'n ti arive.

Kontinyen sa travay e fer sir ki bann byen malaki pa prospere. Mersi Mr Speaker.

MR SPEAKER

Mersi Onorab. Avek sa mon a envit Minis pou fer son larepons lo deba.

MINISTER ERROL FONSEKA

Mersi Mr Speaker. Mr Speaker mon repons pou vin en pti pe kourt la akoz konmsi Onorab George in reponn tou mon lesplikasyon lo sa amannman ki nou pe demande.

Mon ti a kontan remersye bann Manm Onorab ki'n koz lo la akoz i kler ki zot tou zot konpran lenportans sa *Bill*. En lenportans sa zouti ki nou'n annan pou konbat bann tek

krim ki nou'n koz lo la apre midi.

Bann konsern ki zot annan espesyalman Onorab Hoareau. Mon ti ava kontan dekrir sa bann konsern *management* si ou le. Ler ou manage en landrwa ou pou demande sa bann kestyon. Kestyon lo *continuity*, kestyon lo *rank*, kestyon lo abilite, kapasite. Ou pou demande tousala.

E byensir *FCIU* nou gete sa. E, be parey nou konnen *FCIU* nou pe dil ek en *specialized area* e leksperyans ki en group dimoun sa. Ou pa pe pran ran dan Lapolis antye, ou pe dil ek sa *unit* ek kapasite sa bann dimoun ki ladan. E akoz zot *specialized* zot leksperyans, zot abilite, zot ledikasyon ladan i mont tre vit. Akoz a ki zot pe fer preski toulezour.

E sa ki nou pe demande ozordi i bann dimoun ki deza pe fer sa. I zis sa sinyatir ki zot pa ti kapab sinyen. So i napa okenn dout ki zot in fer bann keksoz ki'n rezilta, zot in ganny rezilta lo zot bann louvraz ki zot in deza ladan, me selman zot pa ti kapab sinyen. La nou pe dir donn zot sa.

So lo bann zafer bann ran, bann promosyon *all that*. *This is management part of sa*

FCIU ki nou bezwen get ladan. Me i pa en keksoz ki ou pou, koman ou donn sa dimoun en lord ou pou kalkil lezot *issues*. Lezot *issue* i a ganny deside dan manner i ganny *manage* sa landrwa.

So kapasite i enportan. E zot annan sa kapasite. I vre osi akoz nou pe met zefor enkrwayab lo sa akoz nou tou nou konpran ki sa en zouti ki vreman, vreman donn nou en gran lavantaz.

Savedir i annan plis ka nou pe travay lo la, plis ka, plis loubraz. E dan sa bezwen ki nou annan ozordi ki nou krwar i pou ed nou pou nou kapab pas sa lamannman.

Alor ek sa mon remerci zot pou zot lankourazman lo sa *Bill* e i gou ki, mon hope nou ganny sipor partou. Akoz sa ankor en fwa keksoz byen enportan pou pei e pou nou tou. Ek sa mon a dir ou merci Mr Speaker e tou bann manm Onorab. Mersi.

MR SPEAKER

Mersi Minis. Prezan nou a pran vot lo *general merit of the Bill*. Bann Manm ki vot an faver lev lanmen silvouple? Mersi mon krwar tou Manm in vote.

Vot lo *general merit of the Bill* in ganny 20 vot pour, 0 vot kont, e 0 abstansyon. Eskiz mwan Madanm Deputy Clerk,

20 vot i korek sa? Mersi. Mersi Madanm Deputy Clerk. Vot lo *general merit of the Bill* in ganny 30 vot pour, 0 vot kont, e 0 abstansyon.

Alors *Bill* in pase lo merit. Prezan mon a demann Madanm Deputy Clerk pou *proceed avec Formal Second Reading of the Bill*.

MADAM DEPUTY CLERK

Mersi Mr Speaker. *This Act may be cited as the Proceeds of Crime (Civil Confiscation) (Amendment) Act, 2021*. Mersi.

MR SPEAKER

Mersi. Eski nou bezwen *Committee Stage*? Nou pa bezwen. Eski nou bezwen pran en vot pou *skip Committee stage*? Wi.

HON BERNARD GEORGES

Mersi Mr Chair. *Sorry* merci Mr Speaker. Mr Speaker anba *Order 97 (1)* mon *move* pou sispann *Order 70 a 75* pou ki nou kapab sot Staz Komite.

MR SPEAKER

Mersi. Segonnman silvouple. Onorab Sandy Arissol.

HON SANDY ARISSOL

Mersi Mr Speaker. Mon segonn Mosyon propoze par Onorab Georges Mersi.

MR SPEAKER

Mersi. Manm ki vot pour lev lanmen silvouple. Tre byen, okenn Manm ki vot kont? Wi Madanm Deputy Clerk.

Vot lo Mosyon pou pass *Committee Stage*, in ganny 30 vot pour, 0 vot kont, e 0 abstansyon. Alor Mosyon in approve par Lasanble.

Avek sa mon a demann *LGB* pou prosed avek *Third Reading* Mosyon.

HON BERNARD GEORGES

Mersi Mr Speaker. Mr Speaker anba *Order 76 (1)* mon *move* ki *the Proceeds of Crime (Civil Confiscation) (Amendment) Act, 2021* i ganny lir en Trwazyenm Fwa. Mersi.

MR SPEAKER

Mersi. Segonnman. Onorab Sandy Arissol.

HON SANDY ARISSOL

Mosyon i ganny seconde Mr Speaker. Mersi.

MR SPEAKER

Mersi. Manm ki vot pour *Bill* lo *Third Reading* lev lanmen silvouple. Byen mon krwar tou Manm in vote.

Mosyon lo *Third Reading of the Bill*, e mon krwar i apropiye. Mosyon lo *Third*

Reading Proceeds of Crime (Civil Confiscation) (Amendment) Bill, 2021, in ganny 30 vot pour, 0 vot kont, e 0 abstansyon.

Eski nou bezwen re vote? Ok Deputy Clerk silvouple, mon *recall* pou sa vot silvouple.

Tou Manm ki an faver lev lanmen *please?* Madanm Deputy. Mersi tou Manm in vot pour. Si ou'n ganny byen sif.

Mosyon lo *Third Reading Proceeds of Crime (Civil Confiscation) (Amendment) Bill, 2021*, in ganny 29 vot pour, 0 vot kont, e 0 abstansyon. Alor mon deklare ki sa *Bill* in aprouve par Lasanble e mon a demann Madanm Deputy Clerk pou *proceed* avek *Formal Third Reading*.

MADAM DEPUTY CLERK

A Bill for an Act to amend the Proceeds of Crime (Civil Confiscation) Act. Thank you.

MR SPEAKER

Mersi Madanm Deputy Clerk. Alor *Bill* i prezan *Proceeds of Crime (Civil Confiscation) (Amendment) Act, 2021*. E mon deklare ki nou'n aprouv sa *Bill*.

Byen be avek sa mon a demann, mon a remersye Minis Fonseka. E Mrs Thomson e mon a envit zot fer zot depar.

(MINISTER FONSEKA AND HIS DELEGATION WAS EXCUSED FROM THE HOUSE)

MR SPEAKER

Mersi. E nou pou kontinyen Biznes avek *Appropriation Bill*. E nou ava rebran sa 3er edmi. Nou ava pas dan *Committee Stage* pou ler nou revini koumsa bann delegasyon i a kapab antre direkteman. *Sergeant* nou a pas dan *Committee stage*.

Byen nou a pran poz ziskan 3er edmi.

(BREAK)

AGENCY FOR PREVENTION OF DRUG ABUSE AND DRUG REHABILITATION

MR SPEAKER

Bonn apre midi nou bann nouvo delegasyon ki sorti kot Minister Lasante e spesifikman Mrs Vidot, *Ministry of Health*. Nou annan bann zofisye *Agency for Prevention of Drug Abuse and Drug Rehabilitation*. E avek sa delegasyon nou annan Dr. Valentin, *Principal Secretary for Health*. Ms Geralda Desaubin, *Chief Executive Officer* pou sa *Agency APDAR* e Dr Winnie Low Lah, *Chief Liaison Officer*.

Alors nou pe pran Bidze pou *Agency for the Prevention of Drug Abuse and Prevision better known as APDAR* ki lo paz 429 ziska 436 pou en total R78milyon 362 mil.

Avek sa mon ava envit Minis pou prezant Bidze pou sa *agency*.

Wi Minis.

MINISTER PEGGY VIDOT

Mersi bokou Mr Chairman. Bonn apre midi Mr Chairman, *Leader Lopoziyon, Leader Government Business*. Manm Onorab e tou dimoun ki a lekout.

I premye fwa ki Minister Lasante pou prezant Bidze *APDAR* pou laprouvasyon. Parey nou konnen, *APDAR* i annan manda pou fer rekile problemn labi sibstans dan Sesel.

Sa problemn labi sibstans i en problemn serye. I en problemn efreyan, i en menas reel pou nou fitir, pou nou devlopman e pou epanouisman koman en nasyon.

Nou tou nou ti a voudre ki lanpler labi sibstans dan nou pei i bokou mwens ki i ete. Me nou tou nou konnen son lanpler e lanpler bann problemn lasante, sosyal, ekonomik, kiltirel e lezot ki labi sibstans i koze.

Sa fenomenn i tous tou fanmir Seselwa dan en fason oubyen en lot. Bokou dimoun pe travay lo tou nivo pou redres sityasyon, me nou tou nou konnen ki malgre tou zefor i reste ankor en kantite travay pou fer.

I menm annan plis danze lo lorizon la ki nou pe konstata legzistans dan Sesel bann drog ki bokou pli serye ki Eroin oubyen Kanabis, malgre ki Eroin ek Kanabis zot osi zot danzere.

Mr Chairman, nou bezwen dir osi ki problemm labi sibstans i demann serten konprenezon. Konprenezon lo akoz en dimoun i abiz sibstans. Kisisa ki pous li? Kisisa ki dan son lavi ki pous li pou fer li devlop sa labitid? I annan plizyer rezon ki fer en dimoun pran sibstans. Pa tou dimoun ki annan menm rezilyans, menm tanperaman ler lavi i baskil li dan en serten fason.

Pa tou dimoun ki annan menm leksperyans lavi. Pa tou dimoun ki kapab fer fas avek problemm dan menm fason. Pou bokou ki'n vwar zot lo sibstans e ki ozordi pe depan lo drog, i pa fasil pou sorti en sel kou.

Akoz vitman sa sibstans, swa sa drog ouswa sa lalkol i sanz konfirmasyon sistenm

nerv e santral en dimoun. E sa endependans fizik lo sa kemikal ki fer en dimoun kontinyelman bezwen rod sa sibstans, pou li kapab kontinyen egziste. Labi sibstans i en maladi ki son tretman pa fasil menm difisil.

Mr Chairman, se detruwa mo ti pou mwan montre ki ozordi problemm labi sibstans partou dan lemonn i rekonnèt koman dabor en problemm lasante, en problemm lasante piblik, e non pa koman zis en problemm lord ou si non ek Lalwa, senpleman parey ti ete avan.

Koman en problemm lasante e en problemm lasante piblik, Minister Lasante i sant li son devwar pou fer en kontribisyon pli signifikan pou redres sa problemm. Parey tou problemm lasante piblik nou bezwen fokaliz bokou plis lo prevansyon. Prevansyon i touzour meyer ki gerizon.

Koman en pei, nou bezwen sirtou redwir lakantite drog ki antre dan pei. Sa i en stratezi kle dan prevansyon. Sepandan redwir lakantite drog ki antre dan pei i pa en manda ki *APDAR* i annan.

I en manda serten lezot Lasans. Nou manda koman *APDAR* i kler. Nou bezwen kontinyen travay pou redwir demann pou drog atraver

entansifikasyon nou bann programm prevansyon.

Nou bezwen osi kontinyen travay pou redwir bann lefe advers. Bann lefe ki danzere, ki drog i koze lo bann endividi e lo lasosyete.

Nou konnen deza ki travay nou pei pou redwir bann lefe ki labi sibstans, sirtou labi drog i koze i aport serten fri. Menm si i annan ankor en long semen pou ale.

Mon konnen ki lasante krim kot dimoun i vole pou akerir en lobze pou li al vann pou ganny drog in desann konsiderableman. Lakantite lenfeksyon ki dimoun i gannyen akoz i servi en zegwir sal pou pran drog atraver lavenn in osi desann.

Bokou dimoun ki ozordi i lo sa programm ki *APDAR* pe ofer i vwar ki zot kapab annan en travay pou zot ganny en reveni pou soutnir zot lekor ek zot fanmir. E zot pe kontribye dan en fason ou en lot dan kominote.

Nou osi fer kalkil e nou'n vwar ki kou en pei, i kout pei pli bonmarse pou ofer en programm *Methadone* ouswa en programm reabilitasyon pou akonplir en sanzman ki omwen a prosekite en dimoun e met li dan en prizon pou detrwa lannen.

Mon kontan pou dir ki malgre ki *APDAR* i asosye prensipalman avek programm *Methadone* i annan bokou lezot aktivite prevansyon ki i pe fer, e ki son rezilta nou pa pou kapab mezir dan 1an oubyen dan 2an, me lo en pli long term.

Nou pou entansifye sa bann travay prevansyon dan lekol, dan lafanmir, dan lakominote e partou.

Avek sa detrwa mo Mr Chairman, mon envit tou Manm Onorab pou konsider sa Bidze avek en lespri pozitiv, en lespri sipor.

Sipor pou sa travay remarkab ki en kantite bann madanm, akoz i prensipalman bann madanm ki pe travay dan *APDAR* pou fer pou sov nou pei dan lapirz labi sibstans. Alors mersi bokou Mr Chairman.

MR SPEAKER

Mersi Minis. Byen mon komans avek lentervansyon bann Manm. Mon komans avek Onorab Monthy.

HON PHILIP MONTHY

Mersi Mr Chair. Bonn apre midi Minis ek delegasyon sorti kot *APDAR*. Premye kestasyon ki mon annan, se mon prezimen en bon pe Manm osi petet ti pou annan sa menm kestasyon.

Se si zot kapab koz en pe lo zot *success story* depi ki zot an legzistans. Nonm ki zot dir kliyan ki'n lo sa program e ki'n kapab swiv li, ki'n konplet li *successfully* e ki'n re entegre dan lasosyete? *Ok*, sa i enn.

Dezyenm keston, ler mon get zot *forecast*. *Ok*, pou 2022 mon vwar zot Bidze i plizoumwen reste parey, 75milyon. Me pou 2023 mon vwar i desann 42milyon. Eski zot pe espekte konmsi rezilta, ki pou fer ki pou annan mwens dimoun lo sa program oubyen sa i spesifikman akoz *rate*. Zot pe antisipe ki to lesanz pou desann *by 2023*? Mersi.

MR SPEAKER

Mersi. Wi Minis, *panel*. *Yes* Madame.

CEO GERALDA DESAUBIN

Bonn apre midi Onorab, mersi pou keston. Mon a pran sa enn dezyenm pli fasil, apre nou ava al lo sa enn premye. Nou Bidze pou 2023 i desann spesifikman akoz nou Bidze 2021 avek 2022 i enkli en Bidze 34milyon dan *PSIP* ki pou al konstriksyon sa sant.

So, nou pe prevwar ki *by 2023* sa i pou'n *almost* fini konstri. Sanmenm sa ou pou vwar sa gran rediksyon dan nou Bidze. *In fact* si ou pou get nou

Bidze sa lannen *operationally* i 42milyon, ki fer ki i apepre parey pou 2023. I zis sa *PSIP* ki pe fer li annan sa gran dekalaz li menm.

Lo kote *success story of* nou bann kliyan parey nou apele. Mon pou zis donn en pti legzanp, apre mon pou pas laparol avek Dr Low Lah ki ava eksplik en pti pe plis lo kote medikal.

Me selman an 2019 nou ti fer en *survey*, en *mini survey* avek nou bann kliyan. Nou ti annan 715 ki ti partisipe, zis pou nou vwar lo kote lanplwa ki mannyer zot pe re entegre lo kote lanplwa. E dan sa 715 nou ti annan 525 ki ti dan lanplwa. So, i montre nou poudir en bon pe zot pe re pran zot lavi e pe retourn dan lanplwa.

Mon pou pas avek Dr Lawa, li i a koz en pti pe lo *success* lo kote tretman li menm.

MR SPEAKER

Mersi. *Yes Doctor*.

CHIEF LIAISON OFFICER

DR WINNIE LOW WAH

Mersi *CEO*. Mr Chair, *Leader* Lopoziyon, *Leader* Zafer Gouvernman, Onorab bonn apre midi. *Regarding success story*. Parey Minister in dir, sakenn nou, nou lavi i

endividyel, i diferan avek nou kanmarad. Sak pasyan, sak kliyan ki antre dan nou klinik zot bagaz ki zot vin avek i diferan.

Nou kapab komans avek en kliyan ki *for example* ki pe pike, ki pe servi drog atraver enzekte, pou zot. Zot bagaz ki vin avek i en ta plis ki en dimoun ki zis pe fimen.

Dabor ler nou pe koz lo *success story*, si en dimoun pe pike, si nou pe servi sa program m lesanz sereng. Si sa dimoun i aret servi en zegwir ki sal, i aret partaz son sereng ki sal avek en lot son kanmarad, i anpes. I redwir transmet bann lenfeksyon par egzanz *HIV*, Epatit C. E nou'n vwar dan bann statistik depi 2018 ziska 2020 lakantite nouvo ka Epatit C ki nou'n dekouver tou le lannen in kontinyelman redwir tou le an.

Zis menm an 2018 ler sa nouvo program *low threshold* pou *Methadone* in ganny entrodwir, nou'n vwar ki sa sif in redwir par plis ki lanmwatye ki i ti ete an 2017. So, sa deza pou nou pei i en gran sikse.

Me *in regards to success story*, plizyer pei, menm *UNODC* ki i en Lorganizasyon Mondyal, i dir ou konmsa si menm en dimoun i aret servi drog pou 1 zour, i fer en gran

diferans. Akoz sa dimoun ki pe al deservi sa drog sa zour i kapab pe al kas en lakaz, fer en vol, fer en krim. Menm met son prop fanmir an danze zis pou li ganny sa drog.

Nou bann program, sirtou sa *low threshold* i la ki i *available*, i sitan senp pou en dimoun kapab anrezistre pou ganny sa latizann pou li kapab antre dan en program pou anpes li fer sa bann kalite krim.

Oubyen menm son lekor an danze pou ganny bann diferan lenfeksyon ki asosye avek.

E menm lannen pase dan sa gran kriz ekonomik, nou ti vwar sa ki enn nou bann landrwa kot ti ganny reveni dan lekonomi sete kot lo por.

E ti menm pase lo televizyon ki ti annan en bon pe nou bann kliyan ki lo *low threshold* ki ti pe al travay lo Port Ile Du Port pou ede anmenn reveni dan nou pei.

E sa osi i enn bann sikse ki'n kapab ed nou pe a sa moman ziska la. Mersi.

MR SPEAKER

Mersi. Wi *PS*.

PS BERNARD VALENTIN

Mersi Mr Chairman. Mon ti a kontan azoute ki i kler ki program *harm reduction* ki sa

programm *Methadone* i en konponan mazer ladan in apor sikse. E normalman letan nou koz *APDAR* nou toultan idantifye *APDAR* avek sa programm *Methadone*.

Me selman *APDAR* i bokou plis ki zis sa programm *Methadone*. I annan ankore bokou lezot programm ki bann travayer dan *APDAR* pe fer e sa bann programm ou pa pou neserman trov son rezilta ozordi pou lannmen.

I en programm long a lenn parey nou dir e rezilta pou vin apre, sertenman.

Donk en keksoz ki nou pe fer en kantite i sa bann programm prevansyon. E anmezir ki nou ale nou pou bezwen met ankore plis lanfaz lo prevansyon.

Akoz sak fwa ki nou kapab anpes en dimoun, sirtou en zenn antre lo drog oubyen antre lo lalkol pou abiz drog oubyen abiz lalkol i deza sa dan li menm en sikse.

Donk nou pou travay ek lekòl, nou pe travay ek lekòl. Nou pou kontinyen travay ek bann lekòl e nou bezwen kree sa lanvironnman ki neser pou nou kapab travay avek lekòl.

Nou pou travay ek bann fanmir, nou pou travay ek lakominote. Nou pou travay osi avek bann letablisman ki

anploy dimoun pou fer ki tou bann kondisyon neser i la pou anpes dimoun antre lo drog.

E si zanmen in annan dimoun ki'n antre lo drog, nou detekte sa boner e nou ofer bann programm pou zot kapab sorti lo drog evantelman.

Me si zot pa ankore kapab sorti nou ava kree bann programm pou zot kapab servi sa drog, san ki i annan risk lezot problem lasante piblik ki devlope pandan ki zot pe servi sa drog.

Donk apart *Methadone* nou osi annan programm lesanz sereng, e sa i kontribye en kantite ver rediksyon sa bann maladi ki Dokter Low Lah in mansyonnen e nou annan osi bann lezot programm ki nou'n met an plas, pou fer sir ki dimoun pa ganny bann lenfeksyon. Mersi bokou.

MR SPEAKER

Wi.

HON PHILIP MONTHY

Non, mon ti annan zi sen pti komanter. Akoz mon persepsyon personnelman ki mon ti annan lo *APDAR* e mon sipoze plizyer lezot dimoun osi deor i annan sa, i ki dizon nou annan 6000 dimoun lo programm *Methadone* la. Nou,

nou ti pe espekte kekfwa ki ankor dan 2an nou avan annan 3000, epi ankor dan 5an i ava annan 1000. Konmsi i a redwir.

Me ler mon pe get zot manda la, mon pe gete. Parey ki in ganny eksplike, redwir to lenfeksyon Epatit C i en sikse dan li menm, i ganny konte koman en *success story*. Pa forseman redwir sa norm ki lo *Methadone* ki ganny konte koman en *success story*. Se sa ki mwan mon konpran.

Donk, mon ti a prezimen ki kekfwa ti devret annan en pe plis sansibilizasyon, pou donn dimoun an deor lenformasyon lo vreman rol e *mandate APDAR*, akoz deor se sa lenpresyon ki dimoun i annan. Mersi.

MR SPEAKER

Mersi Onorab. *Panel*. Minis wi, ou ti a kontan adres sa.

MINISTER PEGGY VIDOT

Mersi Onorab e mersi pou ou partaz sa ekspektasyon. Mon krwar parey ou dir i reel ki dimoun i panse ki sa program *Methadone* i pou toudswit redwir sa kantite dimoun ki lo *Methadone* dan disik en serten letan.

Me nou a kapab demann Dr Low Lah pou eksplik sa 2

program ki annan pou *Methadone*.

I annan en program ki vize anver fer zis sa e sa i redwir en serten norm dimoun ki lo *Methadone* pou sorti si oule net. Me sa i en pli pti group dimoun ki pe servi *Methadone*.

Me sa ki mon kapab dir e ki *PS Valentin* in eksplike zis avan. Nou pe espekte avek nou program prevansyon, ki olye tou le an mont par 1000 ou si non mont par 2000, nou ava anpes. E ki vreman dan 3an parey ou dir nou ava vwar mwens dimoun ki'n monte.

Kekfwa norm pa ava desann sa gran kantite, me selman nou pou napa sa gran kantite ki pou'n ogmante.

Chair, mon ti ava demann Dr Low Lah zis pou dir enn de mo vitman lo sa 2 program.

MR SPEAKER

Mersi. Wi *Doctor*.

CHIEF LIAISON OFFICER

DR WINNIE LOW WAH

Ok, bonn apre midi. Donk, i annan 2 program *Methadone*. I annan en program ki pou tretman avek en program ki pou sa program *harm reduction*.

Pour lemoman Sesel sa program ki pli komen, ki pli popiler se sa program *low*

threshold ki i en *harm reduction program*. Li sa program *high threshold* ki dan tretman, avek letan sa bann kliyan i ganny ankouraze ansanm avek bann *counselors* avek bann psikolog, ki nou bezwen pran an kont ki zot annan zot bann bagaz sosyal ki vin avek.

Zot bezwen konnen mannyer pou antre dan en lanplwa. So, tousel nou bezwen travay avek zot ziska ler zot kapab ariv sa staz pou zot kapab la, zot pare.

Fodre sa pasyan menm in pare pou li kapab komans redwir. Akoz si ou komans redwir en latizann ki sa dimoun i depan lo la, toudswit avan kapab *sort out* sa bann lezot problemm i pou ganny sa bout ki apel *relapse*.

E parey nou konnen, adiksyon i en maladi ki kronik e i annan son bout ki *relapse*.

Nou, nou *main* manda se premyerman *prevent* sa bout *relapse* pli lontan ki posib. En bon pe resers i montre ou ki si en dimoun in komans servi sibstans e i ganny *diagnose* koman i annan sa problemm adiksyon. I pou annan en zour kote i ganny son *relapse*.

I kapab pa ozordi, i kapab apre 20an si oule. Selman la pour lemoman avek sa ta problemm sosyal ki i annan i

deza met en ta stres lo sa bann dimoun.

So, sa 2 program. Nou program *high threshold* ki pou tretman, wi i la. Selman i napa sa kantite kliyan parey i annan dan *low threshold*.

Parkont menm *low threshold* i en program *harm reduction*. I *still* annan detrwa kliyan ki avek letan zot menm zot anvi desann pou redwir. E nou fer bon swivi ek zot, nou ankouraz zot pou redwir wi. Me nou swiv pou fer sir ki zot pa pe servi lezot sibstans an menm tan ki zot pe redwir zot latizann. Ok. Mersi.

MR SPEAKER

Mesi Dokter. PS, si ou pou zot keksoz.

PS BERNARD VALENTIN

Wi, Mr Chair. Mersi bokou. Prensipalman pou lenformasyon piblik. Se ki sa program *Methadone* son lobzektif se pou tir dimoun ki adikt avek Eroin prensipalman lo Eroin.

Zis mazine en dimoun ki adikt ek Eroin son sistenm nerf e santral in fini dekonfigure li. In depan lo sa Eroin pou li viv. Si i pa ganny Eroin i ganny en ta sentonm, sa ki nou apel sentonm sevraz. Savedir *withdraw*.

E pou li kapab rezourd sa bann sentonm sevraz ki i kontinyelman gannyen si dan son sistenm napa Eroin, i kontinyelman al rod Eroin.

Non konnen nou ki, petet dimoun i konnen ki Eroin i dir en pti git letan dan ou sistenm. 6erdtan, 4ertan. So, en dimoun ki adikt avek Eroin, tou el 6erdtan, tou le 4ertdan petet i bezwen en lot doz pou li kapab rezourd sa bann problemn sevraz ki i gannyen.

Donk, pou annan en program *Methadone* ki li osi i en latizann, i en kemikal parey Eroin. Me selman i annan en pli long dire. Donk ou donn li sa kemikal. Sa kemikal i dir dan son lekòr pou apepre 24erdtan e pou 24erdtan i kapab fonksyonnen parey mwan, parey ou. Akoz i pa pe ganny sa bann sentonm sevraz.

Donk, program *Methadone* se pou tir sa dimoun lo Eroin. E nou tou nou konnen letan en dimoun pe pran Eroin sirtou par lavenn i annan tou sa bann konplikasyon lasante piblik ki asosye avek.

So, i annan en benefis tir li lo Eroin. Me ou pa pou kapab deswit tir li lo drog akòz son sistenm nerve e santral in fini sanze. In fini dekonfigire.

I bezwen en program soutni ki enkli kemikal, ki enkli

sipor psikososyal e lezot program ankor pou li kapab sorti konpletman lo sa drog e sa i dir en bon pe letan. Mersi bokou.

MR SPEAKER

Mersi. Onorab Lemiel.

HON SYLVANNE LEMIEL

Thank you. Mersi Mr Chair. Bonn apre midi Minis avek ou delegasyon sorti kot *APDAR*. Mon vreman kontan ozordi mon'n tann Minis pe felisit sa group Madanm ki travay kot *APDAR*, mon osi mon a dir zot felisitasyon.

Savedir i montre ki Mini pe annan en bon lapresyasyon avek zot travay. Mon osi mon ava ankouraz zot pou kontinyen sa bon travay, sa group Madanm ki laba kot *APDAR*.

Konbyen *staff* petet zot annan ozordi kot *APDAR*? I annan en keksoz ki en pti pe konfiz mwan la Minis. Akoz baze lo larepons ki ou'n rann Onorab Monthy.

Enn dan zot *strategic priorities* zot in dir ki dan *bullet number 3*, zot oule "increase the number of clients on existing and new treatment in rehabilitation program." Sa i enn.

Me parkont mon'n tann en larepons, zot oule redwir

lakantite dimoun. Donn nou en pti pe leksplikasyon petet ki kalite kanpany. Ki kalite kanpany ki APDAR pe fer pou zot ogmant sa lakantite kliyan lo tretman e programm rehabilitasyon?

E petet si zot annan en sif ek sa, konbyen petet sa pou kout zot? Sa kanpany ki zot pou pe fer.

En lot keksoz ankor, mwan mon ti pou kontan konnen an total ozordi konbyen kliyan APDAR i annan en total depi ki lo son *harm reduction*, lo son *high threshold*. Konbyen zot i annan an tou?

Konbyen larzan nou pe depanse lo tou sa bann dimoun ki lo sa 2 programm aktyel? E apre sa ti annan en lot ankor. Ok, non. Setou. Mersi Mr Chair.

MR SPEAKER

Mersi Onorab. *Panel*, wi CEO.

CEO GERALDA DESAUBIN

Bonn apre midi Onorab. Mersi pou ou kestyon. Lo kote *staff*, premye kestyon. APDAR i anploy 117 *staff* e sa i konpri 70 *staff* an plen tan. *Full time*. E nou annan 47 *part time* e nou bann *part time* i enkli nou bann *peer counsellor*, *part time nurses*, *pharmacies* e tou ki nou

pa kapab gannyen dan lanplwa *full time*.

E apre nou annan 8 ki *seconded to APDAR from other Ministries*. La mon pe koz bann Dokter, *accountant* ki zot, zot sorti dan lezot Minister. So, an total nou annan 117 *staff*.

Si, mon pou al lo ou kestyon ki dir i en pti pe kontradwir avek nou *strategic priorities*. Wi, nou anvi redwir lakantite dimoun an term prevansyon.

Nou pe dir bann *new*, bann nouvo dimoun ki pe vin servi drog. Me selman nou ti a kontan *increase* lakantite ki deza dan adiksyon, nou ti a kontan *increase* zot, anmenn zot lo programm.

So, anmenn sa ki *PS* in dir nou *pe focus* bokou lo prevansyon. Kot nou pe al travay avek lekol.

In fact nou annan en *school based prevention framework* ki nou'n devlope, ki nou ti oule komans li annan pase. Me *COVID* nou'n bezwen met li en pti pe *on-hold*. Me selman la nou pe revwar li avek Minister Ledikasyon pou nou diskite ki mannyer nou pou fer.

Pou nou *focus* lo prevansyon, pou nou anpes sa nouvo zenerasyon ki pe monte antre lo drog. So, sa pou eksplik en pti pe sa bout.

Lo kote ki manner nou fer bann kliyan antre nouvo, nouvo kliyan antre lo program. Nou annan nou diferan fason, nou annan nou *referral* ki nou gannyen *from* bann diferan Lazans, diferan Minister.

Me dan Lazans kot nou, nou menm nou annan en program spesifik, *outreach*. Ki sa i nou bann *staff*, nou bann *peer counsellor*, nou bann *counsellor*, nou bann *psychologist*.

Zot bouze dan tou distrik, ou pou vwar zot pe pase dan tou distrik. Zot al lo bann *ghettos*, zot al dan bann landrwa kot zot, zot ale pou al rod sa bann dimoun ki pa neseserman desann pou vin rod tretman zot menm. Ki zot, zot al annan sa dyalog ek sa bann dimoun e pou ankouraz zot pou vin ganny tretman.

I napa en Bidze spesifik atase avek sa program. Akoz i konpri en kantite keksoz. Nou pe koz sa *needle* ki al avek. *Fuel* pou transportasyon, *the uniform*.

So, i tout ansanm dan nou Bidze an gro, i napa en Bidze separe pou li *for the outreach campaign*. An term kliyan li menm, *as at* le 9 Mars nou ti'n pran dernyen statistik le 9 Mars. Nou annan nou 3525

kliyan ki anrezistre lo nou program *APDAR*, diferan program, tou ansanm. 3525 kliyan. Mersi.

MR SPEAKER

Wi Dr Valentin.

PS BERNARD VALENTIN

Mon ti oule zis azoute Mr Chair ki sa 3500 ekek ki *CEO* in mansyonnen i en parti sa 5000 ekek dimoun ki nou konnen, i annan sa problem adisyon avek Eroin.

Donk letan nou dir ogmant lakantite, i vedir ki nou anvi ki otan ki posib tou sa dimoun ki annan sa problem adiksyon avek Eroin i antre lo sa program pou zot sorti.

MR SPEAKER

Mersi. Wi *CEO*. Wi.

CEO GERALDA DESAUBIN

Sorry about that, mon ti'n bliy sa bout *costing*. Pou en kliyan ki pe servi 60 *milligram Methadone*, en legzanp. Ki pe servi 60 *milligram Methadone*, *costing* avek novo to lesanz la ansemoman i kout li R5 par zour. Par zour.

En boutey *Methadone* li menm i kout apepre en R420 ler nou pe get li avek nouvo *rate*. I kout li R5 par zour e par mwan R60 nou pe depanse lo en

kliyan e par lannen i tonm R1800. Sa pou en kliyan ki pe pran 60milgranm *Methadone*.

Sa i zis *Methadone*. I annan bann lezot *associate cost* ki vin avek, ki nou pa'n azoute. Sa i zis *Methadone* li menm. Mersi.

MR SPEAKER

Mersi. Onorab Michel Roucou.

HON MICHEL ROUCOU

Bonn apre midi Mr Chair. Bonn apre midi *panel*. CEO mwan mon kestyon i koumsa, eski zot i annan en legzersis pou zot vwar konbyen zot bann kliyan ki'n ou kapab dir in mor avek *overdose* ki zot ankor epe servi *Methadone*, an menm tan zot ankor pe servi bann sibstans.

Mon dezyenm kestyon i ki bann program zot pe mazin anmenn dan bann lekol pou nou kapab komans edik nou bann zenn poudir ki drog i en keksoz ki vreman danzere. E ki ler zot komans servi i vreman difil pou zot servi.

Apre mon trwazyenm kestyon, eski zot pe travay ek bann larestan, ou kapab dir Lazans. Parey mon ti pe get sa program *Tete a Tete*, mon ti pe vwar Mr Jude Fred ti pe koz en pti pe lo bann program ki vin avek.

Eski zot pe travay ansanm akoz drog i en keksoz ki nou pa kapab sakenn pe fer pou li, i annan diferan group. Nou bezwen vin ansanm pou nou lalit e parey zot dir, zot bezwen ed zot bann kliyan pou kapab vin byen. Mersi.

MR SPEAKER

Mersi. Wi *panel*, wi CEO.

CEO GERALDA DESAUBIN

Ok, mon pou pran sa de dernyen kestyon, apre sa enn *overdose* mon a pas avek Dr Low Wah. Lo kote travay avek lekol, parey mon ti'n komans mansyonnen dan mon premye kestyon avan. Parey *PS* osi in dir.

Sa lannen avek lannen an alan ki pe vini, nou *focus* i pou met li lo kote *prevention* bokou. Zisteman parey mon'n dir pou nou anpes sa nouvo zenerasyon ki pe monte tonm dan sa serk adiksyon.

So, nou annan en *school based prevention framework* ki nou ti devlope e ki nou ti pou *pilot* li lannen pase dan 3 lekol ki nou ti'n selekte. E li sa *framework* i anglob tou keksoz, nou pou *train* bann *teachers*, *train* bann *school counsellors*.

So, en pti pe dan tou lo kote prevansyon zis pou spesifikman pou anpes bann

manrmay lekol tonm dan sa serk adiksyon.

Nou ti oule enplimant li semenn pase. Selman avek *COVID* nou'n met li *on-hold*. Me selman sa lannen nou pe revwar. Nou pe revwar, nou'n ganny diskisyon semenn pase.

Nou pe komans *initiate* diskisyon avek Minister Ledikasyon pou an vi ki nou anvi ki nou annan nouvo *management*. Pou *bring them onboard* pou zot konnen ki si sa *APDAR*, ki si sa ki nou oule vin fer dan zot bann lekol.

So, sa i enn ki nou pe mazin fer lo kote prevansyon. Lo kote bann lezot partners, lezot *stakeholders*, wi *APDAR* i pa travay li tousel. Akoz *APDAR* pa pou zanmen kapab fer sa lalit li tousel. *APDAR* i travay avek bouk lezot *stakeholders*.

Nou annan nou *National Drug Control Master Plann* ki ti ganny lanse Desanm 2019. E li i *involve* tou bann *stakeholder* nesaser. La mon pe koz *ANB*, mon pe koz Minister Ledikasyon li menm. Mon pe koz *human rights*.

So, tou sa bann eleman, bann konponan nesaser, ti zwenn ansanm pou travay lo sa *master plan* e met bann plan ater. Nou ti pou komans li ankor lannen pase, me *COVID*. I annan serten keksoz ki nou'n

komanse, i annan ki nou'n met *on hold*.

Me selman la sa lannen i annan serten keksoz ki nou'n rebran pou nou kapab re anmenn sa bann *action plan* dan *Master Plan* li menm.

Nou travay bokou avek bann lezot *partners* atraver nou *Board* ki nou ti annan, i annan bokou lezot *partners* ki ti lo nou *board*. Lo nou *Board* nou ti annan Lapolis, nou ti annan Mr Jude Fred li menm, i ti enn lo nou *Board*, reprezantan *CEPS*. Nou ti annan *CARE*.

So, nou annan bokou lezot *partners* ki ti lo nou *board*, ki ansanm nou travay de pre pou delivre bann servi *APDAR*, akoz zisteman *APDAR* pa pou kapab fer li, li tousel.

Mon a pas laparol avek Dr Low Lah, lo kote *overdose*. *Thank you*.

MR SPEAKER

Mersi. Dokter.

CHIEF LIAISON OFFICER DR WINNIE LOW WAH

Mersi Onorab. *Regarding overdose*. Nou fer en legzersis avek nou *MNE office*. Annefe *APDAR* nou annan en *master data base* ki nou anmas non tou kliyan, menm si zot in sorti dan program. Si zot in deside pou pa vin ankor ek nou, nou *still*

annan zot non dan en *data base*.

Prezan sak fwa ki nou tann en *deceased name*, i kapab atraver enn nou bann pasyan ki la dan programm oubyen enn nou bann *staff* ki konn sa kliyan oubyen sa pasyan. E i notifiye nou e nou fer met dan sa sistenm. Nou anmas sa lenformasyon, sa lakoz lanmor.

Akoz kot lasante, sak fwa en dimoun ki mor i annan sa papye ki i donn ou, ki dir ou kwa ki ou lakoz lanmor. So, nou anmas sa. Nou pe fer legzersis ansanm avek *Civil Status* oparavan, me la nou pe fer atraver Minister Lasante akoz zot annan sa *data base* osi tou.

So, nou anmas en rikord e depi lafen lannen pase, nou vwar ki nou anvi annan en *data base* zis pou bann dimoun ki'n *overdose on its own*. So, nou kapab fer en *assessment* pou nou pei pou gete si nou bezwen fer bann programm pou sa bann problemm *overdose*.

Me la an se moman nou napa okenn ka ki'n ganny raporte avek nou *APDAR*, ki sa i en ka konfirman avek *overdose*. Ziska ozordi nou pa ankore ganny okenn ka.

MR SPEAKER

Wi Onorab, ki pwen?

HON MICHEL ROUCOU

Dokter dir mwan, eski zot annan en poursantaz apepre konbyen ki ou kapab dir in mor avek *overdose*? E apre osi mon pe demande, eskiz zot annan en resers ki zot fer lo kote bann drog ki antre dan pei. Akoz souvandfwa ou vwar bann ti *tips* ki vini lo *WhatsApp* oubyen lo *Facebook*, ki dir ou i annan tel draze in antre, zis edik ou zanfan lo la. Ki an ka sa i ariv kot lekol li menm li.

Apre ki mon ti pou demann ou ankore, an term.

MR SPEAKER

Pa azout tro bokou kestyon Onorab.

HON MICHEL ROUCOU

Ok, Mr Speaker. Mon ava aret lanmenm.

CHIEF LIAISON OFFICER DR WINNIE LOW WAH

Ok. *Regarding* poursantaz *overdose*, parey mon'n mansyonnen taler. Nou pa ankore ganny okenn rapor oubyen okenn lenformasyon ki i annan okenn dimoun ki'n sertifiye avek *overdose* ziska la kot nou *APDAR*. Nou pa ankore ganny sa lenformasyon.

Regarding bann drog ki antre dan pei, sa i tonm anba *drug supply*. Nou, nou manda se pou fer rediksyon demann. Savedir ler en dimoun i anvi servi en sibstans, nou anvi li aret servi sa sibstans.

E osi tou nou redwir bann risk ki asosye ler en dimoun pe servi sibstans. Me parkont ler nou pe fer nou bann *assessment* avek nou bann pasyan, *clinical assessment*. Nou fer nou *urine drug test* e dan *urine drug test* i donn nou en lendikatif ki kalite sibstans ki annan a se moman ki nou bann pasyan oubyen nou bann kliyan i ape servi.

Parey Minis in mansyonnen o komansman, o debi. Ki apart ki e Kanabis i annan bann lezot drog ki en pti pe pli efreyan ki pe antre e i annan nou detekte dan nou bann kliyan.

E sa bann drog ki nou pe mansyonnen i bann stimilan par egzanp Kokain, oubyen *Amphetamine* e sa i napa en drog ki kapab ranplas sa bann kalite sibstans konpare avek Eroid, nou kapab ranplas li avek *Methadone* oubyen Espranor ki kapab *allow* sa dimoun pou al fonksyonnen pou fer son bann aktivite toulezour.

Kokain, *Crystal meth*, sa i travay lo zot laservel e i anpes zot pou fonksyonnen, pou kapab konsantre e rezonn byen. E nou napa okenn latizann ki pou target sa spesifikman.

I annan en pe latizann ki ankor anba resers. Me *still* i pa ankor ganny konfirman ki i kapab ganny servi lo en mas popilasyon an se moman.

MR SPEAKER

Mersi Dokter. *PS* wi.

PS BERNARD VALENTIN

Dan sa *Master Plan* ki *CEO* in koz lo la, i osi annan en aktivite ki apel formasyon en *National Drug Observatory*. Savedir i pou en nespes *major data base* ki nou kree e ki tou bann parti prenon pou kontribye ladan, enkli Lapolis pou donn lenformasyon lo tou bann aspe ki annan pou fer avek drog, enkli ki kalite drog ki antre dan pei.

Donk nou an proses la aktyelman pou kree sa *National Drug Observatory*, ki fer ki nou ava ganny lenformasyon total, konplet lo tou sa ki pe pase dan lalit drog isi Sesel tre byento e i ava aksesib pou tou dimoun. Mersi bokou.

MR SPEAKER

Mersi. Onorab Aglae.

HON EGBERT AGLAE

Mersi Mr Chair. Bonn apre midi Minis, *PS* ek *CEO*. Mon premye kestyon Minis.

An vi ki in annan sa sanzman dan, kot *APDAR* pe vin anba direksyon Minister Lasante li menm li, mon ti kontan petet, eklersi mwan Minis ouswa *CEO* menm.

An term ladministrasyon premyerman. Ki mannyer serten prosedir, sirtou parey zot prosedir *procurement* pou. Eski zot pou swiv sa *procurement* ki Minister Lasante in deza annan e etabli.

Ouswa zot pou swiv lezot prosedir *procurement* pou zot kapab *procure*, par egzanp *Methadone* li menm ?

Dezyenmman, mon ti a kontan lo kote vaksinyasyon, petet *CEO*. Si zot pa kapab zot bann kliyan pou pran zot vaksen kont *COVID* li menm.

E dernyen, lo kote *capacity building* zot bann *staff* sirtou. Akoz bann rekomandasyon, sirtou bann norm enternasyonal se ki ler en adikt in fer en serten peryod letan, mon krwar 4an ki zot donnen apeare.

Zot bezwen al lo en lot nivo pou zot pa reste depandan lo *Methadone*, me pou zot swiv bann lezot terapi, tretman ki

annan a dispozisyon. Ziska ler, parey Dokter ou pe dir, sorti lo sa adiksyon.

Ki mannyer nou ete, akoz in pas en pe letan depi ler ki *APDAR* in an legzistans, kote ki nou pe ale *next*? Mon ti kontan konnen. Mersi.

MR SPEAKER

Mersi. Minis wi.

MINISTER PEGGY VIDOT

Mersi Onorab pou ou kestyon. Wi i pou annan serten restriktirasyon ki pou pe pase an menm tan ki *APDAR* pe ganny mete anba parasol Minister Lasante.

E pou sa mon ava demann *PS* pou dir nou enn de mo lo ki mannyer nou pe restriktire. Me an menm tan nou ava dir poudir dan Minister nou esey tou sa ki nou kapab pou fer ansanm, ki koumsa ki nou napa diplikasyon *roles* e tou sa.

So, pou annan serten keksoz, pare egzanp serten servis ki ava fer en sans pou fer tou *procurment* ansanm, ki ava fer en sans pou fer tou bann resers dan menm group.

e selman mon ava demann *PS* si i kapab donn nou en pti apersi. An menm tan pou lot laspe lo ki nou'n mansyonnen, i pou dan sa *master plan*. Me mon panse ki *CEO* avek Dr Low

Lah i a kapab donn nou en pti pe plis. E sirtou lo laspe ki nou pe anvizaze an term lonterm ler nou pe travay avek en kliyan. Mersi.

MR SPEAKER

Mersi, lekel ki pou al premye. PS.

PS BERNARD VALENTIN

Mersi Mr Chair. Mersi *Minister*. Donk sa ki pe arive se ki, sa ki pe sanze se sa ki nou apel *institutional arrangement APDAR*, setou ki pe sanze. Donk *APDAR* pou nepli en *agency* parey in ganny anonse. I pou vin en divizyon dan *Minister Lasante*.

Dan *Minister Lasante*, pa dan *Health Care Agency*, pa dan *Public Health Authority*, dan *Minister Lasante*.

Donk i pou vin en divizyon, me selman tou bann keksoz ki ti'n deza komanse par *APDAR* pou kontinyen parey avan. E byensir anmezir ki nou ale, bann amelyorasyon ki neser dan bann program pou ganny fer si i neser fer amelyorasyon.

Si i neser ranforsi bann program. Me selman tou sa ki'n komanse pou kontinyen. Nou gide ozordi.

APDAR i gide ozordi par sa *National Drug Control Master*

Plan. Sa i pou kontinyen ganny enplimante akoz sa i en dokiman ki parey *CEO* in eksplike, in fer par tou bann parti prenon dan Sesel.

Tou dimoun in kontribye pou fer sa dokiman e sa dokiman in baze en kantite lo bann dokiman enternasyonal, lo bann dokiman rezyonal parey *SADC*, parey *African Union*, parey *COI* kot nou deza annan bann *commitment*.

So, sa dokiman i baze lo la, i baze osi lo bann stratezi nasyonal ki nou'n devlope otour bann lannen. Nou'n pran tousala ansanm, nou'n fer sa dokiman.

E nou annan en dokiman ki konmsi tou dimoun i sipoze annan en par ladan e tou dimoun i bezwen kontribye aprezan pou fer li marse e sa lenplimantasyon sa dokiman i pou reste.

So, bann dimoun ki deza dan *APDAR* normalman tousala pe reste e tou zot bann kondisyon travay pe reste egzaktaman parey i ti ete avan.

I annan de dimoun ki nou konnen in soumet zot demisyon, zot in deside al fer lezot keksoz.

Me selman apard sa tou dimoun in mentenir zot bann fonksyonnen e zot osi mentenir zot bann kondisyon travay.

I annan kekwfa serten dimoun ki nou pou sanz en pti pe zot *job description* parey nou dir, pou aliny li avek travay Minister Lasante. Akoz i neseseer kree bann sinerzi e si i annan par egzanp diplikasyon, ti annan en post dan *APDAR* e sa menm post i annan dan Minister Lasante, ou pa pou kapab ganny 2 dimoun pe fer menm fonksyon.

Alors ou pou fer serten azisteman pou kapab adres en sityasyon koumsa.

Minis ti oule dir mwan en keksoz, wi i annan osi 2 drayver ekspatriye ki'n kite. Petet *CEO* i a koz en pe lo la. 2 drayver ekspatriye ki'n kite.

Me selman apart sa nou pou kontinyen enplimant travay ki *APDAR* in komanse. E akoz nou'n realize ki parey Minis in dir, ki i annan en bon pe bon atraver ki'n ganny fer e nou, nou anvi *build* lo sa bon travay pou ki nou pei, nou pei evantyelman i reisir dan sa batay kont drog. Mersi bokou.

MR SPEAKER

Mersi. *CEO* wi.

CEO GERALDA DESAUBIN

Ok. Lo kote vaksinasyon, wi nou'n komans travay ansanm avek Minister Lasante. *In fact* semenn pase ek sa semenn nou

bann *staff* lo kote *APDAR* pe ganny *training* avek bann *staff* Minister Lasante lo kote vaksinasyon.

E dan 2 semenn nou pe komans en program vaksinasyon spesifik pou bann kliyan *APDAR*. I annan serten nou bann kliyan ki'n fini al pran zot vaksen.

Me bann ki pa ankor pran nou pe fer en program spesifik pou zot kot nou bann klinik diferan pou zot vin pran zot vaksen. *Ok?*

Lo kot *capacity building*. Wi *APDAR* i krwar bokou dan *training* akoz adiksyon i en keksoz ki napa *training* li menm Sesel pou li. Nou ganny bokou lasistans avek bann partner enternasyonal.

An se moman depi 2018, 2019 e pe kontinyen, nou annan 2 program ki an plas, ki nou bann *staff* pe ganny *training* lo la. En *universal treatment curriculum* avek en *universal prevention curriculum*.

Sa i avek en lasosyasyon *Colombo, Sri Lanka* ki donn nou bann *staff training* lo kote tretman avek prevansyon.

Nou'n osi ganny lasistans avek Gouvernman La Reunion, nou ankor pe gannyen. Kot, zot, zot ofer nou en *Diploma in addictology*. E osi atraver *ANHRD* nou gannyen bann

scholarship tou le an kot nou anvoy nou bann *staff train* lo kote adiksyon.

En pti pe lo *going forward* ki plan APDAR;- *for the past 2 years* ki nou'n etabli e pe fonksyonnen, bokou *focus* in ganny mete lo tretman. Tretman, fer sir tretman i *available*, diferan kalite tretman. Pa zis *Methadone*, lezot kalite tretman.

Fer sir kliyan i annan akse avek tretman. E sa in ganny etabli e i pe marse tre byen.

So, nou *focus* i pou sanz en pti pe *going forward*. Parey nou ti dir oparavan nou pou *focus* en pe lo prevansyon. Me lot *focus* ki nou pe vin lo la se lo sa laspe *after care* li menm.

Ki manner ou fer en kliyan re entegre dan lasosyete. Disiplin, ou pa kapab 5an ou ankor la lo *Methadone* ou pa pe travay, zis ou pe ale vini, ou ankor lanmenm.

Nou oule travay avek sa bann kliyan pou annan en *treatment plan*, swiv ou *treatment plan*. 1an ki nou anvi vwar ou *achieve*, 2an ki nou anvi vwar ou *achieve*.

Kan nou anvi vwar ou dan lanplwa. Ki manner nou anvi vwar ou pe kontribye dan lasosyete. Pou donn lanmen ansanm avek lezot dimoun pey sa latizann ki ou pe

kontinyelman pran. So, sa i bann laspe ki nou anvi travay lo la. *After care* avek prevansyon bokou *going forward*. Mersi.

MR SPEAKER

Wi, Onorab. Eklersi.

HON EGBERT AGLAE

Yes, leklersisman. Petet PS Finans i kapab eklersi sa aköz APDAR son kreasyon ti vin parey en parasol. Kot i ti annan serten osi bann lorganizasyon ki ti pe travay avek bann adikt ouswa devlop bann programm avek bann droger.

Eski avek sa sanzman ki pou vin i la PS, petet pou annan en konponan finansyel osi ki APDAR ti osi *facilitate* pou donn sa bann lezot pti lorganizasyon en sours finansyel.

Eski i pou ankor pe mars parey ouswa i pou retourn parey ti ete dan laliny Bidze oparavan? Mersi.

MR SPEAKER

Ok, mersi. PS.

PS DAMIEN THESEE

Mersi Mr Chair. Mon pa okouran ki APDAR i sipoze donn okenn lasistans bann, mon krwar bann NGOs oubyen lekel ki ti pe promouvwar sa bann plizoumwen *drug prevention*.

Si, ti annan okenn NGOs, zot sipoze vin kot Minister Finans, annan en *National Grants Policy*, la kot sipoze *apply* pou zot ganny *funding* pou promouvwar zot bann program ki zot annan. Me pa APDAR. Mersi.

MR SPEAKER

Mersi. Onorab Porice.

HON DOYACE PORICE

Mersi Mr Chair. Bonn apre midi Minis ek ou lekip. Bonn apre midi a tou. Sa kestyon ki mon pe al demande, in deza reponn en pti git lo la.

Me selman eklersi mon ankor enn fwa. Kot sitasyon ki pe pran *Methadone* li menm, konbyen letan i devret lo la e ki lefe i fer sa *Methadone* lo sa pasyan?

Akoz mon dir sa, en pasyan ki al pran *Methadone*, devan mwan mon'n vwar. Napa, konmsi mon pa'n ni ekout personn. I fini i pran son *Methadone* bomaten, dan lespas lertan i antre dan *ghetto*. Ler i fini sorti dan *ghetto* i pran son pti bwar i antre kot li i bwar.

Mon pa ni pou dir an deor, mon'n vwar devan mwan. Konmsi ki lefe sa *Methadone* i fer dan lekor sa dimoun? Si i pous li pou al rod ankor oubyen

kwa. Akoz nou pe vot lo en Bidze ki annan pou aste sa latizann, sa *Methadone* pou donn sa pasyan. Mersi.

MR SPEAKER

Dokter.

CHIEF LIAISON OFFICER

DR WINNIE LOW WAH

Alright, mersi pou ou kestyon. Dabor peryod letan ki en dimoun i lo *Methadone* i toutafe depan lo sa dimoun, sa kliyan, sa pasyan li menm li. I depan lo ki staz son lavi ki in antre dan servis, ki ler i pe servi drog.

E pandan sa peryod letan ki sityasyon son lanvironnman otour li i ete. Problem finans, lafanmir, lanplwa. Tousala.

So, tousala i zwe en rol, i annan en lefe, en lenpak lo lavi sa dimoun. An se moman parey nou pe koze la, i annan diskisyon ki nou pou fer en program 2an.

Me selman sa i pa ne serman ki en dimoun apre an fodre i arete sa *Methadone*. Pa ne serman, i tou depan lo sa endividuelman, lo ki staz in arive lo son *treatment plan*.

Me pou sa peryod 2an, li i pou donn nou en edikatif kantite kliyan i aktyelman i tonm dan sa bout pou al lo kronik oubyen i annan en ta problem sosyal ki nou, nou

pei nou bezwen get ladan e ranforsi lezot Minister, Minister Lasante pou ed sa bann kliyan.

Lefe ki *Methadone* i annan, parey *PS* in eksplike taler. *Methadone* avek Eroiin i tonm dan menm kategori drog li.

Zis enn son peryod letan lefe ki i fer dan lekor i pli kour, alors sa dimoun i bezwen pran plis doz dan en zournen pou li kapab fonksyonnen. *Methadone* li, son peryod dan lekor ki reste i 24 a 36ertan.

Me selman *Methadone* i napa sa *feeling*, sa sansasyon ki ou ganny *high* ler ou pe pran li, si ou pe pran son *dose* ki *adequate* pou sa dimoun.

Si sa dimoun i al par lao sa doz ki i sipoze pe pran, la i kapab ganny en pti *kick* ki fer li tant pou plizoumwen andormi. Santi li konmsi dan apre midi en pe fay, fay.

Me parkont i annan kliyan sirtou lo sa *harm reduction* a *low threshold program* akoz son bann *threshold* ki nou, nou kit ou lo program i pli ba ki en program tretman.

Sa kliyan, si li i al servi drog par deor nou program, nou napa bokou kontrol lo zot. Par egzanp *CEO* in mansyonnen. Nou annan disiplin dan nou bann program.

Pou sa program *high threshold*. Nou, nou dir si nou vwar ki ou pe servi Eroiin an menm tan avek nou *Methadone* nou annan aksyon ki nou pran kont ou.

E sa i kapab enn bann rezon ki nou vwar ki plis nou bann kliyan i tant pou al pou sa *harm reduction*. Me selman sa *harm reduction program* i pe montre ki i annan bann benefis pozitiv ki vin avek osi tou.

MR SPEAKER

Ok. Mersi Dokter. *PS* wi.

PS BERNARD VALENTIN

Mon ti a kontan dir osi Mr Chair, ki i posib ki en dimoun i annan plis ki en adisyon an menm tan. I kapab adikt avek en sibstans dan en group e adikt an menm tan avek en lot sibstans dan en lot group.

Donk si ou pe pran en latizann pou sa group i pa pou neseserman rezourd ou problem ki asosye avek adiksyon dan en lot group.

So, se pour sa rezon ki posibleman i annan dimoun i menm si i lo program *Methadone*, akoz i annan sa lot adiksyon, i bezwen sa lot sibstans pou kapab rezourd son *craving*. Mon pa konnen si ou konpran sa lozik.

MR SPEAKER

Wi Onorab, si ou bezwen eklersi.

HON DOYACE PORICE

Wi, zis en pti komanter. Mon byen apresye zot in donn mwan sa leksplikasyon e mon byen kontan Minis avek sa Gouvernman in aksepte pou re donn *Methadone* ankor, akoz kante zoure ki nou ti pe gannyen deor pangar nou kennsel sa *Methadone*. Mon byen apresye sa. Mersi.

(APPLAUSE)

MR SPEAKER

Onorab Mondon.

HON TERENCE MONDON

Mersi Mr Chair. Bonn apre midi Minis avek ou delegasyon. Mon premye kestyon. Ler mon'n pran zot Bidze mon'n tir sa *capital budget*. Mon'n fer en distribisyon zot diferan *heading*. Program 1 ziska 4. Mon vwar ki apepre 50 poursan. 49.2 poursan i lo tretman avek reabilitasyon. E 28.1 poursan i lo governans e prevansyon e ledikasyon i 4.7 poursan Bidze ki ganny *allocate* e *community support* i 18.4 poursan.

Nou'n koz lo prevansyon, nou'n dir ki sa, zot defi se ki zot

in ganny en retar, in eksplike akoz. E pou mwan mon avi konnen dan zot program la, dan sa prevansyon kwa ki'n anpes zot komans pli boner?

Akoz nou pe koz prevansyon, i pa kout bokou. Petet olye 4an pli tar, 2017 APDAR ti pe enformen ki aprezan ki nou pe koz prevansyon anba sa program.

E mon dezyenm kestyon i lo size sa kou. Sa kou ki labi sibstans i anmennen lo nou sosyete. Mon konnen zot in koz en pti pe, zot in fer *survey*, zot in fer enn de bann sif zot in donner.

Me selman eski zot pe mazine fer en letid aprofondir pou nou kapab etabli vreman konbyen pe kout sosyete labi sibstans avek tou sa bann program ki pe donner.

Akoz i annan bann tretman pou bann dimoun ki anba sa swen. I annan krim, i annan en kou tousala pou sosyete.

Eski zot pe mazin petet fer en resers ki donn ki nou en sif, ki kapab montre vreman konbyen labi sibstans pe kout nou pei? E sa ti pou ed nou vwar pli tar avek bann program si vreman bann program. Lekel bann program ki *cost effective*.

Dokter in dir nou poudir ler i pe get rediksyon dan *Hepatitis C* i montre poudir vre i annan serten sa. Me mon anvi konmsi nou ganny li pli kler avek bann letid pli aprofondir pou nou kapab vwar vreman bann program ki mannyer pe marse lavenir. Eski zot annan sa dan zot plan pou fer?

E trwazyenmman mon kestyon i lo kote labi sibstans i plase pari bann problem lasante nou pei? Si zot pe fer en plasman labi sibstans kote i ti pou plase? Mersi, Mr Chairman.

MR SPEAKER

Mersi. Wi, CEO.

CEO GERALDA DESAUBIN

Ok, mersi Onorab pou ou kestyon. Lo kote prevansyon, i pa ki i pa ti pe ganny fer. I zis sa *school based prevention framework* ki'n ganny retar. Prevansyon i toultan la. *In fact* nou *Prevent* ek *Education Division* i *the ex Drug and Alcohol Council*.

So, zot ti pe fer sa travay depi en bon pe letan pase. E ler in bouz anba *APDAR* atraver kreasyon *Lazans*, in vin dan *Prevention and Education Division*.

E zot, zot fer bokou keksoz. I annan bokou bann

sesyon ki zot al fer dan diferan landrwa. Diferan landrwa travay, zot al dan lekol prive, lekol leta. Servis piblik. I annan bann diferan, diferan sesyon *awareness* ki zot al fer. Lasemenn, Sanmdi, Dimans. Nenport ki ler. Ki zot fer lo kote prevansyon.

I zis sa spesifik *framework* ki nou'n devlope ki'n ganny en pe retar lannen pase avek *COVID* akoz *closure* bann lekol in en pe difisil. Me selman prevansyon in toultan la e i ankor pe fonksyonnen.

Lo kote sa *surveys* avek *research*. Wi, i en keksoz ki nou'n mazin lo la. Nou ti fer en premye *survey* pou nou etabli sityasyon drog dan pei li menm, nou ti fer li an 2017. Me selman son *cost* nou pa'n zanmen fer sa *survey*.

Me selman i en keksoz ki dan nou plan, nou ti pou bezwen lasistans en *health economist* pou nou kapab fer li akoz i annan sa bann laspe medikal lasante ki vin avek.

La vi ki nou pou tonm anba Minister Lasante, nou annan diskisyon ki'n komanse pou nou ganny lasistans pou nou kapab fer li.

Mon a pas laparol avek swa Minis, swa *PS* pou reponn sa enn lo kote labi sibstans i plase. Mersi.

MR SPEAKER

PS.

PS BERNARD VALENTIN

Mwan mon a dir ki labi sibstans i plase tre, tre o lo problemm lasante ki nou annan. Tre, tre o. I posib ki i menm premye.

Akoz ki mon dir sa ? Akoz letan nou dir labi sibstans. I pa vedir zis labi drog, i osi labi lalkol. I osi labi sigaret, i osi labi plizyer lezot sibstans. E si ou ti kapab kontinyen elarzi lo la.

Problemm labi disik i en problemm, osi. I en sibstans li osi. Problemm lezot sibstans, mon pa konnen mwan. Kafe, tout sort kalite. I annan sa bann sibstans ki legal, i annan sa bann sibstans ki ilegal.

Me selman tou sa bann sibstans letan ou pran li an ekse, *whether* legal ou pa legal, i annan lefe lo lasante.

Par egzanzp disik nou konnen ki i fer lo lasante, disel nou konnen ki i fer lo lasante. Bann delwil ki pa rekomande, nou konnen ki i fer lo lasante. So, sibstans zeneralman i en gro problemm e nou bezwen adres li dan diferan fason.

Me selman labi drog ki nou pe koz lo la ozordi, labi drog i kontinyen en problemm tre, tre enportan.

Prezan, konbyen i koute problemm drog dan Sesel? Nou kapab dir konbyen i koute si nou pa fer naryen, nou les bato marse kondir. Konbyen i koute? Oubyen si nou fer bann entervansyon.

Letan nou fer bann entervansyon sa bann kou sa bann lentervansyon i paret enorm. E i enorm vre. Me si nou pa fer naryen, son kou i ankor pli enorm lo pei.

Alors i absoliman neserer ki nou fer program ki baze lo levidans, program ki nou konnen in marse dan lezot pei pou nou kapab evantyelman redwir sa kou lo pei e met pei dan en pli bon pozisyon. Mersi bokou.

MR SPEAKER

Minis wi.

MINISTER PEGGY VIDOT

Mersi Mr Chairman. Mon ti ava zis fer en komanter lo Bidze ki nou'n dir i *allocated* pou prevansyon. Mon krwar nou, definitivman nou ti a kontan vwar bokou plis Bidze ganny mete lo prevansyon dan tou nou program.

E malerezman sa i toultan en pti pe pli pti aköz nou pe travay dan en *ceiling* e bann lezot keksoz ki byen bezwen

parey bann *goods and supply*. Sa enn ler i ganny priyorite.

Me selman letan nou pe *regard* prevansyon. Prevansyon pa pe ganny zis fer par *APDAR*. Prevansyon i ganny fer en pe partou. Parey i ava annan sertennman en pe ki al dan Minister Lasante li menm, Minister Ledikasyon.

Dan bann *NGOs* parey *CARE*. Parey lezot ki pe travay dan prevansyon. So, letan, si ou ti pou met tou ansanm ou ti ou ava vwar kekfw Bidze prevansyon lo en nivo nasyonal i bokou pli o ki'n ganny *allocate* dan *APDAR*. Me selman pour lemoman nou ti a kontan vwar sa osi monte.

MR SPEAKER

Wi Onorab Mondon.

HON TERENCE MONDON

Wi Mr Chair. Zis pou dir *PS* ki mon ti pe met lanfaz lo sa sibstans lalkol, drog ki vreman ki priyorite, ki pe travay, ki *APDAR* pe travay lo la.

Koman, pou nou fer sa letid pou nou vwar zour vreman son lenpak dan nou sosyete an term lo kou, lo Bidze osi ki Seselwa i peye. Mersi Mr Chairman.

MR SPEAKER

Mersi. Onorab Vidot.

HON AUDREY VIDOT

Mersi Mr Chair. Mon kekyon pou Minis. Minis si nou'n konpran byen nouvo ladministrasyon *APDAR* i pou kontinyelman fonksyonn koman sa Lazans.

Me avek reform kot Gouvernman pe met, pe bouz *APDAR* anba Minister e pou kontinyen fonksyonn parey bann lezot lazans ki tonm anba Minister Lasante avek zot bann *Boards* si mon'n konpran sa tre byen.

Dezyenm, Minis nou kontan ki nouvo ladministrasyon pe valoriz sa lekip *APDAR*. Akoz nou osi, nou, nou aport bokou sipor depi dan sizyenm Lasanble.

E nou lo sa kote latab nou konnen ki *LDS* son problemm avek *APDAR* ti Dokter Patrick Herminie, ti senp sa.

E la ki dokter in kit Gouvernman, e antretan ki sant pa ankor ganny konstrir, eski Minis i kapab dir nou si nouvo ladministrasyon i annan plan enplimant sa programm anvoy kliyan *APDAR* lo zil e al lo programm *cold turkey*, parey dirizan Lopoziyon dan *LDS* ti koz for lo la, dan sizyenm Lasanble?

Si wi Minis kan ki *APDAR* i anvizaze fer sa? E si non, kwa

ki'n sanz nide Prezidan. Akoz nou konnen poudir sa lekip ki solid ki Dokter in kit la.

Si sa bann travay ki zot pe fer in finalman ganny vwar poudir ti dan lentere nou bann frer ek ser ki ti dan bezwen sipor? Mersi.

(laughter)

MR SPEAKER

Onorab silvouple. Les, gard en pe lord.

MINISTER PEGGY VIDOT

Onorab! Mersi pou ou kestyon.

MR SPEAKER

Minis ou a adres sa ki Onorab in dir.

MINISTER PEGGY VIDOT

Onorab. Mersi pour ou kestyon e mon ava dir ou poudir dan nou prezantasyon la. Nou'n ganny a demande pou, demann pou reponn serten kestyon. E nou pe al donn, direksyon ki APDAR dan koman en divizyon dan Minister Lasante pe pran.

Nou pa'n mansyonn okenn program ki lo zil, nou'n a dir ki sa ki pe gid nou, i en program, en *Master Plan* ki'n ganny met ansanm par diferan partener, par dimoun ki konsernen avek ede pou kontrol labi sibstans dan Sesel.

Se sa ki pe gid nou e se sa ki nou'n dir poudir nou pe travay lo la. Nou pa'n fer mansyon okenn zil, nou pa'n fer mansyon okenn *cold turkey*.

Sa ki'n pase, sa ki'n ganny dir i pa dan sa plan ki nou nou'n dir nou pe travay lo la e sa se nou pozisyon.

(APPLAUSE)

MR SPEAKER

Mersi. Wi Minis. Wi ou bezwen klarifikasyon Onorab?

HON AUDREY VIDOT

Non-mon zis pe dir Minis mersi pou ou larepons akoz zis Seselwa ti anvi konnen lekel ki'n koz manti avek zot. Mersi.

MR SPEAKER

Lekel ki pe kwa Onorab? Repet sa Onorab?

HON AUDREY VIDOT

Mon'n zis dir, i byen mon kontan ki Minis in eksplik dapre zot plan nouvo ladministrasyon.

Savedir i montre lekel ki dan sizyenm Lasanble ti manti avek zot letan zot, zot pou zot rod vot pou ganny eleksyon! Mersi.

MR SPEAKER

Onorab sa remark pa apropiye, selman mon pa pou pas plis letan lo la, pou nou gat letan.

Nou a kontinyen silvouple. Onorab Andre.

HON CLIFFORD ANDRE

Mersi Mr Chair. Mr Chair mon vremen apresye Minis Vidot, bann repons ki pe donn nou an referans avek sistenm lasante. E i montre ki Gouvernman LDS, Prezidan Ramkalawan, Minis Vidot i bann dimoun solid ki'n pare...

(APPLAUSE)

HON CLIFFORD ANDRE

... ki pare pou met Seselwa devan e fer sir ki zot, bann Seselwa zot vin o sant devlopman nou peil!

Avek sa Mr Speaker mon premye kestyon i lo bann, bann dokiman ki, ki nou'n ganny donnen. Dan program 1, letan nou get detay ki Minister Finans in donn nou, mon pa konnen si Minis oubyen PS, CEO i annan sa bann detay.

Be letan nou get '*other service agree*' mon mazine 'agreement' dan bann detay ki nou'n gannyen. I lir R1milyon 84mil, mon ti a kontan konnen ki kalite sa bann *service agreements* sa e anba program 1 i annan *local consultancy* osi

ki 95mil. Ki bann konsiltan ki zot annan? *Board Members allowance* 760, 760mil.

I annan en keksoz ki, ki, ki pe trakas mwan ladan letan nou pe get dan sa *programme 1* Mr Speaker. I annan *fines ek penalties* ki R7mil.

So mon pe rode ki *fines ek penalties* ki zot gannyen si sa i zot loto ki al. konmsi mon ti a kontan gannyen en pti pe.

Apré nou annan '*overseas airfares*', in sorti, i R14milyon. Eski sa i en fot? Mon pe zis gete. Be mon pe lir sa ki'n donn mwan ekoute.

MR SPEAKER

Ale, ale. Ale Onorab, poz ou kestyon les Minis. Silvouple bann Manm les *panel* adrese silvouple zot a korize.

HON CLIFFORD ANDRE

I 14 milyon.

MR SPEAKER

PS i kapab

HON CLIFFORD ANDRE

Dapre sa dokiman ki'n donn nou kekfwa, i en lerer. Me selman sa kekfwa PS Thesee i kapab klarifye nou.

Apré nou annan *treatment* dan anba *programme 3*, '*treatment and rehabilitation*'. I annan en '*other allowance*' ki

3milyon ki dan program 1, program 2, i paret ki sa i 0.

So akòz zot annan ankòr en ‘*other allowance*’ anba ‘*treatment ek rehabilitation*’. Mersi.

MR SPEAKER

Mersi. CEO, wi.

CEO GERALDA DESAUBIN

Ok, Onorab pou reponn ou premye kestyon. ‘*Other service agreement*’ sa i, sa vot ki nou servi pou nou pey nou bann *part time workers*, nou bann *part time nurses, pharmacist* so tou sa bann peyman *part time* i pas anba ‘*other service agreement*’ sanmenm sa ou pou vwar li i *feature* anba zis *programme 1*.

Lo kote *Board* sa *figure* pou *Board* i la akòz ler nou ti pe travay lo sa Bidze zisteman ti pa ti ankòr sa annan sa lanons ki Prezidan ti fer lo kote *Board Members*.

Me selman *as of February* parey tou larestan *Board* bann *members* pa'n resevwar okenn peyman sa i atraver desizyon ki Minister Finans in fer.

Savedir sa i pou ganny *remove* ladan. ‘*Overseas airfares*’ i pa 14milyon i 14mil, parey *PS* ti mansyonnen kekfwa i en pti fot par Minister Finans

me selman i zis 14mil dan *cash flow*. Ok.

MR SPEAKER

Ok.

CEO GERALDA DESAUBIN

Sa akòz i pe *feature*, mon konnen poudir tou larestan landrwa napa okenn ‘*overseas airfares*’. Me solman pou nou i annan, akòz nou annan sa *repatriation of de foreign workers*, ki nou pe fer arete pe fer retournen dan zot pei.

So sa en Lagreman ki nou'n gannyen avek Minister Finans, pou met sa R14mil la zis pou pa fer sa, fer sa peyman.

Anba sa program 3, sa ‘*other allowances*’ sa i ganny servi pou nou pey nou bann *PE educators* ki travay avek lazans lo en la baz *part-time* osi. Mersi.

MR SPEAKER

Wi. Klarifikasyon Onorab?

HON CLIFFORD ANDRE

Wi mersi Mr Speaker. Mr Chair. Mr Chair me konmsi letan mwan mon pe get sa dokiman mon pa kapab dir ou si *CEO* i annan, sa dokiman.

Lo sa dokiman ki nou, nou annan. Bann Manm Lasanble i sorti, i sorti *R99thousand* i mont 14086. I mont 14086, so, mon ti a kontan akòz si nou,

nou pe, nou pe travay lo en sif
Mr Speaker, i byen nou annan
...

MR SPEAKER

Yes. Les PS korize.

HON CLIFFORD ANDRE

Yes. Ok, mersi.

MR SPEAKER

Yes, PS

HON CLIFFORD ANDRE

E mon konnen ki mon pe gete
mersi bokou.

MR SPEAKER

Wi. PS eklersi.

PS DAMIEN THESEE

Mersi Mr Chair. I annan en
decimal point avek sa. i 14.086
savedir R14mil. Akoz si ou get
son total pou '*transportation
and travel*' i selman 630mil.
Mersi.

MR SPEAKER

Mersi ok. Nou ava aksepte sa.
Tre byen. Onorab Bastienne.

HON DESHEILA BASTIENNE

Ok. Mersi Mr Chair. Bonn apre
midi Mr Chair, bonn apre midi
Minis ek *panel*, bonn apre midi
tou Onorab.

Mon, mon kestyon i pou
kot *programme 'performance 'or*

*programme 1 'governance
management and
administration'.*

Ler nou get son *Revised
Budget* ti 13milyon e apre in
monte in vin 46milyon. E mon
ti a kontan konnen ki, si akoz
sa gran diferans mon ti a
bezwen, mon ti a kontan en
leklersisman?

Apre nimerò 2 an kot
'treatment and rehabilitation'
programme 3. I annan en bes
sorti 25mil pou vin 22mil, sorti
25milyon pou vin 22 milyon.

Eksplik nou akoz sa, sa
bes, si sa i montre nou ki plis
dimoun in sorti lo Eroin?

E apre dan latab statistik
kot *table 'minors accessing the
aftercare services'* mon ti a
kontan en pti leklersisman.

Mon vwar en sif 298
apartir le 9 Mars 2021. Mon ti a
kontan konnen apartir ki laz sa
bann *minors*? Ki kalite tretman
zot resevwar? E si zot osi zot al
dan menm landrwa kot sa bann
adilt i al resevwar zot tretman?
E ki kalite sirveyans ki ganny
fer lo zot? Mersi.

MR SPEAKER

Wi CEO.

CEO GERALDA DESAUBIN

Ok, bon. Onorab mon pou pran
ou premye de kestyon ki'n koz

direk lo Bidze apre Dokter Low Wah i a koz lo *minors*.

Lo kote *programme 1*, wi i annan sa gran logmantasyon ki ou pou vwar e sa i prensipalman akoz sa logmantasyon dan *PSIP*, ki lannen pase ti annan zis 25milyon ki ti atase avek *PSIP* pou konstriksyon sant.

Me sa lannen li in ogmante in vin 34milyon e apre i annan en lot 2milyon ki *feature* sa i pou finisyon lo renovasyon lo *ex-CID Building* Mont Fleuri.

So sa i fer ki ou pou vwar sa gran logmantasyon dan *programme 1*. Lo kote *programme 2* wi, i annan en depans en rediksyon lo nou bann *expenses, it doesn't mean* ki nou bann servis i redwir.

Me lo kote bann lakaz ki nou pe *rent*, nou annan en rediksyon ki tonm anba la spesifikman pou sa bann travayer ki nou pe fer arete e fer retournen.

Nou annan en *major* rediksyon osi lo kote *catering services*, ki nou ti annan avek *Skychef*. Nou ti annan en Kontra avek *Skychef* pou *Wellness Centre*, ki li i ti apepre en R2milyon.

Me sa kontra in ganny transfer avek Minister Lasante sa lannen, zisteman akoz

Wellness Centre, zot ki servi plis lo kote *Psychiatric Unit*.

So ler nou'n diskite nou'n santi li neserer ki zot ki administre sa Kontra. Sa i *the main* rediksyon ki ou pou vwar anba *programme 3*.

E apre bann lezot rediksyon i, bann rediksyon zeneral ki Minister Finans in fer en pe partou dan tou landrwa lo kote '*goods and services*'. Mersi.

MR SPEAKER

Dokter wi.

CHIEF LIAISON OFFICER DR WINNIE LOW WAH

Ok Mersi. *Ok, regards* pou bann *minors*. Annefe dan lazans nou annan apepre 298 *minors* ki'n rezistre dan nou program *up to the 09th of March*.

Ki bann servis nou annan, nou pou bann miner nou pa, nou pa met zot, nou pa *advice* pou met zot lo en lot sibstans pou zot vin depandan lo la. *For example, Methadone* oubyen *Espranor*.

Nou, nou lobzektif se pou tir zot lo okenn sibstans ki zot pe servi e sa mazorite bann travay i bann travay, bann sipor bann psikososyal.

Savedir nou annan psikolog, nou annan nou *counsellors* ki travay tre pre ek zot e i swiv zot i fer en *treatment*

plan osi pou zot. I swiv zot pou fer sir ki zot pa pe reservi sa bann, sa bann sibstans.

Parkont ant laz 16an a 18an depandan lo ki splander problem sosyal sa miner i vin devan kot nou avek. Nou annan *Espranor* ki son non zenerik i *Buprenorphine* ki nou servi pou nou ranplas, si pe servi eroin pou ranplas sa eroin ziskan ler sa dimoun, sa manmay i kapab sorti lo sa *Espranor*.

E fonksyon byen san okenn sentonm sevraz ki kapab afekte son lekoul oubyen son lavi de tou le zour. *ok*. Mersi.

MR SPEAKER

Mersi. Onorab Naidu.

HON SATHYA NAIDU

Bonn apre midi Mr Chair. Bonn apre midi Minis ek *panel* ki sorti kot *APDAR*.

Lo size *Methadone* pli boner sa lannen ti'n annan en mankman. Eski sa Bidze ki devan nou, i donn nou sa garanti konmkwa i pou napa okenn mankman e sa i aplik pou bann lezot medikaman osi?

Lo kote psikolog, konbyen psikolog pe travay anba zot lazans? E eski i annan okenn etranze osi ki pe travay dan sa kapasite?

E lo size re - *well* zot pe al konstri en sant, pou adres

reabilitasyon, eski pou zis vize ouswa baze, lo adiksyon ki konsern drog ouswa lezot sibstans osi pou ganny kouver? Mersi.

MR SPEAKER

Mersi. Wi *CEO*.

CEO GERALDA DESAUBIN

Ok. Lo kote *provisional psychologist* avek *psychologist*, wi nou annan en *principal psychologist* ki li i en Sid Afriken.

Akoz nou pa ti ganny en Seselwa, nou ti bezwen rod enn etranze. Apre nou annan de *provisional* ki zot, zot Seselwa.

So an se moman nou annan nou zis trwa *psychologist* ki pe travay avek sa 3525 kliyan.

Lo kote sa mankman *methadone*, nou'n ganny diskisyon avek Minister Finans pou *increase* nou Bidze pou *medical supplies* si ou pou, ou pou get byen nou Bidze ou pou vwar poudir i annan en logmantasyon, i annan en logmantasyon 1.3,1.4 milyon dan nou Bidze *medical supplies*.

Menm si kekfwa i pa sa kantite ki nou ti ava kontan gannye pou nou travay avek, me selman sa i nou *ceiling* ki nou'n gannye avek, avek Minister Finans, e sa i apepre

lakantite ki nou ti depanse lannen pase, lo nou *medical supply*. So nou a kapab sey zwe avek li pou, pou sa lannen, lo kote medikal ki i ava napa okenn mankman.

E si nou pe vwar osi poudir ki nou bezwen *funding extra*, nou a vwar dan nou Bidze kote nou kapab fer bann *savings* ki nou kapab *vie* pou nou *meet the requirements*.

Ok, mon a pas avek Minis pou sa kestyon.

MR SPEAKER

Minis wi.

MINISTER PEGGY VIDOT

Mersi Onorab pou ou kestyon. Wi, i annan dan plan pou nou konstri en sant reabilitasyon.

Parey ou vwar keksoz i evolue, keksoz i sanze de zour an zour. Ler sa sant reabilitasyon ti ganny konsevwar, problemn ti en serten fason. E kekfwa zot in konsevwar li pou adres problemn a sa *temps*.

Problemn pe sanze, en sif ki ler mon pe regard figir en kantite, *MNA* la ler nou'n donn sif ki nou annan 299 miner ki'n ganny afekte par sibstans. Mon'n vwar poudir ki in annan serten antre nou kekfwa ki'n *étonner*.

Alor nou vwar poudir bezwen, bezwen i diferan e alor sant pou konstir, me ki servis ki sant pou ofer, i ankor an diskisyon aköz nou bezwen pran en bon analiz, bezwen *substance abuse*.

E apre la nou ava kapab klasifye ki kantite ki rezidansyel, ki kantite ki al pou tel, tel, tel program.

Solman an gro, en sant wi pou konstir e a nou ava vwar ki mannyer sa pou ganny servi e ki kalite servis pou pe donner dan sa sant. Mersi.

MR SPEAKER

Mersi. Onorab Cosgrow.

HON WALLACE COSGROW

Mersi Mr Chair. Bonn apre midi bann zofisye *APDAR*. Mr Chair permet mwan fer en pti letour lorizon lo sa size *APDAR* avek tretman adiksyon eroin Sesel.

Avan 2017, ti annan bann lorganizasyon ki ti pe ed bann dimoun ki'n pri dan adiksyon drog Sesel. Ti bann pti lorganizasyon ti pe sey fer mannyer zot kapab pou zot kapab anmenn zot kontribisyon dan lasosyete.

Mon dir sa aköz mon rapel bann letan ki mon ti travay kot Lazans Proteksyon Sosyal, en kantite bann paran ti vin ver nou pou gete si zot

kapab ganny en lasistans sosyal pou zot kapab met zot zanfan lo sa bann program sa letan, akoz i annan bann program ki ti peye.

Me mon salye, Prezidan Faure an 2017, pou entrodwir APDAR. Prezidan Faure dan son lasazes in vwar ki ti bezwen en travay byen kordinen pou nou kapab *deal* avek sa sityasyon drog, ki ankor pe *deal* avek ozordi e ki mon asire, ki mon konnen, i pou pran en pe letan parey zot in dir pou nou kapab met sa sityasyon anba kontrol.

Prezidan Faure in *set-up* APDAR konpare avek lezot ki ti dir anvoy zot *cold turkey*. So Mr Chair dan sa laliny mon ti a kontan demann *CEO or whoever* lo *panel* pou dir nou sa sant ki annan 34milyon dan Bidze pou konstrir.

Eski i *from* nou Bidze, or i donasyon ki ti ganny promet *from* Emirat Arab Ini?

E osi dir nou sa sant Minis in dir en pti pe poudir i riske annan sanzman dan fason ki sant i ganny servi.

Me prensipalman sa sant, eski i pou en sant rezidansyel kot pou annan bann diferan aktivite ki bann adikt i kapab fer, e pour zot kapab pas zot lazournen e annan en diferan

kalite tretman dan plas zis *methadone, methadone?*

Dezyenm Mr Chair. Eski zot kapab dir nou lekel ki pou *manage* zot bann *consumables*. In ganny dir boner poudir *procurement* pou ganny fer par Minister Lasante, lekel ki pou *manage* zot bann *consumables?*

Eski zot pou *manage* zot menm APDAR, or zot pou bezwen al fer *réquisition from central stores* sak fwa zot bezwen bann *consumable* pou zot servi? Mersi bokou Mr Chair.

MR SPEAKER

Mersi. Minis wi?

MINISTER PEGGY VIDOT

Mersi Onorab, pou ou kestyon. Wi parey nou'n dir i pou annan en sant e sa sant a nou mazin en pou tretman serten, kalite adiksyon i pou bezwen annan en porsyon rezidansyel.

E parey mon pe dir, nou bezwen regard sityasyon la e koman pe evolye, konmsa ki nou kapab planifye ki pli bon a servis i pou annan dan sa sant.

So sa i pe, i pe ganny fer e nou ava kontinyen ziske ler nou ava *come* en desizyon ki manner pou aporsyon sa plan.

Ou demande si sa larzan, si sa sant pou ganny batir avek

fon ki'n deza ganny *pledge* par Gouvernman UAE. Wi, sa pa'n sanze i ankor dan menm fason. I pou ganny konstrir, nou pe ganny asiste avek sa, avek sa Gouvernman.

Koman *procurement* pou fer? Kote ki keksoz pou ganny tenir? Lekel ki pou *manage*? Sa i en keksoz entern ki ankor pe diskite. Parey PS in dir, i fer sans pou nou, si nou en Minister, pou nou annan en menm metod pou fer *procurement*, en menm metod fer nou *stock management*, en menm metod fer *whatever* ki nou bezwen fer pou nou *this manage* nou *supplies*.

So i ava ganny fer e nou a vwar ki metod ki pli apropiye, ki pli efikas pour tou antite dan lasante. Mersi.

MR SPEAKER

Mersi Minis. Onorab Loze.

HON JOHAN LOZE

Mersi Mr Speaker. Mr Speaker mon premye kestyon, se letan *following the science* konmsi letan zot swiv lasyans. Eski APDAR, depi son kreasyon ziska *maintenant* in fer en progre mezirab? In *tick the right boxes*? In fer bann keksoz ki syantifikman akseptab, pou aport en rezilta ki mezirab e ki pou viz ver fer sa problem vin

soutenab *on it's way to achieve* en rezilta? Sa i mon premye kestyon.

Mon dezyenm kestyon se, i al dan direksyon *culturally responsive healthcare*. Eski zot profil en pe zot kliyan kot APDAR, zot gete lekel ki *prone*, pour ki siseptib pou tonbe. Dan en fason kot evantyelman zot kapab *deal* dan en *profile* poudir be vwala i tel, tel, tel ou tel.

Swa base lo *gender* pa neserman *race* aköz nou en *mixed*, *ethnicity* Sesel. Be selman enn bann *issues* toultan avek *substance abuse* se, bann pep ki'n sorti, ki'n sorti dan lesklavaz ki'n ganny *subjugated peoples*.

E zot tant pou en pe siseptib pou tonm dan labi sibstans. I koumsa an *Australie*, Irlande osi zot for ek zot gines, apre sa ki Angle in fer zot so, i annan sa kote.

E mon dernyen pwen ki mon ti oule leve. Zot in koz lo bann sipor psikososyal ki zot donneren toutaler.

Eski zot santi par lepase ki bann sipor psikososyal ki zot ofer in ase byen striktire, in, in fer lesansyel ki i ti sipoze fer, e ki, ouswa petet i annan bokou plis ki neser ganny fer?

E ki nou bezwen, aköz i annan bann zenn Seselwa ki

vini dan sa *field* apre ou, ennler ou tande zot pe travay *NCC*, en pti moman ou tande zot in kit Sesel zot ale.

So, in the past in annan lenpresyon ki in napa pozisyon pou zot okipe, se tou Mr Speaker. Mersi.

MR SPEAKER

Mersi Onorab. Lkel ki a pran sa bann kestyon? Dokter, Komanse.

CHIEF LIAISON OFFICER DR WINNIE LOW WAH

Ok. Mersi Onorab pou ou kestyon. An viza, premye, premye kestyon bann progre ki mezirab pou *APDAR* nou'n fini mansyonn detrwa o komansman *regard*, an regar pou bann nouvo ka, bann to Epatit *C* ki nou'n vwar in redwir e sa menm in aplikab pou *VIH* osi tou *HIV*.

Nou'n vwar en pe rediksyon, nou bann dimoun ki servi sibstans e ki zot nouvo dimoun ki pe *present* avek sa maladi in redwir.

An plis ki sa i annan lezot *index*, ki nou servi par egzanp krim. Depi si nou konpar bann statistik de komansman 2017, *over the years* pti a pti in desann.

E menm dir ki lannen pase ti annan sa problemm kriz,

ziska la i annan sa problemm kriz ekonomik. Ki nou ti pe sispekte ki kapab, aköz napa bokou landrwa travay pou zot kekfwa zot ti pou al fer plis krim.

Me sa pa'n, kanmenm dir in ogmant en pe atraver statistik sorti kot *NBS*, i pa'n depas sa sif ki ti la an 2017. So pou nou i *still* en bon progre.

Lo dezyenm kestyon *in regards to group* ki pli *prone* pou zot ganny *relapse*; - isi pou lemoman nou napa okenn resers ki nou nou'n fer. En resers parey nou vwar i kout de, en bon pe milyon.

So nou pti pei i deza dan en kriz ekonomik i pa fer sans pou nou al fer en resers pou rode ki, ki group kiltir la isi dan nou pei Sesel ki pli *prone* avek *relapse*.

Be lo statistik, lo nou bann group kliyan ki vin kot nou ki vin rod latizann, nou vwar ki mazorite zot i pou *relapse*. Menm i annan kliyan ki nou nou'n pran anba tretman ki zot in fer byen pou en bon pe letan.

Zot in antre dan nou program *PE educators* in travay avek nou, nou'n kit a *close eye* ek zot. Me *still* sa i pa'n anpes zot pou zot *relapse*.

Hence i montre ou ki i annan *still* en ta defayans in

terms of zot lanvironnman, zot problem sosyal ki, push zot pou zot kapab pou zot retonm, pou zot ganny sa relapse phase dan zot, dan zot plan tretman.

I annan menm kliyan ki dir ou koumsa ler zot pe mont se zot sa lari *from the main road* ki ziska ler zot ariv se zot, i annan sibstans *left, right, center.*

E sa i pa fasil pou en dimoun ki annan adiksyon ki pe sey *stay away from this substance* me parkont sa i la devan ou menm dan ou prop letour lakaz.

So sa i lo kote Sesel nou rekonnet ki annan en problem lo kote *supply* dan nou pei, ki i sa i met en bon pe *challenge* lo nou servis pour redwir demann pou sa bann kliyan *as well.*

Lo kote psikososyal nou'n fer reformasyon, menm lannen pase nou ti'n fer en group lo en *unit* spesifik pou psikososyal ki pou re anforse nou, nou program siko sosyal e nou pa travay zis nou *APDAR* tousel, nou lyez avek bann lezot servis dan Gouvernman.

Welfare si fodre, probasyon si fodre e menm sosyal pou gete kote sakenn i kapab zwe son rol kle e sa i ganny reflekte dan nou *national control master, Drug Control*

Master Plan ki nou'n drafte depi 2019. Mersi bokou.

MR SPEAKER

Wi. Les *PS* reponn avan, apre ou a eklersi.

PS BERNARD VALENTIN

Mersi Mr Chairman. Lo kote bann, bann, bann profesyonnel ki neser pou enplimant bann program. Minister Lasante ki responsab pou *training* pe etidye sa, pe etidye sa teren.

E anmezir nou, nou ganny en larepons lo kwa ki nou bezwen, pou fer sa bann program, nou pou devlop, sa bann program tretman eksetera reabilitasyon apre swen.

Nou pou bezwen devlop bann program kot *NIHSS* si fodre. Oubyen ankouraz plis zenn Seselwa pou pran sa bann spesyalizasyon pou zot kapab ale retournen, vin ofer sa bann servis.

Si ou pran parey *counselling, counselling* i en program ki kapab ganny delivre Sesel *as long as* nou konnen konbyen dimoun apepre ki, ki, ki merit sa *training.*

Swa nou fer dimoun ki annan sa konpetans sorti aletranze pou vin delivre sa program. Ouswa nou servi

resours ki annan dan Sesel pou nou kapab devlop li e nou devlop li a en nivo ki kapab donn servis ki nou bezwen donnen.

Donk i pa vedir ki *right now* nou annan tou konpetans ki nesese pou nou deservi tou sa bann dimoun. Me selman anmezir ki nou devlope, anmezir nou fer bann fasilite tretman.

I pou nesese ki nou form dimoun pou kapab delivre sa bann program byen e lo en kantite dimoun ki nesese pou kapab fer sa. Mersi bokou.

MR SPEAKER

Mersi Wi, ou ti annan klarifikasyon Onorab Loze?

HON JOHAN LOZE

Mon ti zis anvi demande. Vi ki nou deza konnen poudir depresyon i enn bann *root causes* ki pous en dimoun pou al ver la toksikomanni, vi ki sa enn bann *underlying conditions* ki zot annan.

Eski swisid i en *issue* ouswa *attempted suicide*, i en *issue* parmi zot bann kliyan isi Sesel? Mersi Mr Speaker.

MR SPEAKER

Mersi. Lekel ki kapab pran? Dokter wi.

CHIEF LIAISON OFFICER DR WINNIE LOW WAH

Ok. Alright, bon pe letid i montre ki apepre 85 a 90 pousan bann kliyan ki annan adiksyon pe servi sibstans i annan en *underlying mental illness or disorder*.

Nou annan en *psychiatric* ki travay ansanm ek bann psikolog ki nou fer bann *psycho, psychological assessment* ki pou gete si zot annan sa bann *traits*, oubyen sa bann lezot maladi ki relye oubyen afekte zot lafason, akoz zot pe servi sa sibstans.

Lo kote Minister Lasante i annan en Departman ki travay *very closely* avek lasante mantal.

E nou, nou, nou travay pros avek zot osi tou si annan bann kliyan ki nou, nou vwar ki *APDAR* nou napa sa kapasite pou nou ofer en tretman ki konpreansiv pou sa kliyan a se moman, baze lo sa kalite, bann sentonm ki annan, oubyen sa bann bagaz ki vin avek, nou refer li avek *mental health services* e zot *take up from there on*.

Solman *PS* in fini koz, ek i ti'n koz avek nou, i ti'n diskrit avek nou, ki *as of this year* si i posib pou nou kapab travay avek *mental health illness* pou

nou travay lo sa *recovery week* ki pe vini byento.

So wi nou *take into consideration mental illness as well*.

MR SPEAKER

Wi PS.

PS BERNARD VALENTIN

Mon ti le dir wi Onorab. Depresyon i en *cause*, i en *cause*. Me selman souvandfwa nou dan lasante nou bezwen rod *the cause of a cause*.

Kwa ki'n *lead* sa dimoun pou depresyon e alor ki konsekans sa depresyon.

So nou bezwen al rod fouye vwar lakoz, sa lakoz si ou konpran mwan.

E sa i enportan, i osi enportan, i tre enportan, pou kapab donn tretman ki nesesser. Mersi bokou.

MR SPEAKER

Mersi PS. Onorab Henrie.

HON GERVAIS HENRIE

Mersi Mr Chair. Bonn apre midi tou dimoun. Mr Chair dabor mon le remerci direksyon APDAR pou *provide* nou avek sa dokiman statistik ek *costing*.

Akoz mon krwar pou mon bann Manm Lasanble in donn nou en apersi, larealite bann

sityasyon ki zot pe *deal* avek lo en baz toulezour.

E an dizan sa mwan mon en pe anbarase lafason ki nou pe adres sa size la apre midi. Akoz konmsi nou'n normaliz *the use of hard drugs*, ki pou mwan i pa normal.

E menm si mwan mon en dimoun ki en katriyenm zenerasyon lo kote mon papa ki sorti dan lesklavaz, bann dimoun ki ti annan en non avek en nimerò, *I know better*, mon pa pou pran *hard drug*.

E mesaz ki mon le anvoy pou bann zenn laba deor pa bezwen pran nou *ethnicité*, ou kot nou sorti, pou nou pran li en leskiz pou abiz nou lekor avek drog. E met nou pei Sesel ki ozordi ou vwar *BBC* pe ekrir nou annan pli *worst heroin problem in the world*, i pa zoli.

We can do better as Seychellois. Now having said that mon krwar premye ki mon le leve i anliny avek sa ki Onorab Manm elekte pou distrik Takamaka ti demande lo *the cost of drug* dann nou pei.

Akoz vre i enfekte nou sosyete, i annan en lenpak lo prodiktivite, i annan en lenpak lo sistenm lazistis, i annan en lenpak lo lasante en endividyel e sistenm lasante. Lo legzistans bann *MDAs* ki bezwen zer sa

sityasyon tel ki *ANB*, prizon, Minister Lasante, *APDAR* e.

E, me ziska ki degre nou pei pou kapab soutenir sa presyon. E sa mon krwar Minister Finans i bezwen zwenn avek *APDAR* direk, deswit pou fer en legzersis ki kapab enfliyans Polisi sa nouvo Gouvernman dezormen *how we tackle the problem*.

E *tackle* sa problem wi, i en , i en, i en laliny en paragraf, de paragraf, de paragraf dan manifesto *LDS*. Donk nou bann dirizan ti pe deza reflesir dan sa direksyon. Sa i mon premye komanter Mr Chair.

Dezyenman, mon pwennvi personnel mon krwar poudir sa zafer, *methadone* bann konmsa i bezwen annan en *cutoff date*. I bezwen annan.

Mwan letan mon kalkil mon laz, si mon servi en katriyenm manda dan Lasanble Nasyonal, mon pa anvii dir si 2022, mon lasante i permet mon ankor vivan. 2028-2029 mon pe vin lev lanmen la pou en Bidze *APDAR* pou donn *methadone*.

Konmsi kwa ki mon pou'n *achieve* koman en endividi, koman en Seselwa. Nou bezwen annan en *cutoff date* e dan sa menm refleksyon. Dimoun pe demann nou be

ekout en kou zot donn sa *methadone* ki vo R5 par doz.

Solman en sigaret normal i kout R10, be i kapab peye. Dimoun i al kot dokter, ler i ganny preskrir latizann i ganny en bil R25 li. Nou pe fer en refleksyon dan ki si sa lasante primer, pou definir li.

Methadone kot i tonbe dan lasante primer li? So i bann, akoz i en presyon lo pei, akoz i en presyon lo pei, lo mwan koman en *taxpayers*. Sa i mon dezyenm pwen Mr Speaker.

Trwazyenm e dernyen. Touzour sa konversasyon ki nou pe fer la apre midi konmsi nou'n arete, nou'n arete pran drog, konmsi koz lo drog pou problemm konmsi dir ek dimoun i pa normal ou pran drog.

Me nou pe koz plis lo ki mannyer nou *manage* konsekans, apre ki zot in pran drog. E ler nou pe fer sa solman, mon konpran *APDAR* pe konsantre lo tretman plito avek *harm reduction*.

Be i annan de lezot pilye se prevansyon *and then to repress*. E la mon krwar poudir ankor Minister Lasante, Minis i dan *Cabinet*. I bezwen annan en aksyon en pe pli kordinen dan lespri sa nouvo ladministrasyon ki bann antite i pa travay in

silos. ANB nou pa konnen ki manner i *link* ek zot, *custom* ki manner i *link* ek zot.

Minister Ledikasyon pou nou anpese ki nouvo manmayer ki kit lekòl i al dan drog. I bezwen annan en kordinasyon e taler dokter Low Wah in dir pou zot fer en *survey* i kout milyon.

Be a lavenir letan i annan en *survey*, kekfwa zot kapab fer en form an plis ki ava vin avek sa.

En *household survey* lo *drug abuse* dan nou pei. E i pa pou kout sa ta milyon si nou *write* lo *census, or poverty*. Akoz *poverty* pou annan en lot *survey* ki zot pou fer 2023. *We can write on that so* sa i mon trwa kontribisyon pou la apre midi Mr Chair. Mersi bokou.

MR SPEAKER

Mersi Onorab. *Panel*, Minis.

MINISTER PEGGY VIDOT

Mersi Onorab pou bann pwen, byen relevan ki ou'n fer remonte.

Apre midi nou pe regard Bidze pou *APDAR* ki annan serten fonksyon kle ki nou'n elabore o komansman. I enn se sa tretman e reabilitasyon. E alor pou nou ler nou pe koz lo *methadone* koman enn sa en bout, en parti sa tretman i alor

rezon akòz parey ou dir, nou pe si oule pou servi ou parol, normaliz sa.

Pou nou lo en pwennvi lasante nou pe adres en problem lasante piblik. Alor i normal kekfwa letan nou pe adres en problem lasante piblik, nou pe regard li dan sa fason ki manner ou adres li ki manner ou tret li , ou reabilit li e tou.

E pou sa rezon kekfwa ki nou pe donn en, en lenpresyon en persepsyon ki se sa i ganny normaliz dan tou.

Me problem drog i pli gran ki zis en problem adiksyon ki *APDAR* la pe, pe trete. Problem drog parey ou dir i konsern tou. A nou'n ganny demande si nou'n deza fer en letid pou regard en lenpak drog servi sibstans lo sosyal, lo kiltir, lo, lo, lo lekonomi, lo lasante.

I en gran letid e i en keksoz ki nou panse i bezwen ganny fer.

Me ziska prezan nou pa ankor met li ansanm. Ou'n donn nou en pe direksyon ki manner nou kapab al dan sa direksyon, an menm tan esey redwi kou ki normalman bann resers lo sa nivo ti ava, konte, ti ava koute. E nou ava regard dan sa, dan sa, dan sa direksyon.

E a, me selman an prenon kont pou nou ki, problemn drog i pa zis en problemn *APDAR* or Minister Lasante. I en problemn ki antye dan pei, e parey ou'n dir i en problemn ki ganny ki pou ganny adrese pa zis par *APDAR*.

Akoz *APDAR* li son manda i lo prevansyon, i lo *harm reduction*. Me pour, par egzanp koup *supply* i plis kot *ANB* so i pou adrese dan *Cabinet of Ministers* pou regarde ki manner e i pe ganny adrese par diferan group.

Me selman tou sa bann travay ou dir ou pa kapab travay an *silos* ou bezwen pe travay ansanm kordinen.

Me mon ava asir ou pou dir Gouvernman pe regarde sa, sa problemn. E ler i ava pare i ava pe *move* devan avek.

Pli boner *CEO* in dir poudir ler nou pe, nou pe regard nou problemn tretman, nou problemn tretman sa adiksyon. Nou pa pe zis dir zot pou kontinyen, kontinyen, kontinyen.

Nou pe revwar e nou pe donn zot en plan tretman, so ler i vini i vin anrezistre lo sa tretman, lo sa program. I pa zis vini, zour i le vini i vini, zour pa le vini i pa vini. Ler i vini i re anrezistre ankore e i kontinyen *vitam aeternam*.

Nou pe dir non, nou pe aplik en pe serten disiplin, ou pe vin lo en program nou *welcome* ou. Nou anmenn tou dimoun ki santi i bezwen sa program.

Me solman, ou pe, nou pe travay ansanm avek ou, pour ou deside poudir sa en program ki ou pe pran. Sa program pou al dan tel, tel fason. E sa se bann bout a sak enstan a *chaque étape*, ki sa i nou pe evalye, ki sa ki nou pe dir ou, ou pe fer ou bout lefor nou, nou pe fer nou lefor nou pe donn ou.

Me osi ou pe fer ou lefor pou ou kapab sorti dan sa problemn ki ou ladan. Me nou konnen an menm tan poudir adiksyon i pa en problemn ki ou kapab tret li dan en, en, en pti lespas letan.

E pour sa rezon ki ou pa, ki ou pe, nou pe donn lenpresyon poudir sa i pou *étaler* pou ouver pli gran.

Me mon vwar *PS* i anvi koze e Dokter Law Wah i anvi koze mon ava pas zot.

MR SPEAKER

PS wi.

PS BERNARD VALENTIN

Bon pou swiv en pti pe lo menm laliny ki Minis in, in koze. Sak fwa nou pe *deal* avek en

problenm lasante piblik i toultan en kestasyon trouv, parey *Français* i dir '*le juste milieu*' ant Lalwa, moralite, politik ki fer bann desizyon e osi repartisyon resours.

Nou bezwen vwar sa *juste milieu*'. Me kot i konsern nou dan lasante, pou nou kapab atak en problenm lasante piblik. Swa i sida, swa i drog nou lapros pa kapab *judgmental*.

Si nou adopte en lapros *judgmental*, nou pe *set* lekor *up to failure*. So nou bezwen konpran sa problenm. Akoz sa problenm i egziste e ki meyer solisyon pou nou kapab adres sa problenm lasante piblik.

E si ou get problenm lasante piblik, preski zot tou zot en bann problenm konportman, zot tou lamazorite.

Si ou pa gard ou lakour prop e alors ou a ganny bann maladi koze par salte, i en problenm konportman. Si ou abiz lalkol e ou malad akoz ou abiz lalkol i en problenm konportman.

Si ou manz bann manze ki pa rekomande ou *end-up* avek tou kalite problenm lasante. I en problenm konportman.

So preski tou sa bann problenm ki nou pe *deal* avek ozordi dan lasante e ki pe kout nou pei en kantite larzan,

preski tousala i en konportman ki son rezilta i en problenm lasante e ki nou bezwen fer fas avek.

E serten sa bann problenm konportman i bokou pli ser pou adrese ki menm problenm drog.

So nou, nou lapros koman bann dimoun lasante nou pa kapab *judgmental*. Nou bezwen get sa problenm an fas e sey vwar ki pli bon stratezi baze lo levidans, baze lo meyer pratik enternasyonal pou nou kapab adres li.

Problenm drog ozordi i partou dan lemonn. E i annan menm bann pei devlope ki'n al bokou pli lwen ki Sesel pou kapab adres sa bann problenm e si ou konnen ki zot fer ou pou etonnen.

Par egzanp *La Suisse*, ki en pei tre, tre devlope i menm annan sa ki zot apel Eroin medikalize. Savedir dan lopital dimoun i ganny Eroin atraver lavenn.

I menm annan bann, bann landrwa kot dimoun i vini ou pran bann drog ki zot in gannyen dan semen, zot pran li la dan sa landrwa. Akoz sa landrwa i en landrwa ki sipervize zot fer sa pou anpes dimoun ganny *overdose* e pou mor akoz *overdose*.

So sa i bann stratezi ki zot adopte pou zot sirkonstans. Me si ou get sa ou dir be zot pe tolere, zot pe, zot pe, zot pe *facilitate*. Me non, zot pe fer sa akoz zot panse poudir, pou zot sityasyon sa i meyer stratezi pou zot adopte pou zot kapab adres sa sityasyon.

E zot fer li touzour lo la baz ki zot pa kapab zize. Zot pa kapab *judgmental*, zot bezwen adres sa problem ki devan zot avek meyer solisyon ki posib.

E se sa ki nou pe sey fer. Mersi bokou.

MR SPEAKER

Mersi *PS*. Wi *CEO* si ou kapab, terminen.

CEO GERALDA DESAUBIN

Zis pou enform Onorab Henrie, Mr Chair poudir lo son bann konsern ki'n *raise* i annan de dokiman spesifik ki *APDAR* pe travay lo la, sa lannen ki nou pe finalize.

E nou pou enplimant li, sa i en *treatment timeline* ki nou ti deza annan pou bann pasyan. Me selman nou'n vwar li en pti pe tro *brief*.

Nou pe revwar li e nou pe refer li, sa *treatment timeline* li menm i pou en gidans lo ki nou anvi vwar ou *achieve* dan de semenn, dan sis semenn kan

ou vin *review*, kan ou pa vin review.

Ki nou anvi vwar ou *achieve* lan, kan ou antre dan lanplwa e tousala. E sa *treatment timeline* li i pe ganny siporte par en *policy*. En *Policy* ki nou pe al enplimante byento en *Policy* ki koz bokou lo *adherence*. *Adherence to the program*, disiplin li menm.

Sa i pou redwir en pti pe lakantite dimoun ki *reregister* re antre lo program, parey Minis i dir. I vini ozordi i pa vini de semenn i revin ankor, i tou le sis mwan ou vwar li vin en kou.

So nou osi lo *APDAR* nou pa, nou, nou, nou pa siporte sa kalite latitid. E nou anvi vwar en sanzman ladan. E sa i rezon akoz nou pe devlop sa *Policy* ki nou pe met an plas.

E nou pou osi travay avek bann lezot *stakeholders*, nou pou bezwen kolaborasyon bann lezot *stakeholders*. Nou annan miting avek lapolis, nou de *PS* tre byento pou nou ganny zot lasistans. Akoz i annan serten keksoz dan sa dokiman nou'n ki nou'n komans met an plas, me nou'n ganny serten rezistans avek bann kliyan.

So nou santi poudir nou pou bezwen bann lezot lasistans e vwala akoz nou pe met sa *Policy* an plas. Mersi.

MR SPEAKER

Dokter wi. Ou anvi azoute.

CHIEF LIAISON OFFICER DR WINNIE LOW WAH

Ok. In regards pou ou dezyenm pwen ki Onorab Henrie in mansyonnen. Regarding cutoff date pou Methadone. I en pwen ki'n byen refer sorti akoz mon ti a voudre annan leklersisman pou tou dimoun a lekout.

Akoz adiksyon parey nou dir i en maladi ki kronik. Ler nou dir kronik savedir sa dimoun ki'n ganny adiksyon ozordi, ziska zour i pou mor i pou annan adiksyon.

So sel letan ki sa dimoun nou kapab dir klerman ki sa dimoun pa pou zanmen kapab bezwen *Methadone* ankor dan son lavi i zour in mor.

Avan ki i mor, nenport letan dan son lavi i kapab ki i ganny sa bout *relapse*. So menm dir si in fer byen, byen, *very well* pou 10an in pran okenn latizann okenn *Methadone*, latizann *Methadone*, okenn *Buprenorphine*, okenn Eroin oubyen lezot sibstans.

Me i pou annan en zour i kapab en zour 20an, 50an *down the lane*, ki bor i *relapse* ankor e i *still* bezwen rebran sa latizann ankor.

Sel zour sa botan ki pou arive ki Sesel pa pou bezwen *methadone* ankor, kekfw a i zour napa drog ditou dan pei. Sel letan ki nou kapab klerman dir la ozordi Sesel pa pou bezwen ni *Espranor*, ni *Methadone*, ni okenn lezot latizann pou *detox* se zour napa okenn sibstans ki antre dan pei.

Meaning even pou lalkol or any other substances ki, ki kapab *trigger* sa kliyan pou li servi en sibstans. So, mon ti anvi zis eklersi sa bout. *Thank you.*

MR SPEAKER

Mersi, mersi dokter. Mon eski mon'n mank okenn dimoun ki'n lev lanmen avan mon pas. Mon'n mank ou, oubyen ou pa ti lev lanmen. *Ok.* Onorab Samynadin. Annou al en pe vitman silvouple.

HON KELLY SAMYNADIN

Mersi Mr Chair. Bonn apre midi Minis PS e delegasyon APDAR. Mon vremen fyer pou vwar ki Au Cap i sitye dezyenm apre Takamaka dan lalis kliyan ki'n anrezistre avek APDAR an lakordans avek sa dokiman statistik ki zot in met a nou laporte.

Mwens kliyan, wi. Me mon konsern i kote lanplwa, dan sa 78 ka, ki'n rikorde ki en

reprézantasyon 11poursan. Eski zot annan sif lo lakantite ki sorti dan distrik Au Cap si i annan?

E si ou kapab osi dir nou ki bann rezon pou lakoz zot pa pe aktyelman ganny en lanplwa? Mersi.

MR SPEAKER

Mersi. Nou a sey al vit *CEO*.

CEO GERALDA DESAUBIN

Bon. Nou napa sa sif atase par distrik lo kote lanplwa li menm. Me selman dan sa *survey* ki nou ti fer 2019 i pou annan sa *breakdown* ki nou, nou kapab fer ou gannyen.

I pou en pti pe *outdated* akoz sityasyon lanplwa in sanze definitivman 2020.

Me selman atraver sa *survey* 2019 nou kapab dir ou konbyen ki ti sorti distrik Au Cap parey mon osi mon sorti. Nou a kapab fer ou gannyen, definitivman. Mersi.

MR SPEAKER

Mersi *CEO*. Onorab Labonte.

HON ANDY LABONTE

Mersi Mr Chair. Bonswar *panel*. Bon mon kestyon i plizoumwèn, avan ki mon pou demann mon kestyon. Mon vreman apresye ler mon'n tann *PS* dir ki nou pa merit pe ziz sa bann kliyan

parey zot apele, ki i vre nou pa merit pe ziz zot, akoz adiksyon i en keksoz ki vreman delika, fodre nou konpran byen.

Me selman lesansyel se mon krwar kot nou pe manke i ledikasyon. Ler mon ledikasyon, mon dir ledikasyon akoz mon pe get en pe zot manda. Zot manda an relasyon i dir klerman, *prevention, rehabilitation ok*, apre tretman i vin apre.

Me petet, tretman i form parti. Me ler mon'n tande depi komansman mon'n plizoumwèn tann koz *methadone, methadone, methadone* konmsi i sel tretman.

Petet sa dokter ki ti la avan i ti pli kontan *methadone*.

Me selman i annan bokou lezot tretman, parey manrmay menm ki anba sa bann tretman akoz mon travay byen avek sa bann manrmay.

Mon *close* avek bokou zot e mon ti a kontan, mon voudre vwar zot sorti. Parey i annan ki dir ou *Subutex* osi i enn, *Suboxone* i enn. Konmsi akoz vreman nou pa pe konsantre lo bann lezot tretman nou pe konsantre zis lo sa *Methadone*?

E menm *cold turkey* i annan en kantite manrmay ki dir ou i anvi al lo sa *cold turkey*. Me selman i napa sa *counselling* ki pe vin deryer sa. E petet si zot

kapab adres en pe lo la. Sa i plizoumwen mon premye, premye kestyon.

E mon dezyenm kestyon i vin lo zot *major achievement* ki boner i annan en Manm Onorab ki'n demann kestyon lo la.

Zot pwen nimerò 1 kot *increase number of client on treatment program*. So sa i en keksoz ki vreman i enportan. I enportan pou nou kapab anmas mazorite manrmay. Me lesansyel ankor deryer sa, se ki ler nou pou get pwen nimerò 8 kot i dir *increase retention rate in methadone maintenance program*.

So zot pa'n donn klerman ler i annan en Onorab ki'n demann *success rate*. Ler nou pe koz *success rate*, nou pe koz *figure*. Si ou dir mwan i annan 3525 manrmay ki'n antre lo sa programm.

Nou konnen poudir zot kapab tonbe e retourn ankor. Me konbyen manrmay ki zot annan ki zot kapab dir nou annan nou 20, nou annan nou 50, nou annan nou 500 ki'n *actually* sorti pou en bon 4an, 5an lo sa programm.

So mon pe dir, konmsi sa petet i ava donn nou en pe plis lankourazman.

E mon dernyen kestyon i vin plizoumwen lo dozaz. Mon'n tann zot koz lo doz ki zot

donnen i pa *adequate*. E sa ankor i enn, i enn bann eleman kot sa bann kliyan ki dir avek nou, avek mwan personnelman.

E la poudir zot fransman mon ti a kontan salye DAC lontan ki ti pe fer en bon travay, Dokter Malulu, Mr Benjamin Vel enkli Ms Fadette Estico ki ti deza pe fer en bon travay, petet zot kapab get osi pou rebran sa bann dimoun pou donn zot en led pou nou kapab sorti dan sa , dan sa sityasyon.

Return back lo dozaz ler nou pe koz sa doz ki nou donn sa bann manrmay e en rezon akoz sa bann manrmay i retourn lo *ghetto* se ki sa doz ki nou pe donn sa manrmay i pa *adequate*.

So si nou donn li en doz ki *adequate* otomatikman *once* ki sa manrmay i pran son *fix*, i pou ale i pou travay.

Pe par pe i kapab sorti so petet zot kapab revwar en pe sa *or* petet zot pli eksperyans zot kapab donn plis leksplikasyon. Mersi.

MR SPEAKER

Mersi Onorab nou a les panel adrese. *Please*. Wi Dokter i a komanse.

CHIEF LIAISON OFFICER DR WINNIE LOW WAH

Mersi bokou pou kestyon Onorab. Bon annefe premye pwen *regarding Subutex. Espranor* sa *brand name* ki nou pe servi li menm li son non zenerik se *buprenorphine*.

En lot *brand name* ki *common* dan *black market* se *Subutex*. Nou annan parey mon'n mansyonnen i annan dan nou program.

E apre avek, parey sa dokiman ki Onorab Henrie i mansyonnen zot annan i montre ou *the costing* ki *Espranor* i koute pou en dimoun dan 1an si pe pran, *on an average dose of 16miligram* ki mazorite nou pe fer *average*.

Akoz pa tou kliyan ki pran menm doz ou bezwen konpran sa. Sak kliyan ki vini, enn i kapab lo en 8miligram i ase pou li son *Espranor*.

Lot kekfw i bezwen en 18miligram, so ler nou'n *average* li 16miligrams mazorite so sa sak kou ki vini *on a year*. I apepre R19mil 980 pou zis sa latizann *no additional cost* pou bann *human resource and associated cost* ki vin avek. Konpare ek *Methadone* ki zis R1885.

So nou bezwen osi tou balanse, lo kote, nou lo problemm ekonomik ki nou ladan ozordi.

Espranor, Subutex, buprenorphine sa trwa i menm latizann. Ler ou konpar son lefe ki i fer avek *Methadone*, ler nou pe donn tretman i menm parey, i zis *a choice* ki nou, nou donn nou bann kliyan.

Napa okenn gran diferans apart ki lafason ki zot pe bwari oubyen zot pe pran li. Tou lede i ede pou redwir, oubyen pou *prevent* sa bann sentonm sevraz ki en dimoun i kapab rankontre ler i pe aret pran okenn sibstans Eroin.

E *regarding* pour *counselling* apard ki, *Subutex, Espranor, Buprenorphine, Methadone* nou annan lezot servis dan nou program.

If i can go briefly nou annan program pou lalkol, ki bon i annan dimoun ki depan lo lalkol, zot vini zot *detox* e menm la zot fini *detox* nou fer en *relapse prevention program*.

Dan sa *relapse prevention program* nou gete si zot pou annan sa *relapse* demen anpes zot re servi lalkol. E nou donn zot en opsyon, en latizann ki apel *Naltrexone* osi tou. Sa bann ki anvi ki sa i anpes zot ganny bann *cravings* pou zot al *trigger* zot pou *relapse* ankor.

Dan *opioids*, drog ki *very famous* Sesel ozordi se eroin ki tonm anba *opioids*. Ladan nou annan *Espranor, Buprenorphine*

li menm li koni konman *Subutex* lo *black market*.

Nou annan *Methadone* sa de i zis de latizann ki ranplas sa eroin ki pou *allow* sa dimoun pou al deor, rod en landrwa travay, soutenir son lafanmir *spend* letan avek son bann zanfan, oubyen son bann lezot fanmir.

E nou osi tou nou annan *detox*, ki ler en dimoun i vin dan servis i annan dimoun ki dir ou li i anvi aret net ozordi li. So nou ofer li sa bout kot i al *symptomatic detox*.

E i aret servi tou son bann sibstans ozordi menm. I annan bann latizann ki nou donn zot pou zot ed zot ek zot se sentonm sevraz.

E ler in ariv sa zour ki bon i nepli annan eroin dan son lekou nou ofer zot sa latizann *Naltrexone* osi tou ki ede pou anpes *craving*, pou en dimoun ki pe servi eroin.

E bann ki pa anvi oubyen pa kapab servi sa *Naltrexone* nou *still* kapab fer swivi *without* sa *Naltrexone* i pa en problem.

E an plis ki sa nou annan, ler nou ti annan ladmisyon nou annan sa *Espranor* ki nou servi pou *detox* sa bann kliyan ki bezwen en pe plis lasistans. Ki li i son swa ki anvi pran sa *Espranor* pou li *detox as well*.

So i annan en kantite program deza dan lazans ki pe ganny ofer ek bann kliyan. Me solman i zot swa pou zot swazir ki enn, ki zot, zot anvi.

Mwan koman en dokter, mon pa kapab enpoz lo en pasyan poudir li, gete ou bezwen pran tel program, oubyen tel program. *However*, mon kapab *guide* sa dimoun poudir li pour ou, *given* ou sirkonstans ki ou vin ladan ou bann problem ki ou pe eksplik mwan. E ou, *assessment* psikolojik ki mon vwar la devan mwan *the best* opsyon pou ou i *x, y* oubyen *z*.

E sa dimoun li i fer son swa depan lo li menm li. E *regarding counselling*, nou pa ankor fini akoz i annan ankor kekyon.

Counselling, nou fer *counselling*. Nou annan 6 *Counselors*, a se moman *given* ki nou annan 3525 dimoun ki'n *enrolled* dan nou program. So ou pa vwar kantite pasyan i annan pou enn nou *counselor* pou *deal* avek.

Nou annan zis 3 psikolog osi. Menm dir ki nou annan sa pti git *staff* pou *deal* avek sa kantite kliyan, nou ofer sesyon *group counselling* menm ki bon nou kapab *target* en gro group *at one point in time*.

Be si ou vwar lamazorite dimoun pa vini. Zot pa *turn-up* pou zot bann *counselling sessions*. *Whether it is* parfwa zot dir nou i kapab *stigma*, kefwa kot zot landrwa travay si zot pou vini toulezour oubyen souvan zot ganny drwa ganny diskriminen kot bann landrwa travay, sa i bann rezon ki zot donn nou.

E parfwa zot zis pa *turn-up*, solman zot vin pran latizann. Parey *CEO* in mansyonnen nou pou annan reformasyon, nou pou annan disiplin sa lannen si ou pa pe vin ou *counselling*, ou latizann osi tou pou ganny afekte.

I pou annan bann konsekans ki pou swiv avek ki nou pe, i dan nou bann nouvo *Policy* ki nou pe drafte e sa, sa *Policy* pou *adherence* sirtou.

Retention rate;- i annan sirtou parey sa *low threshold* ki bon ou annan en dekalaz letan ki bor si ou pa vin pran latizann pour 14 zour pou sa *low threshold* ou *still* kapab ganny ou doz.

Solman i annan en protokol ki nou swiv, i pa neserman ki pou reste. Si ou, ou'n aret pran ou dernyen doz 60miligranm 5 zour pase. Pa savedir ou vini apre 5 zour pou ganny 60miligranm.

Nou bezwen gete e i annan en protokol ki nou swiv, nou pou redwir ou doz akoz ou tolerans pou sa latizann in redwir.

Si mon pou donn ou 60miligranm ozordi pare 5 zour ki ou dernyen doz i pou annan en doz *overdose*.

I pou annan en ka *overdose* ki kapab arive. So nou fer sir nou protokol i anpes sa bann, sa bann *negative consequences from happening*.

Success rate, zot anvi konnen ki kantite kliyan ki *out there* in aret pran in aret tou nou latizann i lo li menm konbyen ki reste *sober*.

Sa i en kestyon ki napa enn nou ki kapab reponn sa *unless* si nou annan ase mannev ki kapab *call* tou kliyan enn par enn fer en swivi tou le semenn oubyen tou le mwan pou gete si sa kliyan, oubyen i kapab vin kot nou klinik pou nou kapab fer sa swivi.

A se moman la nou napa sa kapasite, pou nou kapab aktyelman fer sa. Akoz ler en kliyan in fini o sirtou ek son program. In ale, in fini pran son tretman li, in fini fer son *counselling* nou vwar li i stab ozordi. In agree pou li aret vin lo nou servis ankor.

I son swa, nou *allow* li i ale i kontinyen fer son. Si 2an

,3an i pa pe servi okenn sibstans i ale li, be selman APDAR pou le moman nou annan zis 3an an egzistans.

So nou annan ki ale, e nou pa kapab, nou pa pe ni vwar zot oubyen kapab fer en *follow-up* i annan ki zis ler ou vwar li apre 3mwan i pa pe servi okenn sibstans li, li menm in krwar in fini so in ale.

Pou nou, nou kapab met li koman *completed*, nou mete koman *completed*. Be solman nou pa konnen vreman si sa dimoun i pe *remain sober out there or not*.

E *dosage of methadone* son dozaz parey mon'n mansyonnen, tou latizann dozaz sirtou bann ki pe *replace* Eroin i diferan pou sakenn kliyan.

Nou annan kliyan ki menm si lo gro doz 110miligranm, 120 milligram *methadone it's a very high dose*. Me ler zot vin kot nou, zot *still* pe servi lezot sibstans. So sa i en swa ki sa dimoun ki pe fer, i pa lazans ki pe anpes zot ogmant zot latizann.

Nou, nou les zot ogmant zot latizann baze si i napa lezot drog ki zot pe servi ki kapab konpromiz zot sityasyon pou zot ganny *overdose*. Sa i en keksoz ki, nou bann *staff* medikal i bezwen fer sir.

Akoz sa dimoun pe pran 100miligranm *methadone*, i pa pe fer en zefor pou li aret lezot sibstans i *still* anvi pran *Cocaine*, i *still* anvi pran *Crystal meth*. Lekel sa profesyonnel ki pou pran sa risk pou *still* kontinyelman ogmant ou doz ou pa pe fer en zefor.

Epi demen i annan en ka *overdose*. Lekel ki pou responsab? Sa en kestryon i nou bezwen met antet osi tou, dan ler nou pe ogmant doz latizann. Mersi.

MR SPEAKER

Mersi. Onorab ou'n ganny en repons tre detaye, ki nou kapab *move on*? Ki? Ale, en pwen klarifikasyon wi.

HON ANDY LABONTE

En pti klarifikasyon. Premyerman se ki ou pe dir mwan poudir kliyan i annan en swa ler zot vini ki kalite drog zot le al lo la?

Dezyenmman eski ou pe dir nou ki *Methadone* i sa, i sa drog ki pli efektiv?

E trwazyenmman dernyerman, se ki ou'n dir poudir zot napa statistik ki vedir zot pa pe kapab mezir zot *success rate*, zot menm zot APDAR? Mersi.

MR SPEAKER

Mersi. Minis eski ou kapab adres sa?

MINISTER PEGGY VIDOT

Mersi Onorab. Onorab nou pe dir poudir pour *success rate* sa program parey in eksplike poudir adiksyon i en keksoz ki ase konpleks e pou ou dir, poudir en dimoun in sorti dan son adiksyon i pa fasil akoz menm si i sorti pou 2an pou 3an, pou 4an i toultan annan en *relapse*.

Alor ou pa pe kapab si i annan en *relapse* ou pa pe kapab dir poudir i en *success*. Ou a kapab dir in, in *dry up for x number of years*.

Eski *methadone* i meyer? In donn nou en lalis tretman ki nou kapab servi. Me solman lo en baz profesyonnel sa medsen i fer en bon *assessment*, lekel sa medikaman ki pli *suited to* sa pasyan.

E dan nou filozofi enkli dimoun dan, pran desizyon zot tretman i en keksoz ki nou fer nou dir dimoun sa i *available*, sa i *available* e donn tou lenformasyon. E ansanm ek sa dimoun i fer en *choix*, *as to* ki sa ki i pe servi.

E mon krwar tou sa bann leksplikasyon nou'n donn, nou ganny donner e mon krwar i *hope* sa i klarifye ou bann

lensertitid ki ou ti ankor annan. Mersi.

MR SPEAKER

Mersi Minis. Onorab Pillay.

HON SEBASTIEN PILLAY

Mersi Mr Chairman. En larepons tre enteresan konmsi enn ler mon ti krwar i annan, i annan trwa dokter, kat trwa, Dokter dan Lasanble e mon vwar i annan zis de la devan la. De Dokter la devan so.

Mr Chairman ou konnen nou, nou, nou *issue* ki nou annan la. Premyerman mon bezwen dir Mr Chairman, deklar mwan i pa mon, lentere be selman mon koneksyon avek APDAR. Mwan menm avek Onorab Georges nou ti deza de Manm *Board APDAR* ki ti reprezant nou de kote latab lo APDAR. Onorab Georges mon krwar ti *Vis-Chairman* si mon pa tronpe APDAR.

E enn bann difikilte ki nou'n rankontre se souvandfwa bann kekyon parey sa enn ki'n monte taler. Ki kree en persepsyon dan piblik lo serten keksoz e dan lepase lostilite ki nou'n tret APDAR avek i pa'n permet bann dimoun, bann profesyonnel vin devan donn sa bann larepons koumsa.

E si nou ti'n kapab fer sa depi avan menm, sa ki Dr Valentin pe rode, sa *juste milieu* ki nou pe rode. Nou ti a probableman *achieve* li petet 2an pase. E la nou ti a pe bouz lo sa lot nivo, en lot nivo lentervansyon ki nou bezwen fer.

E i malere ozordi se Minis ki dan en moman difisil kot ou preski bezwen *deal* ek pandemi. Ou annan sa problem pou ou *deal* avek osi *at the same time*.

E ki desizyon ki Gouvernman in pran e se la kot nou pou annan en diferans kot mon kestyon i vini.

Desizyon ki Gouvernman in pran se pran *APDAR* met li koman en divizyon anba Minister Lasante. Me kan son Lalwa e sa rol kordinasyon ki ou menm ou'n koz lo la e ki Onorab, Onorab Gervais Henrie lo lot kote latab in koz lo la *as well*, i bezwen ganny fer atraver en Lazans ki akote si oule Minister Lasante.

So lo sa diferans, lo sa diferans striktirel, mon, mon pa dan Gouvernman, mon, mon pa predir poudir Gouvernman ki pou fer. Mon kontan bann *MNA* lo lot kote latab in sanz zot lapros *towards* kestyon ki zot demande avek *APDAR*.

I en lapros pli kalm, en lapros pli dou e i byen ki zot al

dan sa direksyon *as oppose to* ler Dokter Herminie ti ansarz *APDAR* ti i en lapros agresiv.

Sa i montre ti plito baze lo en personnalite *rather than* sa lenstitisyon. Me i byen ki nou'n ariv a sa pwen ki nou regard sa lenstitisyon.

E mon ti a kontan dan lefitir ki nou pa viktimiz person ki ansarz en lenstitisyon. Me nou regard sa ki sa lenstitisyon i anmennen.

E Minis an relasyon ek sa kestyon ki mon'n demann ou akoz ler ou'n reponn kestyon Onorab Cosgrow mon krwar petet ou pa'n realiz en size striktirel enportan ki vini.

Akoz koman Minister Lasante, ou annan *Health Care Agency* ki fer *management* Lopital. Ou osi annan *Public Health Authority* ki *deal* avek bann problem an relasyon ek *Public health*.

Be la ou annan en lot problem lasante piblik. Me selman ou met li anba ou, ou *policy structure*. So kestyon ki mon pou demann ou *Minister* se.

Given sa Bidze ki ou'n gannyen eski, i pou ase prezan si ou met li anba en *Policy structure*?

Akoz i annan bann lezot keksoz ki vin avek, dan lezot landrwa zot in met li anba bann

Policy structure ki fer li pli difisil pou *manage*? So eski zot in konsider sa, sa, sa eleman enportan?

Mon dezyenm kestyon Mr, Mr Chairman. Mon napa bokou mon annan zis sa de. I konsern sa ki Dokter Valentin in koz lo la, sa problemm sevraz si oule.

E ledikasyon popilasyon *regarding* rol APDAR e sa size *methadone*. Kestyon Onorab Labonte in ilistre sa problemm, dan tou son lanpler. Tou dimoun dan semen i konnen ki doz *Methadone* i devret ganny donnern avek en pasyan.

Tou dimoun dan semen i konnen. E tou dimoun i mont lo *Facebook*, lo tou landrwa pou kritik APDAR, pou kritik *Methadone*, kritik ou pou gannyen byento Minis Lasante lo *Methadone*.

So ler nou'n koz lo ledikasyon i annan en Manm ki'n koz lo ledikasyon. Ki kalite lanfaz ki pou ganny mete pou edik sa bann menm dimoun ki pe demann sa bann kestyon ki kree en persepsyon, si ou kapab dir ki touf.

I pou touf Minis, i pou touf ou menm ou Dokter Valentin lo ki mannyer zot adres sa problemm adiksyon koman en problemm lasante

piblik, fer dimoun konpran ki i pa zis en problemm droge.

Me i en problemm lasante piblik e pei i annan en devwar pou li adrese? Mersi Mr Chairman.

MR SPEAKER

Mersi Onorab. Minis wi.

MINISTER PEGGY VIDOT

Mersi Onorab pou ou kestyon, ou de kestyon. Ou'n demann nou pou ogarde si konmela desizyon ki'n ganny pran par Gouvernman pou plas APDAR dan Minister, i enn ki nou santi poudir nou pe kapab bouz avek pou fer sa kalite kordinasyon ki ou'n dir poudir APDAR ti pe fer.

Mon panse koman en Minister, Minister wi i annan en rol Polisi an premye *lieu*, i osi annan en rol kordinasyon. E sa rol kordinasyon i ede ki kordin bann diferan antite, ki i vin anba son parasol.

Nou pe koz lo devlop en striktir, ki pou ed nou plas en antite ki pe donn en serten fonksyon parey nou'n fer avek lezot antite. I annan lezot kekfwa ki nou pa'n mansyonnen.

Nou annan *National AIDS Council*, nou annan lezot *Councils* ki *health related* e rol Minister se vreman enn ki osi kordinen.

So dan lafason ki nou pe kordin, yer nou'n vin avek *NIHSS*, tou sa bann antite nou panse ki nou pou osi kapab kordin sa antite ki pe annan en fonksyon spesifik lo regard prevansyon e kontrol drog dan pei.

Alor pou nou, nou ava regarde ki pli bon striktir, ki i ava marse. Tou keksoz ki vin anba Minister Lasante i annan diferan i *interlink*. I annan en kantite keksoz kekfwa ki nou pe kapab anmenn bann resours ansanm pou li travay pli byen.

Nou'n koz lo prevansyon, ki mannyer nou fer prevansyon, ki mannyer nou fer sa ledikasyon. Nou annan en kantite sistenm en kantite bout ledikasyon dan lasante piblik.

E omye ki en group pe fer ledikasyon pirman lo ledikasyon, pirman lo tel keksoz, pirman lo - Nou kapab anmenn tou sa bann, sa bann striktir ansanm ki nou bann ledikasyon lo lasante piblik i pli byen kordinen, nou resers, nou servi nou resours bokou pli byen e nou re aziste program pou nou target bann group spesifik ki nou bezwen.

So pour nou i vre, parey ou dir in vin en lot antite dan Minister Lasante. Me mon krwar lasante, Minister Lasante i mye plase pou adres bann

diferan problem lasante piblik. Alor mon pa pans, mon pa krwar poudir i pou tro annan en problem kordinasyon.

Bidze napa bokou dimoun ki pou vini pou dir ou. Wi toultan larzan i ase. Toultan nou pou krwar poudir nou ti pou kapab fer plis, si nou ti annan bokou plis.

Malerezman nou pe travay anba en *ceiling* e sa ki nou kapab asir ou se ki nou a servi, nou a fer nou mye pou nou ganny plis ki nou kapab gannyen, avek sa larzan ki nou'n gannyen pou nou travay avek. Mersi Onorab.

MR SPEAKER

Wi, nou a konklir Onorab.

HON SEBASTIEN PILLAY

Mersi Mr Chairman. Mr Chairman premyerman mon remerci Minis pour son larepons.

Be selman mon krwar i *about*, i *about* en kestyon, en kestyon mesaz e mon ti a kontan met devan Minis ki. Ou konnen si par egzanp nou pas en mesaz avek, avek, avek popilasyon ki par egzanp. Si en *drug dealer* i aret *deal* dan drog nou pou, nou pou i *ok*, nou pe ankouraz li bann keksoz koumsa.

Mesaz ki nou bezwen pase se ki, nou kont drog. E lot mesaz e sa mesaz prezan ki konekte avek lafason ki nou *manage* sa *Policy* administrativman se ki nou *dedicate* sa travay avek en lazans.

Striktirelman Dokter Valentin in koz lo en divizyon anba Minister Lasante. E mon pledwari ki mon pou fer avek ou Minis se ki, si mon'n ekout byen kekyon e larepons ki bann *MNA* in gannyen lo lot kote latab. I kler poudir *APDAR* dan li menm in en sikse, koman en program.

In en sikse pou *achieve* en rezilta ki tanzibman nou kapab touse. Me, si nou ti'n donn li plis sipor. Pa zis *from* en pwennvi finansyel, me plis sipor *from* en pwennvi moral, koman politisyen nou tou i ti a kapab avans pli devan.

So mwan mon *pledge* avek ou Minis ki mwan mon pou sipor, kontinyen sipor tou mezir Gouvernman, pou *tackle* problemm adiksyon ek drog, sirtou akoz i afekte bann zenn.

E zenn i zenerasyon demen. Me mon ti a fer en pledwari avek ou Minis, ki mwan mon santi e mon pou dir fran ki sa desizyon pou plas *APDAR* anba Minister Lasante ti en desizyon ki ti ganny pran an

relasyon avek en endividi. Akoz petet nou pa ti kontan sa endividi. *Ok?*

E safwasi petet Minis, mon pa pe dir ou ki'n pran sa desizyon Minis. Mon pa pe met sa lo ou. Me mon santi poudir petet ti ava annan serten konsiderasyon lo, konsider rol koman en Lazans ki *APDAR* i kapab zwe. Mersi Mr Chairman e mersi Minis pour ...

MR SPEAKER

Yes Minis.

MINISTER PEGGY VIDOT

Mersi byen Onorab. Parey ou dir ou annan ou persepsyon, ou annan ou krwayans e ou lib pou ou annan sa, i pa neserman ki i fe.

E pour sa, pour sa lazans vin anba Minister Lasante nou panse poudir i annan, i pou annan en kantite benefis. E benefis ki pou ede pou nou program al bokou pli lwen pou nou adres problemm adiksyon dan Sesel. Mersi.

MR SPEAKER

Mersi. Onorab Georges. Eski ou'n lev lanmen mon pa'n vwar ou? *Ok*. Byen.

HON BERNARD GEORGES

Mersi. Mersi Mr Chair. Mr Chair permet mwan poudir ki, nivo

lipokrizi dan sa Lasanble pa zanmen arete tant mwan.

(APPLAUSE)

HON BERNARD GEORGES

Bann dimoun ki ozordi i dir ki nou'n mal anmenn Dokter Herminie dan sa Lasanble, se menm dimoun ki yer ti pe demann Minis *resign* akoz dapre zot i pa ti'n kapab kontrol *COVID*.

Annou pa annan de pwa de mezir, annou fer parey *PS* in demann nou pare midi. E trouv *juste milieu* dan nou bann deliberasyon e koumsa nou ava avans sa pei.

Mon an tou leka mon anvi profit sa lokazyon, Mr Chair pour remersye *APDAR* ki

HON SANDY ARISSOL

(Off-Mic)

Ok, ok Onorab Georges *ok*, i abitye li. Malelve toultan, i *ok*.

HON BERNARD GEORGES

Mon remersye *APDAR* pour sa 2 ou 3an ki mon'n, lo zot *Board*, mon rekonnet ki avek mon lenperfeksyon mon pa'n kapab anmenn sa kantite lasistans ki mon ti a kontan anmenn.

Me zanmen mon'n, dan mon'n annan en moman dan mon lavi pou dir ki *APDAR* pa

pe fonksyonn byen e *APDAR* pa pe travay byen.

A tou moman mon'n fasinen par travay ki sa lorganizasyon pe fer. E mon'n toultan annan en relasyon kourtwa e byen avek Dokter Herminie ki ti Chair, e mon ti annan sa gran lavantaz e loner pou mwan kapab vin *Vice-Chair* sa lorganizasyon.

Alor nou bezwen met bann keksoz an perspektiv. Onorab Cosgrow in dir pli boner ki, *APDAR* ti en gran, lide Prezidan Faure e, ti en lide avangard Prezidan Faure. Mon napa okenn dout ki Prezidan Faure ti en, ti en dirizan konpetan e in anmenn en kantite, in fer bon keksoz pandan letan ki i ti la.

Me mon ti a kontan sinyal en keksoz. Ki *APDAR* in ganny formen natirelman par Prezidan Faure akoz sete li ki ti Sef Legzekitiv a sa moman letan.

Zis enn de mwan, apre ki mwan Bernard Georges *MNA* pou Les Mamelles ti'n anmenn en Mosyon dan sa Lasanble, ki ti'n ganny aprouve a inanimite pe demann en lager antoure kont drog *including*, espesyalman en lager kont *harm reduction* olye zis al lo *demand reduction*.

Alor annou. Mon pa pe dir ki in pran mwan lide. Mon pa, mon pa sa kalite dimoun. Mon

pe zis met lo latab ozordi ki *APDAR* in ganny formen detrwa semenn, oubyen enn de mwan apre ki sa Mosyon ti ganny aprouve dan sa Lasanble a inanimite. *Ok?*

E sa, e sa Mosyon ti ganny anmennen par mwan. Prezan Mr Chair avek ou permisyon mon a demann mon de kestyon.

Premyerman i annan en persepsyon oubyen i annan en lide laba deor koriz mwan bann manm, oubyen plito ekler mwan bann manm, bann manm *panel*.

Ki i annan en serten nonm zenn ki anvi *joined* program *APDAR*, me ki pe ganny dir ki la, pa ankor pare pou pran zot. Zot pa ankor pare pou pran en nouvo *batch*.

Eski sa i vre? E si i vre eski zot annan lespwar ki byento zot a kapab ganny abzorbe dan, lo *threshold methadone program APDAR?*

E dezyenmman e sa se en keksoz ki zot in tann mwan dir plizyer fwa lo, lo *Board APDAR*.

Dezyenm kestyon se sa. Eroin nou'n ganny dir nou napa vreman, *or* plito fer tou dimoun sorti lo Eroin *is not the goal*. Akoz sa se en *goal* ki i pa realistik.

Mon kestyon se sa. Si nou ti kapab ganny en serten sikse avek Eroin, eski pa ti pou

annan en lot drog ki ti pou antre ki ti pou son plas? In *other words*, si ou aret *dealers deal* dan Eroin eski zot pa zis pou *move across* e komans *deal* dan en lot sibstans?

And if this is the case, eski mon krwar pep Seselwa laba deor i bezwen konpran sa tre byen.

Eski nou bezwen aksepte ki nou program drog ek nou program adiksyon *is here to stay*. E ni pou, i pou avek nou pou bann zenerasyon, e zenerasyon *avenir* ziska ler en zour i annan en tretman mirak ki ganny trouve.

E ki meyer keksoz ki nou kapab fer ziska la, dan lespri sa lager antoure, se ki *ANB* i, *tackle supply reduction* e zot Minister Lasante atraver *APDAR*, oubyen zot program zot *tackle harm reduction*. Mersi Mr Chair.

MR SPEAKER

Mersi. Wi, *CEO* ou ki pou adrese. Wi.

CEO GERALDA DESAUBIN

Ok. Mon pou pran premye kestyon apre Dokter Low Wah i a pran sa enn dezyenm.

Onorab nou pa'n aret, *registration of new clients on the program or reregistration*. Wi, i annan en pti poz. Me akoz nou

pe reget nou stok *Methadone* parey zot konnen boner sa lannen nou ti annan en retar avek *Methadone*.

So priyorite nou pe donn nou bann kliyan ki deza lo program. Anmezir ki nou, nou fer sir poudir nou stok i *ok* la nou a pran nouvo dimoun, nouvo kliyan lo program.

Nou pa kapab fer bokou kliyan nouvo vin lo program kan nou napa latizann pou nou ofer zot. Nou napa stok. Nou pa pe dir nou napa, nou annan pou ofer tou sa ki deza lo nou program.

Me selman nouvo nou pe fer sir poudir, nou fini travay lo nou Polisi disiplin. Ler ou vin anrezistre ou konn nou nouvo Polisi ki mannyer i marse. Bann ki ti'n deza sorti lo program ler ou pe vin *reregister* ki si sa avek *reregistration*, bann disiplin ki vin avek *reregistration*.

Sa ki pe arive. Nou deza annan de stok *methadone* ki'n antre dan pei, nou pe fer sir poudir i annan lot stok koman Bidze i, a i *release for the second quarter* nou pou *re order* en nouvo stok.

So dan en mwan, de mwan koumsa nou kapab rekomans bann nouvo dimoun ki le antre lo program. Me selman tou sa ki lo program i pe

kontinyelman ganny *Methadone* toulezour.

Me parkont pou azoute mon annan lezot servis ki *available*. I zis kekfw *new registration for Methadone* ki *on hold for the moment*. Me selman si zot anvi lezot *detox services* sa i *available*. Mersi.

MR SPEAKER

Mersi. *PS* ou pou pran, dezyenm pwen? Wi *PS. Mic please. Yes. Ale.*

CHIEF LIAISON OFFICER DR WINNIE LOW WAH

Ok. In regards pou dezyenm pwen lo kote lezot drog ki antre, kapab ranplas Eroin. Wi a se moman nou pe vwar, nou vwar ki annan lezot drog ki deza ler nou pe adres sa probleman eroin i la, i pe afekte, i annan en lenpak lo nou bann kliyan.

E sa enn premye i *Cocaine* i annan lot dousman, dousman bann stimilan ki pe monte. I annan *Methamphetamine* ki pe monte, *Crystal meth*.

So sa bann stimilan sirtou i en pti pe pli efreyan ki eroin akoz parey mon'n mansyonnen zis pli boner ki la. Sa bann ki la bann stimilan in napa en latizann ki pou target li spesifikman.

I bezwen pirman sipor psikososyal e nou bezwen sa

sant rehabilitasyon pou met zot ladan ki bor nou kapab donn zot sa *full comprehensive, psychosocial support*.

So nou pa pe kapab, adiksyon parey nou dir *it's chronic*. I pa, adiksyon pa swazir son sibstans ki li i pou adikte lo la li.

Sa dimoun i annan son adiksyon i pou pran nenport ki sibstans ki annan *available* lo son *doorstep*. I kapab en lot drog apart ki *cocaine* demen i antre i pou *still* pran.

So servis pou adiksyon *as long* ki nou annan. Drog menm problemm konportman ki fer zot adikte i pou *still* la pou deservi nou popilasyon. Akoz i pa zis sibstans ki annan adiksyon i annan konportman tou.

Video games, other, many others as well ki'n fini ganny rekonnnet lemonn antye. E i *stated* dan nou *ICD* en klasifikasyon pour bann maladi enternasyonal. Mersi.

MR SPEAKER

Wi Minis.

MINISTER PEGGY VIDOT

Mersi Mr Chair. Zis pou ranforsi ankor le pwen. Mon ti a kontan fini an krwayan ki nou pa pe anrezistre lezot, le bann zenn akoz nou napa stok e *CEO* in byen eksplike.

Nou'n ganny nou 2 stok *Methadone* ki'n antre dan pei e nou pe ekspekte ki dek ki nou met en lot, en lot *order* an mwan Avril ki nou a ganny nou stok.

Akoz nou realize avek sistenm mannyer i ete, ki difikilte annandler pou gannyen. Nou bezwen annan en stok 6 mwan e kekfwa rezon akoz zot pe tenir en pe zot ti lo en stok 3 mwan. Me nou'n vwar avek *COVID* stok pa vini. Alor *stock* in fini ogmante nou'n nivo i bezwen pou 6 mwan.

Me solman nou annan ase *Methadone*, nou annan de, de. E pour, nou tout afe dakor avek sa ki Onorab Georges in dir. I nou bezwen *whilst APDAR* pe travay lo *harm reduction* nou bezwen osi annan sa, *supply reduction*.

E mon ti a kontan dir ki sa i osi Polisi Gouvernman ki pou fer mye pour tou posib pou redwir *supply* dan pei. Mersi.

MR SPEAKER

Wi Onorab Georges. Terminen.

HON BERNARD GEORGES

Mon pa anvi, mon pa anvi. Mersi Mr Chair. Mon pa anvi prolonz deba me mon ti anvi zis en, *suite a* en repons ki, Dokter Law Wah ti'n dir in reponn, sa enn.

Nou'n *focus* lo *APDAR* koman en *Methadone program* pou eroin. *Basically*, se sa ki dimoun deor laba ki mazine ler zot mazin *APDAR*.

Obviously *APDAR* i pa zis sa. Akoz i annan osi en konponan lalkol avek li ki nou pa'n koz ditou lo la ozordi.

E ki, e ki kekfwa i ti ava enportan me nou napa letan. Ki, ki, ki *APDAR* pou fer la prezan ki i vin anba Minister, apard sa *low threshold Methadone program*, en *high threshold Methadone program*, en *residential program* pou bann, pou bann adikt.

Ki zot pou fer an plis ki sa *in terms of alcohol, other dependencies?*

Eski i pou tonm anba *APDAR*, oubyen i pou tonm anba Minister Lasante zeneralman, oubyen i pou tonm anba plizyer lezot lazans? Mersi Mr Chair.

MR SPEAKER

Mersi. *Panel* lekel ki pou adrese.

PS BERNARD VALENTIN

Bon. Sa manda ki *APDAR* in gannyen, dapre Lalwa sa manda pou ganny transfere dan Polisi Minister Lasante.

Donk i vedir ki Minister Lasante dan son lansanm avek

focus partikilye sa divizyon, pou travay lo tou sa bann size.

Problenm lalkol i annan plizyer konponan nou konnen i annan son konponan tretman e en kantite tretman lalkol i akoz i annan, i pa tro parey drog.

Akoz i annan, par egzanp i annan dimoun ki servi lalkol i ganny malad lefwa, i ganny malad lestoman, i ganny tou sord kalite problenm ki ganny trete dan sistenm lasante normal.

Dan Lopital, par egzanp lo *Male Medical Ward* en rafal nou ti dir lamazorite zonm ki admit laba, i annan en problenm lalkol kelkonk.

Donk savedir sa size lalkol, tretman i pou dan *Health Care Agency*. Me son program, prevansyon ledikasyon eksetera ki sa manda *APDAR* i annan konmela i pou kontinyen retenir pou fer desann labi lalkol osi.

Donk sa ki nou pe sey dir se ki *APDAR* pe ganny transfere dan Minister Lasante koman en divizyon. Tou sa manda ki annan i pou retenir letan i dan sa divizyon.

Me selman i pou devlop en pe meyer, bann sinerzi avek lezot divizyon, seksyon dan Minister Lasante e osi an deor Minister Lasante. Mersi bokou.

MR SPEAKER

Mersi. Mersi *panel*, pour tou sa bann repons. Prezan nou kapab vot lo Bidze pou sa *agency* la. *Agency for the Prevention Of Drugs Abuse And Rehabilitation* lo paz 429 ziska 436 pou en Bidze R78milyon 362mil. Manm ki an faver lev lanmen silvouple?

Byen mon krwar tou Manm in vote. Mersi Madanm Deputy Clerk. Vot lo Bidze pou *Agency for the Prevention Of Drugs Abuse And Rehabilitation APDAR* lo paz 429 ziska 436 pou R78milyon 362mil in ganny 30 vot pour 0 vot kont e 0 abstansyon.

Alor mon annan plezir poudir ki sa Bidze in aprouve par Lasanble.

Mon pou retard zot ankor en pti pe akoz nou pou vot lo 4 pti, mon a dir pti antite. Mon vwar zot koman bann antite sipor pour Minister Lasante. Ki tou lede kote lasal in aksepte ki zot Bidze i annord e nou pa bezwen deba lo la.

Me selman si mon ti kapab demann Minis, pou fer en pti keksoz ler nou, ler mon mansyonn sa bann antite pou li zis dir nou dan de fraz petet kourt. Ki zot fer? E petet akoz zot travay i enportan pou Minister Lasante?

Premye sa bann antite se *such Seychelles Nurses and Midwives Council*. Lo paz 411 ziska 416 pou en Bidze R1milyon 396mil. Minis ou kapab donn nou de mo lo la.

SEYCHELLES NURSES AND MIDWIVES COUNCIL**MINISTER PEGGY VIDOT**

Mersi Mr Chair. *Seychelles Nurses and Midwives Council* i sa *body* ki *regulate nursing* dan Sesel. Ki fer ki, i protez piblik par fer sir ki tou ners ki servi sa tit dan Sesel e ki *practice* sa profesyon dan Sesel, i lo en standar ki zot ganny prepare pou zot kapab e zot konpetan pou delivre sa servis a la oter ki pei in *set*.

E sa i fer ki i protez piblik par fer sir ki i annan en group profesyonnel, ki kalifye pou fer sa ki sa profesyon i demande pou fer. Mersi Mr Chairman.

MR SPEAKER

Mersi Minis. Mon ava demann bann Manm pou vot lo sa Bidze. Bann ki an faver lev lanmen silvouple? Mersi, wi.

Bidze pou *Seychelles Nurses and Midwives Council* lo paz 411 ziska 416 pou en Bidze R1milyon 396. In ganny 30 vot pour 0 vot kont e 0 abstansyon.

Bidze in aprouve par Lasanble.

HEALTH
PROFESSIONALS COUNCIL

MR SPEAKER

Bidze pou *Health Professionals Council* lo paz 417 ziskan 421 pou R1milyon 160mil. Minis en pti leksplikasyon.

MINISTER PEGGY VIDOT

Mersi Mr Chair *Health Professionals Council* i regroup tou sa bann travayer lasante ki'n fer en program lo en serten nivo e ki zot *practice* dan Sesel swa ki parey *physiotherapist*, *pharmacist*, *technologist* dan laboratwar e lezot ankor.

Ankor i annan en rol regilater ki fer ki dir ki nivo zot bezwen arive, ki konpetans zot bezwen annan pou zot kapab *practice* sa profesyon ki zot ganny anploye ladan.

E pou fer sir ki zot reste, zot mentenir zot nivo konpetans a toultan pou zot kapab annan en *license to practice*, toultan pou prezerv lasante e protez piblik ki servi sa bann servis. Mersi.

MR SPEAKER

Mersi. Mon a demann bann Manm pou vot lo sa Bidze. Bann ki an faver lev lanmen silvouple? Mersi.

Eski i annan okenn Manm ki kont. Mon pa'n vwar si tou in vote. I annord. Mersi Madanm Deputy Clerk.

Bidze pou *Health Professionals Council* lo paz 417 ziska 421 pou R1milyon 160mil. In ganny 29 vot pour 0 vot kont e 1 abstansyon. Alor Bidze in aprouve par Lasanble.

NATIONAL AIDS COUNCIL

MR SPEAKER

Bidze pou *National AIDS Council* lo paz 422 ziska 425 pou R3milyon 704mil. Minis.

MINISTER PEGGY VIDOT

Mersi Mr Chair. *National AIDS Council* i sa group ki kordin tou bann aktivite ki tou, tou lenstitisyon i fer pou anpes *AIDS* a *HIV and AIDS*.

E fer sir ki a program ki nou annan dan pei i, i, i pou ede pou nou kontrol sa lepidemi e ki pou met li anba kontrol.

E osi ki ede pour ogmant kapasite pei pour adres sa problem *HIV and AIDS* an menm tan, pa zis *HIV*. Menm si i apel *National AIDS Council* i osi annan en rol pou zwe avek lezot

maladi parey epatit, parey tiberkiloz.

So son *main role* se vreman kordinasyon, fer sir ki tou program ki annan dan Sesel pe ede pour adres sa problem, kont sa trwa maladi. Mersi.

MR SPEAKER

Mersi nou a vot lo sa Bidze. Manm ki an faver lev lanmen silvouple? Mersi. Mon krwar tou Manm in vote. Mersi Madanm Clerk.

Bidze pou *National AIDS Council* lo paz 422 ziska 425 pou total R3milyon 704mil. In ganny 30 vot pour 0 vot kont e 0 abstansyon. Alor sa Bidze in aprouve par Lasanble.

SEYCHELLES MEDICAL AND DENTAL COUNCIL

MR SPEAKER

Seychelles Medical and Dental Council, lo paz 426 ziska 428 pou R788mil. Minis en pti mo.

MINISTER PEGGY VIDOT

Mersi Mr Chair. *Seychelles Medical and Dental Council* ankor i en, sa *body* regilatwar ki fer, ki deside lekel ki zot pou permet *practice* medsin dan Sesel, *practice dentistry* dan Sesel. E ki nivo konpetans, ki

program zot in bezwen swiv pou zot kapab fer sa isi.

E anmenn tan fer sir ki zot mentenir zot devlopman profesyonnel a en nivo ki zot kapab toultan *practice* dan en fason ki *safe*, pou protez nou piblik e pou protez osi zot profesyon. Mersi Mr.

MR SPEAKER

Mersi Minis. Bann Manm a vot lo sa Bidze. Bann ki an faver lev lanmen silvouple? Mersi. Ankor enn fwa mon vwar tou dimoun in vote. Mersi.

Bidze pou *Seychelles Medical and Dental Council* lo paz 426 ziska 428 pou en total 788mil. In ganny 30 vot pour 0, vot kont e 0 abstansyon. Alor sa Bidze in aprouve par Lasanble.

Avek sa nou'n ariv a lafen nou travay pou ozordi. Mon remersye tou bann Manm pou en long lazournen travay e *panel* osi pou zot partisipasyon. Mersi bokou pou tou bann lenformasyon e leksplikasyon ki zot in donn nou.

E mersi sirtou Minis ki'n la pou, de zour avek nou e byensir *PS Thesee*. *PS Thesee* in la, konbyen? 6 mwan a pepre.

(laughter)

MR SPEAKER

Mersi bokou *PS*. Nou ava *adjourn* la. Nou a pas dan Staz Lasanble avan. E nou ava *adjourn* pou nou rezwenn demen bomaten 09er. Mersi. *Adjourn*.

(ADJOURNMENT)